

180
206


Int 15.0
2.0

~~C. 22~~
C. 4





Del Museo de la Imp. de P. de S. Hieronymo de Sevilla



DESCRIPTIONIS
PTOLEMAICÆ
AVGMENTVM.
siue

OCCIDENTIS Notitia

Breui commentario
illustrata, et hac se:
cunda editione magna
sui parte aucta

Cornelio Wyffliet Louanicensi
auctore.

DVACT

Apud franciscum fabri.
Bibliopolum iuratam.

Anno

1603.

IN CORNELII VVYTFLIET
Secretarij Regij in Senatu Brabantiaë,
Ptolemaicum supplementum,
Iacobi ab Oy Sicambri,

EPIGRAMMA.

PRædicet *Æneæ* laudes *Maro*, *Homerus* *Vlyssis*,
 Lucanus sue virum fortia facta canat.
*N*il monumenta minus, veteres imitata, ministrant
 Wytsfieti; hæc proprium laudis & artis habent.
*H*orrida iuris amans nostro non cognita mundo
 Terra siue mari prælia gesta refert;
*N*ec retulisse satis, tabulis sed iura *Philippi*
 Explicat Antipodum maxima Regna sequi.
*B*landa suos habuit *sophiæ* *Reginam* magistros
 Qui rebus formas addere quasque solent.
*P*ostera progenies ignotum gentibus orbem
 Dimensum radio tota videbit ouans.
*A*rtibus extremos qui subdidit impiger *Indos*,
 Quod moriens viuat, gratia magnatui est;
*N*am monumenta sui donans à funere viuēt,
 Nec mors dira suum nobile lædet opus.
*N*on mortalis opus; licet hoc sibi sumat *Iberus*,
 Addita tot regnis regna labore suis;
*P*lus peperit ventis, minus armis, *Herculis* in *sta*
 Indos qui docuit subdere colla iugo;
*S*ola quidem populos diuisos orbe potentes
 Dextra Dei subdit *Magne Philippe* tibi.
*H*inc regum *Domino* sit gloria, lausque *Monarchæ*,
 Quem nouus hic mundus, quem noua regna colunt.


CENSURA.

Historia hæc de noui orbis inuēctione,
continens quoque eiusdem breuem
descriptionem, lætū iucundissima, nihil
habet quod quemquam meritò offendat.
A&ū Bruxellis, die xv. Maij. M. D. xcvii.

*Cornelius Worzel. S. Tb. Licentiat.
D. Gudulæ Plebanus.*

Infraſcriptus, Censuram Venerabilis Domini S.
Gudulæ Bruxellensis Plebani ſequutus, hanc histo-
riam vtiliter denudè excuſi poſſe, ſine latinam, ſine in
vulgares linguas fideliter conuerſam, indicauit.
Duaci 15. Aprilis Anno 1603.

*Bartholomæus Petrus S. Th. Doct. & in
Vniuerſitate Duacensi Profeſſ.*





BENIGNO LECTORI.



CLAUDII Ptolemæi nouam & recentem hanc editionem Benigne Lector, inde aſpiciendam iudicauī, Unde ipſemet Ptolemæus, ſi hæc noſtra uidiſſet tempora, deſcriptionis initium ſumpſiſſet; ſuorum namque Meridianorum primum in occidentis limite conſtituit. Inde dextro-uerſum progreſſus, inſtitutæ deſcriptionis ſeriem, ad uſque extremam tum cogniti Orientis metam produxit. Mibi ſanè, quando aſiduīs nauigationibus claſſibusque totius nunc occidentis patet ſitus, licuiſſet ſine inſtā cuiusquam reprehensione, de fixum hunc terminum retro trahere, & in ultimo Occidentis limite reſigere, ut initium finemque noſtrorum Meridianorum, Occidens & Oriens aſpiciat aut terminet, quod admitti & ſine ullo errore, aut conſuſione, tolerari poterat. Secus atque illorum curioſa induſtria, qui neglectis ſpretisque antiquorum receptis ſententijs, mutatum Ptolemæi limitem, ad ortum promouère, aut conuerſo curſu, retrogradā progreſſione, ad Occidentem perrexere, perturbata quippe hæc & inuerſa tranſlatio atque conuerſio, nuſquam deſignato certæ diſenſionis initio, multis de cauſis improbat, nam præterquam quod in multa impingant, Cymmeriaſque, ac pene inexplecibiles tenebras, rei per ſe claræ & dilucidæ offundant, cælorum ipſe ordinarius motus (cuius adminiculo in cognitionem longitudinum deuenitur) ab occaſu ad ortum fertur aut tendit. Satiſ itaque duxi retento Veteri more, in occidente incipere, & futuri operis tanquam prima lineamenta proponere. Reliquis tribus orbis partibus, recetium veterumque nominum ſeries aſcribetur, quod hic facere nihil attinet, nam barbaræ & inſolita hæc nomina, quæ noſtro vix ore concipi poſſunt, propter recentem occidentis notitiam, primæ

ne impositionis denominationes retinent. Ne tamen nuda tabularum exhibitio quenquam moretur aut ingrata sit, breui commentario inuentionem ac situm harum terrarum descripsimus & tanquam Thesæi filo in generalem occidui continentis cognitionem duximus, tenui facilitate stilo. Nam subiectum Geographicum, impeditum opus & eloquentiæ minimè capax esse, scite testatur Mela. Si tibi hæc nostra probabuntur Benigne Lector, alacriores nos ad sequentia feceris.





DESCRIPTIONIS PTOLE- MAICÆ AVGVMENTVM, SIVE OCCIDENTIS NOTITIA.

INCERTAM & fluctuantem adhuc de situ or-
bis doctrinam Claudius Ptolemæus geographo-
rum princeps, emēdatis aut correctis Marini Tirij,
& priorum traditionibus, adiectis insuper certis lō-
gitudinis & latitudinis notis, primus ad rationalem
modum reduxit, & quā potuit commodissimam luculentissi-
māque posteris terræ cognitæ descriptionē reliquit. Sed cum hi-
storijs fidisque nauigantium narrationibus destitueretur, descri-
ptionem suam intra octogesimum latitudinis gradum conclusit,
neque vltra centum octoginta longitudinis gradus extendere po-
tuit, quòd antiquitas existimaret, residuū oceano, aut terrā inco-
gnitā claudi, multisque sæculis rata stetit Ptolemæi sentētia, donec
patrum nostrorum memoriā, Castellani in occidente nouas ter-
ras inuenēre, & Lusitani omnibus Africę littoribus superatis, ori-
entalem Asiæ partem continuis nauigationibus detexēre. tum de-
mum inueteratus priscorum error deprehensus, & immensa pa-
tuit detecti machina mundi, tum certatim pleræque gentes supe-
ratis nouis incognitisque maris tractibus, ad inaccesos antea po-
pulos, ingenti ausu penetrarunt. Phēnices olim ante bis mille an-
nos & vltra Hispanias classibus adiēre. Carthaginienſes similiter
nauigatione ad Austrum extra columnas Herculeas institutā,
nouas terras inuenēre, sed illæ nauigationes exiguæ aut statim in-
termiſſæ; Hispanorum & Lusitanorum nauigatio, toto iam

*Ptolemæi
descriptionis
termini.*

ſæculo, annuis claſſibus frequentatur, nouoſque indies populos detegit aut domat. Alię nationes idem aliquando tentarunt, ſed parum ſœlici ſucceſſu, quando eiectę proſtigatęque victricibus Hiſpanorum armis, vacuam illis horum regnorum poſſeſſionẽ reliquẽre. Sed quia pro complemento noſtri Ptolemęi, ignotarum & nuper repertarum terrarum deſcriptionem inſtitui, non abs re fore arbitror, rem ab exordio repetẽre, nam cognitio rei tam memorabilis narrationem mihi videtur exigere pleniorẽ, propterea quod harum terrarum detectio, prioribus omnibus memorabilior fuerit, & vtilior. Tam præclarę & ſalutaris expeditionis

*Chriſtophorus
Columbus.*

Dux & author fuit Chriſtophorus Columbus, vir omnium ſæculorum memoriã digniſſimus: Quem benignã ſalutarium ſyderum conſpiratione natum eſſe, exiſtimare fas eſt, vt præfulgidũ iubar ſæculo noſtro naſceretur, quod priſcorum heroum Herculiſ & Liberi patris famam obſcuraret, quorum memoriã grata olim poſteritas, æternis literarum monumentis cõſecrauit. Chriſtophorus Columbus natus in Cucurienſi, ſeu, vt alij malunt, aſpero ignobilique Arbizolo Ligurię vico, à primã adoleſcentiã diuerſis nauigationibus exercitus, relicta patriã in Luſitaniam, aut, vt alij volunt, Maderam commigravit, ybi conficiendis hydrographicis nauigationum mēbranis, præcipuẽ littoralis Africę orę (quę tunc temporis nondum ſatis cognita erat) nauigantibus operam dabat, cumque extra columnas Herculeas nauigans, frequentiores occidentales ventos obſeruaffet, reputans ſecum ventos venire ex parte orbis terreſtri, & niſi in occidente eſſent terrę, nequaquã occidentales ventos ſpiraturos, ſuſpicari cœpit id quod res erat, in occidente terras eſſe. Fortẽ per eos dies nauis quę ex Hiſpanico littore ſoluerat oceanum ingreſſa, improuiſã orientalium ventorum procellã poſt aliquot dierum iactationem ad terras quaſdam incognitas delata eſt. Nauclerus reſtantibus ſecundis ventis, amiſſis penẽ omnibus naualibus ſocijs, quos aut fames aut morbus abſumpſerat, Maderam appulit, ybi à Columbo perquam humaniter hoſpitio exceptus, eidem totius nauigationis caſum expoſuit, terręque incognitę ad quam procellis abreptus fuerat, gradum & parallelum indicauit, ac nauigatorię membra-

ne ad-

*Columbi pa-
tria.*

*Prima Occi-
dentis notitia.*

nae adscribi curauit, sed gubernator ille siue nauarchus diuturnę iactationis nausęa grauissimisq; alijs incommodis fatigatus, post paucos dies ę vitā excessit, relinquens alijs materiam immortalis glorię: hæc prima occidentis notitia, sed pressa est insignis gloria facti, nam neque naucleri nomen vsquam extat, neque ipse tam prosperę sortis vllum tulit fructū, fama est fuisse Andalusium, alij Biscaynum, fuisse tenēt. Exinde Columbus incensus rerū nouarum studio, spes nouas agitare, & cupidine visēdi parallellū incognitum duci cępit. Genuensibus itaque suis (qui omnia quodam maria peruagati præclaram maritimę rei opinionem reportarant) primum rem aperit, affirmans si nauibus instructis iuuentur, se extra Herculeas columnas, vltra occidentē solem ad aromatum atque feraces terras perrecturum, sed Genuensibus hæc omnia (vti erant) noua, & in illum vsque diem inaudita, etiam impossibilia videbantur, quapropter aliō spes suas conuertendas ratus, quid tamen faceret incertus hærebat: nam Portugalię Rex Africanis rebus implicabatur, & Castilię reges Granatensi bello impediabantur: quodque ardentius profectiōnem animo volubatur, in incertum magis implicabatur, recordatione suę tenuitatis, sentiens siue ad instruendam classē, siue ad demerendam externi regis aut purpuratorum gratiam, minūs sibi potentię viriumque superesse, quā destinatę profectiōnis & diuitiarum quas animo præceperat magnitudo deposceret. Inter has cogitationes Bartholomæum fratrem ad Henricum septimum eius nominis Anglorum Regem misit, qui tum opum opinione ceteros anteibat, & pacificę sine vllis bellorum motibus, regnum moderabatur, cumque ab Henrico nihil impetratum esset, Alphonsum eius nominis quintum Lusitanię Regem adiit, sed nihil hic quoque perfici potuit, propter pertinaces contradictiones doctōris Calciadiglię Episcopi Visensis, & Magistri Roderici, qui tum celebres cosmographi apud Lusitanos habebantur, nam cum cosmographiæ sese omnes partes adamussim tenere arbitrarentur, veterum erroribus insistentes, negabāt in occidente aurum, vniones, gemmas, aut aromata prouenire, ridiculum & temerarium esse clamātes existimare in vacuo terris occidente, inter continui vastique

Columbi assidua & constanti sollicitatio.

Columbi desiderium inquirendi nouas terras.

æquoris fluctus, quidquam eorum quæ Columbus promitteret inueniri. Columbus hac spe deiectus in Hispaniam contendit, communicatoque negotio cum Martino Alonso Pinzonio nauarcho peregre regio, & Ioanne Perezio fratre instituti sancti Francisci, Cosmographo perquam erudito, in suscepto sollicitationis consilio mirifice confirmatus est. Perezius hortabatur Henricum Cusmanum Medinæ Sidoniæ, & Ludouicum de Cerdâ Medinæ Cœli duces adiret, quando vterque in suæ ditionis portu nauigia instructa deductaque habebat: Sed oblatam à Columbo conditionem, tanquam vana & inania afferret, respuere. Tandem hortatu Perezij Catholicos reges adire constituit, quos Perezius huiusmodi nouis propositionibus delectari prædicabat, addidit & commendatitias ad Ferdinandum Teleueram reginæ Isabellæ à confessionibus. Anno itaque à Christo nato octuagesimo sexto supra millesimum quadringentesimum, Columbus porrectâ Catholicis regibus supplicatione, petijt ne tam præclaro suo voto deessent, fore enim (si classe & necessarijs rebus iuuaretur) vt breui voti compos, in occidēte trans noti orbis terminos, ingentia amplissimarum terrarum spatia diuitiasque detegat: sed reges minùs quàm voto suo conueniret, aut rei magnitudo deposceret, attētos expertus est, quòd Granatensi bello distinerentur: nihil tamen remittens de solitâ diligentia, inuicti animi constantia, propositum nauigationis consilium vrgebat, præcipuosque aulæ processus, quos apud regem autoritate & gratia pollere intelligebat, indies compellabat, sed vterat alienigena, & humili veste amictus, vniusque tantum fratris obseruantia commendationi innixus, aulicis risui esse cœpit, quasi inania meditarētur, & pensius nullius foret, cœpitque petitio eius (vt ipsemet testatur in suis commentarijs) in fabellam verti & conuiuijs subseruire, quæ res illum supra modum sollicitum habuit. Iamque solus Alphonsus Quintauiglius præfectus magistrorum computus, læguentem Columbum sustinebat, & disputantē interdū de professione ad incognitas occidentis insulas, diuitijsque, quas animo conceperat, per iocum lubens audiebat. Perfecit tamē Quintauiglius negotio toties reiecto, & in octauum annū extracto, vt Columbo patēret accessus ad
sus ad

PTOLEMAICÆ AVGVMENTVM.

sus ad Petrum Gonsalē Médozam Archiepiscopum Tolētanū,
 qui gratiā & autoritate apud Catholicos reges pollebat, is Colū-
 bi rationibus expensis, eundem introduxit ad regiam audientiā,
 vbi re iterum ventilatā & excussā, rex & reginā benignius aures
 præbuere, spem facientes absoluto Bético bello sese rem totā ma-
 turo consilio penitus discussuros: Inde rursus Colūbo spes cresce-
 re & antiquę cogitationes redire, iamque a Palatinis à quibus vt
 homo vanus irrisus fuerat, suspici cōpit. Bético bello finito, relatā
 maturē denuo re ad cōcilium, placuit ad instantiam reginę Isabel-
 læ, fortunam tentare, & Columbi ingenium experiri: Columbo
 itaque Catholici reges gratiosē concesserunt decimam omnium
 bonorum, reddituū, & prouētuum, terrarum quas in occidēte si-
 ne præiudicio aut dāno regis Lusitanix inueniret aut detegeret,
 attributā insuper illi Liburnicā vnā & duabus Celocibus cum
 centum viginti epibatis & propugnatoribus, in quam rem (ex-
 hausto Catholicorum regum ærario decennali illo Bético bello)
 Ludouicus Sancti Angeli eorundem regum Secretariū, præro-
 gavit mille sexcētos ducatos Castellanos. Hic mihi pro se quisque
 animum acriter intendat quā laboriosa & difficilis fuerit Co-
 lumbo huius expeditionis promouendę sollicitatio; illud etiam
 aduertat quā exiguā sorte & periculi pretio ingentibus quotā-
 nis pecuniarum accessibus regum Hispaniæ ærarium in immen-
 sum auctum creuerit. Lubet etiam illud considerare finem Bēti-
 belli initium fuisse huius expeditionis, quasi bonus & immensus
 Deus præteritos Catholicorū regum decēnali illo bello susceptos
 pro fide Christianā labores; Indiarum adiectione remunerare, eie-
 ctisque idolis, illorū operā Indianos ad suū cultum vocare de-
 stinauerit. Sed Columbus exultās cōcepta hætenus bene cecidisse,
 armatis tribus nauibus, primā septēbris, aut vt alij volūt, tertiā
 Augusti anno post natum Christum millesimo quadrigentesi-
 mo nonagesimo secundo, à Gadibus in altum prouectus, diu op-
 tatum iter ingressus est; vnam nauium Martinus Alphonfus Pin-
 zonius, alterā regebat Frānciscus Martinus, ipse Colūbus cū fratre
 suo Bartholomæo præfectus & nauarchus in prætoriā naue substi-
 tit. Sic versus Canarias, quas antiqui Fortunatas dixerūt, cursū te-

Primum Co-
 lumbi iter ad
 occidentales
 oras.

nens, Gomaram vnam ex illis insulis aquatum descendit, ibidem
 que diebus aliquot substitit, vt nauales socios longiori itineri as-
 sueraceret, & aliquâ quiete refocillaret; hinc flexis ad dextrâ velis
 occiduum mare tenuit, sulcatoque per octo dies continuos oceano,
 tanta herbarum copia aquæ innatare cœpit, vt in herbidò campo
 versari viderentur, quæ res, vt insolitâ, militû & nautarû animos
 ita consternauit, vt dubitarêt an vltèrius progrediendû foret. Sed
 Colûbus suos exhortatûs, spè illis fecit nullo negotio herbidû &
 viride istud æquor posse superari & pernauigari; promissa mox
 sequebatur effectus, sed nihilominus sulcâdo maria per plures di-
 es, nullum vspiam terræ vestigium apparebat. Itaque Columbus
 conspiratione epibatârû nautarûmque, desperatione longioris
 & irritæ nauigationis, penè oppressus est. Incôditis naualibus cla-
 moribus postulabant, dum cômèatus superesset, vela conuerti, &
 Hispaniam repeti, insanû esse vasti oceani (qui in infinitû pateret)
 penetralia referare ac naturę claustra perumpere velle, vniûsque
 peregrini hominis temeritati omnium salutem obijcere, & si sero
 pœnitentibus redeundum sit, non suffectura alimenta per ignota
 maria ventorum libidine errantibus. Sed Columbus sacramenti
 militaris admonitos, de alimentis & cômèatu securôs esse iussit,
 quando ad multos menses affatim adhuc suppeteret, tum vt erat
 disertus, multis efficacissimisque rationibus ostendit quàm ig-
 nominiosum illis foret, si incertę mortis metu, vacuis manibus
 vela Hispaniam versus conuertissent, vbi procul dubio temerarię
 pusillanimitatis pœnas darêt, quin bono potius animo secum es-
 sent, & quod bene vertat cœptam nauigationem alacres ad opta-
 tum finem perducerent, vt voti compotes maximis præmijs auc-
 ti, triumphantes in patriam aliquando cum honore reuertantur,
 ad se quod attinet, decretum sibi esse in hac expeditione mori, nec
 nisi cum gloriâ domû remeare, si tamen perstent, & tâtà redeun-
 di sit insania, petere sese vt cœptę nauigationis cursum ad aliquot
 dies prosequantur, quod si nullæ interim vspiam appareât terræ,
 sese in illorû gratiam quantumuis inuitû cōuersis velis in Hispa-
 niam rediturû, ita pacatis naualium sociorû animis nauigatio in-
 stituta rursus cōtinuatur, sequenti die conspectis nōnullis auicu-
 lis

lis, Columbus hoc pro rato propinquantis terrę signo tenuit. Po-
 stridie cum omnes intenti terram oculis conquirerent, vndantem
 in aëre fumum conspexere, mox terram conclamant. Quis tamē
 prior terram aduerterit, aut notauerit, incertum est, & ad nostrum
 institutum parum momēti habet: nam siue Columbus, siue Ro-
 dericus de Trianā, siue nauta quispiam Lepiēsis primus terram in
 conspectu habuerit, satis est Columbum totius expeditionis du-
 cem & authorem fuisse. Visā terrā, incredibili gaudio perfusi mo-
 re nautico, cæteris cōspectæ terrę signum dedere, tum omnes præ
 gaudio lachrymātes, in genua prouoluti, diuinās laudes ingemi-
 narunt, gratiarum actione peractā venerabundi Columbum cir-
 cumstantes, dextramque exosculantur, patronum, parentemque
 appellantes, priorum veniam petebant: haud facili omnium lēti-
 tiam expresserim, tum enim sibi quisque primum nasci, deposito-
 que quę præ oculis habuerat, mortis metu, liberiore aurā frui, vi-
 debatur. Tam lætę felicitatis dies incidit in Nouembris vndeci-
 mum, dicti Anni millesimi quadringētesimi nonagesimi secun-
 di, post centum dies quā ex Hispaniā soluerant. Terrę itaque
 paulisper succedentes, appulerunt ad insulam Cuanabi seu Gua-
 nahani vnam ex Leucaijs, quarū numerosa multitudo inter Cu-
 bam & Floridam occurrit. Hic in terram descendit Columbus, &
 erecto glōriosa crucis signo harum nouarū terrarū possēssionē
 ad vsum Catholicorū Hispaniæ regū sese capere testatus est. Inde
 Barucensem Cubæ insulæ portum tenuit, insulam Fernandinam
 nominauit, in gratiā Ferdinādi regis. Cūque mare ventis turbari,
 & stationē nauium infidam esse conspiceret, perpetuis prouectus
 Zephyris, ad insulā ingentē Hayti, quam Hispaniolam vocauit,
 delatus est. Portum quem primum subiit clāsis, in hodiernum
 vsque diem Regium vocant. Hic prætoria nauis scōpulis illisa
 dehiscebat, sed accurrentibus cymbis alterius celocis, omnes in-
 columes euasere. Incolæ ad conspectum clāsis, virorumque
 splendentibus armis in terram descendentium, vno agmine pro-
 tinus ad montes, deuiasque syluas perfugerunt; sed Hispani fu-
 gentium tergis insistentes, vnam mulierum corripuere; Quam
 cibo potuque refectam, & veste donatam Columbus ad suos re-

*Primus Co-
 lumbi in ter-
 ram exscen-
 sus.*

*Hispaniola
 detectio.*

misit. Incolę hac aduenarum humanitate, & liberalitate prouocati, certatim ad littus decurrere, & scaphis siue patrijs lintribus, quas Canoas vocat, Hispanorum naues circumuecti, nauium magnitudinem, Hispanorum ornatum, & promissas barbas admirabantur. Hispani vicissim incredibili gaudio micantes in aures, aureasque armillas insularium contemplabantur. Cumque incolę Hispanis aurum, aureaque emblemata haud grauata adferrent, pro quibus vicissim cultellos, crepitacula, tintinabula, specula, & alia exigui momenti, gaudentes recipiebant, facillè, quod res erat, conijciebant, regionem auri venâ diuitem esse. Columbus vigentibus hisce cõmercijs, fiduciâ plenus, cum aliquot Hispanis in terrâ exiliijt. Hispaniola tum temporis quinque præfecturis tenebatur Septentrionali parti præerat Guacanarillus Regulus: is venientem Columbum comiter excepit, inque fidem futuræ beneuolentiæ muneribus, xenijsque vtrinque certatum, Indiani mandato Cacici, scaphis suis mobilia prætorię nauis, quam scopulis illisam diximus, comiter seruauere, adeoque benignè gentem hanc aduenam fouerunt, vt præsentire viderentur, sese aliquando in huius nationis ius atque potestatem concessuros. Ad vespertinæ campanę pulsus Hispanos, Christiano ritu genua flectentes, seque cruce signantes, veneratione imitabantur, & in genua prouoluti, palmas iungebāt, assentadi, imitandique (vt reor) libidine potius, quàm aliâ certâ causâ. Quantumuis non desint qui censent, Indianos crucem multis temporibus ante Columbi aduentum in honore habuisse. Gomara libro. 3. cap. 32. refert, apud Cumanos Burgundionum, siue Sancti Andree crucem, in peculiari honore fuisse, quodque cruce sese munirent aduersus incurSIONE lemorum, infantibusque recens natis imponere consueuerint. Quę res admiratione digna quibusdā meritò videtur, neque intelligi potest, vnde talis ritus apud homines syluestres inualuerit, nisi crucis hęc adorationem didicerint à nautis, aut peregrinis, qui vi vectorum huc delati, siue maris nauis, siue lōgioris peregrinationis & erroris tædio, in illis partibus perierūt, aut sepulti sunt, sicuti Nauarcho Andalusio, qui apud Columbū obiit, proculdubio accidisset, nisi rei maritimæ peritissimus, cursum, quē vi tēpestatis abreptus

Guacanarillus.

Crucis veneratione apud Indos ante Columbū aduentum.

abreptus tenuerat, obseruasset, cuiusmodi casu credibile est multos illic sepultos, quos vulgus pelago haustos existimauit. Aliâ crucis adorandę rationē, veroque propiorem Accusamilenses adferunt, qui per has quondam terras; virum sole lucidiorem trāsisse, & in cruce passum, Cabalicę sese maiorū parentumque suorum relationibus, accepiſſe testantur. Vt vtrū sit, nullam veri apparentiam habet, quod crucis adorationem a Carthaginensibus mercatoribus, cū ante bis mille annos extra Herculeas columnas progressi, ad has terras delati essent, quidā manasse sentit: nam præterquam quod Carthaginensium nauigation non ad occidentem, sed ad austrum directā fuerit; nullus tum ante natus, passumque in cruce Christum Dominum, vsquam crucis erat homines aut cultus; multò minus apud Carthaginenses, qui fontes & atrocissimorum criminum reos, in crucem agebāt: nam & Hannonem Carthaginensium ducem, proditiōis in simulatum, in crucem actum, classicorum historiographorum relationibus cōstat. Cæterum Hispaniolę habitatores, vicinarumque terrarū, Idololatrę erant, & gentiliū more inanum deorum cultum cæci amētēsque sequebātur. Iāque olim humani generis hostis, misellus aliquoties prædixerat, venturas ex orientali mundi plagā gētes promissis barbis, rutilantibusque armis cōspicuas, quæ finē satanico suo imperiō faciant, ablatumque indigenis imperium, vsurpent. Sed Columbus omnis morę impariens, primo statim vere, in Hispaniā redire, & Catholicis regibus suę nauigationis successum referre properabat. Quapropter inito, aut renouato fœdere cū præpotētibus insulę regulis, arcem in littore edificauit, cui Natiuitatis nomē indidit, relictoque Roderico de Arana Cordubēsi ad arcis custodiam, cū octo & triginta militum præsidio, ipse assumptis secum decem Indis, cū duabus celocibus, & octoginta classicis militibus in Hispaniam velis contendit, felici busque Zephyris spatio quinquaginta dierum adnauigauit. Ferdinandus cum coniuge Isabellā, Barcinonę tum statua habebat, eò Columbus terrestri itinere contendit. quod vtrū difficile propter viarum tedium, & impedimentorum multitudinem, honorificentissimum tamen illi fuit, effusis non modo urbibus,

*Hispaniolę
incola idola-
latræ.*

*Columbi
ditus.*

sed agrestium quoque turbâ ad famam sui aduentus concurrêre, viasque vndique obsidente. Stupebant ad nomen noui mundi, mirabanturque Indianos lutei coloris, psittacos, & auri pondus immensum, & quæ alia ferebat mirâda, aut noua. Venientem Columbum rex & regina perquàm honorifice susceperunt, & quod aulicæ beneuolentiæ haud dubium est signum in præsentia suâ sedere iusserunt, magnâque intentione audiuerunt, quæ de nouis populis eorumque terris cōperta memorabat, prolatoque auro, psittacis, alijsque nouis, aut ignotis, summâ voluptate perfusi sunt; solum aurum extra nouitatis admirationem erat: immensum tamen auri pondo & illarum terrarum diuitem venam pariter laudabant, & admirabâtur. Quatuor ex decem Indianis quos secum adduxerat Columbus, insoliti cœli mutatione, & maris nausêa debilitati, in viâ fatis concesserant; sex reliquos Catholici reges cum Iohanne principe festo ornato, & solemnî pompâ lustralibus aquis admouère, & ad initiandum in nouis hisce terris Christianæ religionis cultum, conceptis votis, in omnibus regionibus quas ductu, auspicijsque suis in posterum detegi cōtingeret (extirpato abominabili idolorum cultu) Christiana sacra, & veri dei cultum sese introducturos professi sunt. Relatio Columbi iussu regum Catholicorum accuratè descripta, per celeres nuncios ad Alexandrum sextum Pōtificem delata, Pontificem, totumque Cardinalium Senatum ingenti lætitiâ perfudit, mirabantur peregrinam & rarissimam eorum quæ afferebantur narrationem, mirabantur Hispanos ductu Liguris hominis eò potuisse penetrare, quod ne Romanorum quidem fama peruenire potuisset. Pontifex hortatus Catholicos reges, vt religionis Christianæ terminos quàm longissimè proferrent, iisdem gratiosè concessit omnes terras & insulas quas inuenissent, aut in posterum in occidête detegi contingeret. Catholici reges qui depulsis totâ Hispaniâ Numidis, Christi cultum in Beticâ renouarant, intellectu Pontificis voluntate, nunc quoque pro eâdem religionis fideique causâ; classibus suis maria tētare, ignotasque regiones procul à nostro orbe remotas detegere, auitâ nominis sui gloriâ, tropheisque nuper partis dignum existimabât. Et Colūbum repetitâ nauigatione, ad occiden-

*Indianorum
primus baptis-
mus.*

*Relatio aper-
ti occidentis
ad Alexand.
pontificem
missa.*

dentis insulas mittendum censuerunt, nihil itaque prætermittentes quod ad cultum decusque illius pertinere arbitrantur, insignibus, honorumque titulis auctum, & designatum Oceani Præfectum Admirantis titulo condecorarunt. Bartholomæo fratri, Hispaniolæ insulæ præfectura honorifico Adelantadi siue præfecti titulo delata est. Magnus dehinc Columbus esse, & inter proceres suspici cœpit, multusque vbique de illo sermo, dicentibus nonnullis: Carthaginensium decreto, prohibitam nauigationem ab illo inuentam, alij augurabantur illum ad ingentem Platonis insulam (quam tamen in Critiâ perijsse, & submersam scribit) peruenisse: nonnulli Senecæ vaticinium quod poëtico oestro in Medæa effuderat, à Columbo adimpletū, haud inaniter testabatur, & mirabantur. Columbo itaque decretae sunt naues septendecim, inter quas liburnicae tres, & celoces, siue Carauellæ quatuordecim erāt, cum mille ducentis propugnatoribus. Expenſis regijs cōparabantur equæ, vacca, tauri, sues, asini, capræ, & alia vtriusque sexus animalia, ad foeturæ propagationē illis in partibus procurādā. Aduexit etiā omnis frumenti generis grana, hordeum, triticū, frumētū, vites, saccari cannae, & alia leguminū, & plātarum genera, quæque alia necessaria ad ædificandum, & sustinēdum impetum quorūcūque aduersantium. Decreto regio vltra milites, classariosque, additi & Euāgelij præcones duodecim presbiteri, viri pij & litterati, quibus præerat. Frater Buyl Catelanus ordinis Sancti Benedicti, in occidentis partibus vicarius Summi Pontificis. Ad huius classis, nouarumque terrarum famā, multi viri nobiles excitati accurrebant, multi insuper mechanicorum operum artifices, Columbū hac nauigatione sequuti sunt, opinione ingentis cōpēdij, quod quisque (vt vasta omnia sibi proponit humanus animus) exigui temporis curriculo facile sibi promittebat. Classe instructā Columbus, vela secundis inflantibus ventis, feritam vnā Canariarum præteruectus, cursu æquinoctialem propius directo Desideratam siue Deseadam Antillarum vnā, post vnius & viginti dierum nauigationem, in conspectu habuit: enauigatoque harum insularum archipelago, nusquam descensione factā, breui Argenteum Hispaniolæ, inde Regium portum tenuit.

*Secunda
Columbi
nauigatio.*

*Isabella Co-
loria.*

Sed longè alio atque crediderat statu omnia inuénit, nã Hispanos Indi omnes ad vnum trucidarant: dolorem quẽ ex illorum morte cõceperat, excusante sese Guacanarillo, egregiè dissimulauit, egres-
suique in terram facto, Isabellam, in gratiam Reginẽ Isabellæ (quẽ
haud obscurè huic nauigationi fauerat) Coloniam deduxit, dete-
ctisque auri fodinis Cibaiijs, duodecim celoces multo auro no-
uisque & incognitis rebus graues in Hispaniã remisit. Munimẽ-
tũ deinde diui Thomæ extruxit, addito præsidio ad defensionẽ me-
tallicarũ fodinarũ, & Bartholomæum fratrem insulę proregẽ reli-
quit. Ipse cũ tribus Celocibus, querẽdis detegẽdisque nouis terris
intentus, mari sese comittens, sulcãdo Hispaniolæ extrema, Cubę
latus orientale attigit, cũque occidenti hĩc orientẽ coniungi puta-
ret, insulæ initiũ. A & O vocauit. In australi huius insulę latere Ia-
maicã vicinasque insulas detexit. De hinc Hispaniolam repetens,
in vltimo occidẽtis angulo, cõmodum nactus portũ, diui Nicolai
nomine insignẽ fecit, ibique substitit, vt refectis elõgã iactatione
socijs nauibusque, expeditionẽ aduersus Caribes siue Canibales
moueret. Sed ingenti febre correptus, profectiõnem hanc omisit,
& Isabellã se deferri curauit. Vt primũ à morbo cõualuit, mul-
tos Hispanorum aut infirmos aut mortuos, reliquosque contem-
ptis & neglectis Bartholomæi fratris imperijs, tã fœdè Indianos
expilasse comperit, vt insulæ reguli arma circumspectarent, mag-
naque insularium pars agrorum cultum desereret, & nusquam
semente factã, in intimam insulæ partem secederet, vt Hispanos
quos armis superare nõ poterant, fame subigerent aut expellerẽt.
Columbus de noxijs suppliciũ sumpsit, regulosque ad officium
reductos admonuit, ne agrorum, aut Maizi culturam omitterent,
quãdo procurata hæc sterilitas ipsismet noxia foret, & magna il-
lis postmodũ incõmoda infligeret. Interim Colũbo supra modũ
infensi erant milites, eumque vt crudelem & inhumanum, variis
rumoribus deferebant. Columbus vt inimicorum delationibus,
& calumniis occurreret, alteram versus Hispaniam nauigatio-
nem parabat, iamque in anchoris stabat trium Carauellarum
classis; sed tam fœda per eos dies, nymborum acturbinum obor-
ta est tempestas, vt exagitato aëre cœlum terrę misceri videretur,
pleno

*Columbus in
Hispaniam
reditũ parat.*

*Tempestas
horrenda in
Hispaniolã
insulã.*

pleno die densæ (quavis nocte attriores) tenebræ inuectæ, oculorum vsum ademerant, cumque ingenti sono cœlum streperet, inter horrendos fragores crebri ignes cœlo disiecti ingentem popularibus timorem iniecêre. Incumbentium furentiumque ventorum rabie, ædificia totâ passim insulâ disiecta, ingentiaque saxa à montium naturalibus crepidinibus auulsa, ingenti strepitu insularum militumque animos pariter conturbabant. Hac ædificiorum villarumque strage multi mortales suffocati, aut oppressi. Incolę tantâ tamque inusitatâ cœli inclementiâ consternati, derelictis mapalibus, montium & terræ cauernis sese abdiderant, multi mortales tenebris præoccupati aut inuoluti in agris errâtes, aut in domibus conclusi, cum totâ mansione, vi turbinum in sublime rapti aquis absorpti, aut in terram recidentes in frustra concisi perierunt. Quibus malis victi aut inuoluti mœstos plâctus, & horrendos clamores per tenebras edebant, ingentiaque paucis horis, totâ Insulâ detriméta accepta sunt. Classis quoque quę tutâ statione in anchoris stabat, vi tempestatis abruptis aut contractis retinaculis, littoribus impulsâ, cum vniuerso nautico apparatu periit, corruptoque commeatu; periculum famis etiam Hispanis imminabat, nisi per opportunè diuino nutu naues ex Hispania commeatum abundè subuexissent. Sedatâ tempestate, incolę quique in montes propinquos aut cauernas perfugerant, sensim prodire, sed rei & periculi nouitate attoniti exanimatis similes, sese inuicem intueri, præclusis que præ timore faucibus, vix animam trahere, scedęque tempestatis casum vnanimiter sed diuersis ex causis probabant, aut detestabâtur. Indi extraneos diuinâ ope totâ insulâ breuî depellendos, taciti gaudentesque persuasum habebant. Hispani verius reputabant præstigias Sathanæ esse terras hæc deserētis imperiūque in illis partibus abdicantis, propter Christiana sacra, baptismi vsum sanctæque crucis in iisdem exaltationem. Sed Colūbus vt prima trāquillitas data est, refectâ & instructâ denuò classe emensus Oceanum, Calicium Hispaniæ portum, velis tenuit. Dehinc citis equis ad regem contendens, detectas à se terras, scedęque tempestatis tristem casum recensuit, prolatisque iudicialium actorum codicillis, conquistas obiectasque sibi emulorū

calumnias egregiè diluit. Ferdinandus intellectâ rei veritate, & Admirantis innocentîâ, actorumque iudicialium integritate, colaudans Columbum, Maeste, inquit, virtute esto, & conceptam omnium animis tam præclaræ expeditionis tuæ spem, quod bene vertat, ad finem perducito: admonēs tamen subindè cum Hispanicæ nationis militibus in transmarinis, & lōginquis expeditionibus, remissâ aliquātum iudiciorum seueritate, leniūs agendum esse. Colūbus itaque afsūptis Carauellis & celocibus duodecim, quas Catholicorū regū sumptibus deduxerat, ornatu ratque, anno a nato Christo nonagesimo septimo post millesimū quadringētesimū, tertiam expeditionem Indicam alacer suscepit, duabusque celocibus præmissis, & rectâ Hispaniolam contendere iussis, ipse versus caput Viride cursum direxit. Indè ad occidētem nauigans, sub ipso penè æquinoctiali, calores, & pericula grauissima passus est, propter malacias, summâque maris tranquillitatē. Tandem Indiæ continentem attigit, littoraque prosequutus ad multū terrę spatium conuersis velis rectâ Hispaniolam adnauigauit. Tertiâ hac navigatione Cubaguâ vnionum piscatione diuitem detexit. Continentis pars quam hac profectioe adiit, est Paria. Immensū fluminis ostium hic subiens Columbus os Draconis nominauit, quod sinuosis vorticibus naues absorbere videretur. Subijt & Cumana regionis ripas, vbi comiter exceptus, de vniuersâ vnionum piscatione certior redditus est. Sed in Hispaniolâ omnia turbata consternataque inuenit, nam & celoces duæ, quas præmiserat, vt Xaraguam occidentalē insulæ partē tenuēre, à Roldano Ximenio qui ibi tū castra metabatur, pridemque ab autoritate gubernatoris recesserat, & haud obscurè rebellarat, in partes tractæ, Bartholomeo Columbo opem ferre recusarant: Roldanum quoque cōperit incolas deprædatum esse, omniaque cæde & incendijs cōpleuisse; quibus malis irritati Indiani, cōmuni gētis consilio Hispanos insulâ depellere, decreuerant. Sed Christophorus inconditâ gentē facili subegit, & tributariam reddidit. Roldanum quando saniora consilia respueret, neque ab obstinatâ pertinaciâ resipisceret, in montes, auiasque solitudines compulit. Roldanus interim apud Regem criminatus actiones Columborum, multos de fra-

tribus

Tertia Columbi nauigationis.

Cubagæ disectio.

Pariaregio.

Cumana regio.

Hispaniola status turbatus.

Roldanus.

tribus rumores aduersos perscripserat, quod homines Ligures Hispanico nomini infesti, crudeliter & auarè potestate supremâ abutebantur, Hispanicæ gentis milites pro re minimâ aut nullius momenti, vitâ mulctâtes, quodque aurearum fodinarum curam ablegatis Hispanis, exterorum Ligurum suorum operâ obibât, celandoque maiorem auri partem, fidelissimos & benemeritos milites suo iure, ipsosque insuper reges quinta vectigali fraudabant: quod Cubaguæ detectionem non ex fide perscripserant, vt circû uento per pactum rege Margaritarû piscationem sibi habeant, ac cumuloque ingenti auri pondere, insulæ imperium occupent, & regiæ coronæ bellû moueant. In hanc solam curam, incumbere Columbios fratres, idemque simulatæ adumbratæque iustitiæ speciẽ exequi consueuissẽ, leuissimis de causis fortissimos viros licitorum securibus subiycendo, reliquos quos dubijs subsellijs & iudicum sententijs conficere non poterant, periculosos desperatis, que expeditionibus implicabant vt Caribium telis confecti, & infandis crudelissimorum anthropophagorum faucibus discerpti in fœdam ventris ingluuiẽ (quod fortibus viris indignum) demitterentur. Sed hæc omnia fallõ afficta erant a Roldano eiusque sequacibus, dum excusso iugo grassantur. Epistola Roldani magnum dolorẽ Catholicis regibus attulit, quando eodem tempore ex parte Admirantis, de Rolandi contumaciâ & apertâ rebellionẽ certiores reddebantur. Igitur properandum, & perturbatis insulæ rebus tempestiuẽ prospiciendum rati; Christophoro Bouadillo ordinis Calatranẽ militi, Hispaniolæ præfecturam demandant, addito mandato vt noxios puniret. Christophorus Columbus vt erat occupatus pacandis insulæ regulis, qui arma sumperant, necius eorum quẽ aduersarij moliebantur, venienti gubernatori honoris officijque causâ obuiâ processit. Sed Bouadillus Columbũ cũ fratre vinciri, nauibusque impositos in Hispaniã deuehi iussit. Catholici Reges intelligentes Columbios fratres indignis modis victos adduci, per celeres nuncios, eorundem liberationem imperarunt. Columbus in primis de inhumanitate gubernatoris, deque vi & ignomina sibi, fratrique illatâ conquestus, rationem a se in Hispaniolâ gestorum retulit, innocentiamque suam regibus

*Criminatio
Roldani ad
Cathol. reges
perscripta.*

*Christophorus
Bouadillus.*

*Columbus cũ
fratre vincitus
in Hispaniam
missus.*

Quādo Hispaniolæ præficitur.

Columbus in aulâ retentus. Alphonsi

Nummij nauis.

Bouadillij in Hispaniam reditus.

Bouadilli nauis fragrum.

Quarta Columbi iter ad occidentem.

probauit, vt iam calumnijs petitos & penè oppressos à Roldano Columbios fratres appareret. vt tamen in posterum prouinciæ pax constaret, neue vterius mutuis diuersæ gentis simultatibus turbaretur, abrogato Bouadilli imperio, Nicolaum Ouandum proregem Hispaniolæ miserunt. Columbum tamen per speciem honoris in aula retinuerunt. Alphonsus interea Nunnus & Pinzonij fratres à regibus adeundi inquirendique terras incognitas potestatem obtinuerunt, edicto tamen proposito, nequis intra quinquaginta passuum millia Columbi nauigationes attingeret. Nunnus in altum prouectus, vt Indiæ continentem attigit, neglecto regio mandato, Pariç Cumanæ & Amarcapanæ sinus subuectus, ingentem margaritarum & vnionum vim retulit: Sed in reditu super vnionum partitione rixâ exortâ, cum vitato Hispanensi portu, in Galiciâ excensionem fecisset, nauales socij in terram egressi, ad Ferdinandum Vegam illius oræ præfectum detulerunt, Nunnum spreto Regio mandato littora a Columbo antea detecta inuectum, regioque vectigali quintâ defraudatâ, ingentem vnionum margaritarumque vim interuertisse. Præfectus Nunnum in carcerem coniecit vbi cum magnam vnionum partem consumpsisset, vinctus tandem ad Ferdinandum regem missus est. Bouadillus accepto tam potenti successore, ijsdem nauibus quibus Ouandus venerat, in Hispaniam redire constituit, cum Roldano veteranisque militibus quos catholici reges euocauerunt, aut Ouandus, vt pax prouinciæ stare, & contētionēs e medio tollerentur, remittebat. Sed coortâ ingenti tempestate, Bouadillus cū Roldano, & viginti quatuor nauibus, auri que magnâ vi a quis hausti periēre: periit & ingēs ille auri globus quē Petrus Martyr, ter mille trecentas & decem libras appendisse testatur. Catholici reges nunciato Bouadilli & Roldani naufragio, Columbum denuo ad detegendas terras misēre, assumptis itaque tribus Caruellis anno a partu virgineo millesimo secundo post quingentesimum, occidentem versus vela intendit. Sed venientem Columbum Nicolaus Ouandus, Hispaniolæ gubernator, ciuitate portusque prohibuit, Columbus indignatus illius se insulæ portu arceri, cuius ipse nuper fuerat inuentor & propagator, conuersis velis portum

portum absconsum petijt. Inde desiderio inueniendi fretum quod per occidentis limitem ad orientem duceret, rectâ ad occidentem cursum dirigens, Guanaxam adiit, & ad portum Higuera, quem caput Fonduræ vocant, delatus est. Inde reflexis ad orientem velis, huius tractus littora retrogradâ nauigatione sequutus, Veraguam, inde Zorobaras insulas tenuit. Cû in Zorobaris versaretur Veraguæ prouinciam multo auro affluere cognouit: inde delatus in sinum Vrabiesem, venit in notitiam maris australis. In hoc itinere duas ex quatuor Carauellis amisit, reliquæ rimis fatiscences nauigationi penè inutiles erant; quapropter Hispaniolæ repetendæ consilium sumpsit, sed hiscentibus affatim nauibus, in Insulâ Iamaicâ substitit. Dum hic hæret militum corpora diurnæ nauigationis, & maris nausæa, morbis tentabantur, ex reliquis quibus vires adhuc integræ multi discordes, Columbo parum audientes, duce Francisco Porresio, tumultuose per seditionem secedere, & in Hispaniam redire tentarunt. Columbo propter ægrorum multitudinem nauigare haud erat integrum: cumque a validioribus militibus derelictus esset, insulani per contemptum com meatum quoque recusabant. Sed Columbus ex casu consilium sumpsit, vocatisque ad se insulanorum primoribus, com meatum militibus suis præstari eniè petijt, ac ni faciant, omnes breui pestiferâ luë ab irato numine ablumendos denunciauit: In cuius rei euidens signum lunæ faciem (quod deliquij fere tempore euenit) sanguinolento ore sordatam infra biduum apparituram prædixit. Insulani conspicati lunæ deliquium, vt erant naturalium causarû ignari, timuerunt ne magnum ipsis aliquod malum impenderet, multisque lachrimis erratorum præteritorum veniam poscentes, abundè com meatum & necessaria subministrarunt; sic milites morbis & inediâ debilitati, infra paucos dies recreati, sanitatem recuperarunt. Sed Franciscus Porresius vasti oceani fluctus metuens, animoque reputans, nauem quam secedens a Columbo occuparat, inflati oceani fluctibus cessuram, & malè aptam aut tutam in Hispaniam nauigationem promittere; aliam præterea celocem abducere in animo habebat: cuius rei occasionem circumspiciens, vicinis in portibus hærebat. Sed Columbus de Por-

*Secutio Por.
resij.*

*Primum
Hispanorum
in Indiâ civile
bellum.*

resij aduentu certior factus, paucis suos adhortatus omnia vicina littora collustrans, si vspiam illius deprehendendæ facultas esset; consequutus Porresium commisso prælio superauit, & vtrumque fratrem cœpit, rebellibus reliquis in ordinem redactis: portui in quo pugnatum est, sanctæ gloriæ nomen indidit: is portus conspicitur in Siuiglia Iamaicę. Primum illud ciuiliū armorum in occidente initium fuit, quæ ad infaniam postmodum exercita, tristissimę lanienæ memoriæ ad omnes gentes transmissere. Columbus in insulâ Iamaicâ, aliquot mensibus substitit, donec Mendocius, quæ ad proregem Hispaniolę miserat, duas celoces adduceret, quibus Hispaniolam adnauigauit prouisoque commeatu, fœlici paucorum dierum nauigatione, in Hispaniam redijt, regibusque nauigationis suæ casum, terrarumque hac vltimâ suâ nauigatione detectarum situm exposuit, magnâ audientium regum voluptate. Tandem, vt erat multis laboribus corporis & animi confectus, in febrem incidit, quâ inualescente post non multos dies ex hac vitâ comigravit, anno millesimo quingentesimo sexto Maij die octauâ. Corpus Hispalim delatum, in ecclesiâ Carthusianorum humatum est. Erat Columbus bonæ staturæ membris decorè compositis, rubicundulus, ingenio subtili & perspicaci, sed ad iram procliui, laborum patientissimus: Inuentor proculdubio ingentium, & omni memoriâ incognitarum terrarum, quę longè lateque in vasto latebant oceano, nostro orbi incognitæ, amplissimumque Hispanico nomini imperium peperere. Inuidorum tamen calumnias effugere non potuit, quo minus (quantumuis detecti noui orbis laudem auferret) fiscalibus actionibus implicaretur, quæ toto vitæ tempore illum exercitum tenuere. Didacus Columbi natus maior filius, patris in maris præfecturâ successor, prius decessit quam litis finem obtineret. Quatuor Indicis præfectionibus diuersas & ingentes prioribus sæculis incognitas terras adiuit & detexit. Mortalium etiam primus ad Americæ Isthmum vltimâ suâ nauigatione delatus est, nullum tamen nomen imposuit. debebatur, credo fati, tantæ orbis parti Americę (quod postea consequuta est) nomen. Insignem etiam Columbi modestiam arguit quod in tantâ terrarum à se detecta-

*Columbi re-
ditus.*

*Columbi
Mors.*

detectarum multitudine nullam urbem aut portum Columbo-
rum nomine insigniuerit, Sed virtus sui ipsius pulcherrima mer-
ces, id in quo Columbus sibi indulgere noluit cumulatifsimè illi
reddidit, quando vno ore grata posteritas, non Isthmii aut portus
alicuius sed totius occidui cardinis notitiâ, Columbo multis no-
minibus sese debere, lubès testetur. Duos filios reliquit superstites,
Didacum & Ferdinadum. Didacus viginti annos patri superfuit:
uxorem duxit Mariam Ferdinandi Toletani filiam, ex quâ Lu-
douicum Columbum tertium Indici maris præfectum genuit.
Ferdinandus inter domesticos pueros principis Hispaniæ educa-
tus, patrem tertîâ Indicâ profectioe sequutus coelebs mansit, sed
vir studijs deditus, varijsque disciplinis excultus coaceruato in-
gentis Bibliothecæ thesauro mille, ducentorum amplius codi-
cum tali patre dignum se filium præstitit. Sed Ferdinandum re-
gem post Columbi obitum, ingens incelsit cura, vt regiones hac
nouissimâ expeditione detectas teneret ac præsidijs firmaret, nã &
Columbus paucis diebus antequam decrederet, codicillos eâ de
re ad regem perscripserat quibus prudenter monebat, vt primo
quoque tempore Veragnam & Vrabam colonijs firmaret. Al-
phonsus itaque Hoiedam & Didacum Niquefam Anno à na-
to Christo millesimo nono supra quingentesimum Duces dele-
git. Niquefam Veragnæ, Hoiedam Vrabæ cum Imperio præesse
iussit, addito mandato vt ante omnia Indianorum animos reli-
gionis opinione emollirent. Hoieda conscriptis quadringentis
militibus Martino Anciso Baccalaureo (qui iuredicundo provin-
cijs illis præesse iussus erat) cum reliquis militibus, equis tormētis
& cōmeatu subsequi iusso, nauibus Cartagenam delatus est, ex-
censuque in terram facto pacem abnuentibus incolis, nudos pa-
lantesque adortus, multos interemit, auri aliquantum ex præ-
dâ collectum est. Dehinc mediterranea penetrans ducentibus
commonstrantibusque captiuis, Barbarorum vicum, strenuè
sese defendentibus incolis, magno suorum damno oppugna-
uit, desideratò Iohanne Cossâ & septuaginta militibus, quos
Indi ferali ritu deuorant. Sed superuentu Niquefæ confirmatus,
communibus viribus oppugnatum denuo barbarorum vicum

Columbi filij.

Alphonsus
Hoieda &
Didacus Ni-
quesa Duces
in Indiam de-
linantur.

Hoieda expe-
ditio.

cœpit & incendit. Inde soluens Hoieda nouę Carthaginis oram præteruectus Vrabienſem ſinum ingreditur & ad Caribanę littus in Orięti propiore ſinus Vrabici parte expoſito milite, & commeatu nouę Colonię (quę prima fuit Hiſpanorum in Indię continente) fundamenta molitus crebris excuſſionibus Indos infeſtabat. Tirripium deinde barbarorum municipium, opinione opulentię celebre irritò conatu oppugnauit. Cumque commeatu inopiã premeretur indicio cognouit, non procul abeſſe vicum omni commeatu genere abundantem, eò repēte contendens locum inuaſit, vnde annona laxior & captiuorum ingens numerus, reguli quoque vxor abducta eſt, ſed maritus vxoris redemptionem promiſſo auro ab Hoieda impetrauit, die præſtituto redemptioni pretium adferre ſimulans, Hoiedam contumelioſe cōpellat, & ſagittã veneno infectã Capitanei femur fauciat, vltus iniurias amicorũ vicique nuper ab Hoieda combuſti. Regulus cum vxore & octo ſocijs in conſpectu Hoiedę a circumfuſis vndique militibus obrũcati, barbarę magnanimitatis pœnas dedere. Sed cum multis militibus per acies aut vulnera abſumptis, reliquorum corpora valetudo tentaffet, coelique intemperie vulgatis morbis multi indies interirent; Fremitu totis caſtris orto gubernatorem probroſis vocibus inceſſebant, ſed ſuperuētũ Bernardini Talabrę qui militum ſupplementum & commeatum aduehebat, recreati paululum quieuere, mox vehementer exarſit ſeditio, Hoieda per contubernia ſingulos conſolatus hortabatur, bono fortique animo eſſent, quando relatione Talabrę baccalaureum Ancifum cum commeatu magniſque ſubſidijs breui adſuturum ſciant. Sed ſurdis hæc caneantur: iamque indicio cognouerat nonnullos deſtinaffe occupatis nauibus fugam moliri: optimum itaque ratus eos præuenire relicto propratore Franciſco Pizarro acerrimo iuvene, cui Peruiņę ampliſſimã opulentiſſimęque prouincię detectio reſeruabatur, itineri ſe accinxit, promittens, breui ſeſe reuerſurum cum commeatu & recentium militum ſupplemento, ac niſi intra quinquageſimum diem rediſſet, omnes iuramento perſoluere & quocumque illis viſum eſſet abeundi poteſtatem ſe facere teſtatus eſt. Sic Talabrę nauem conſcendit & Ancifum

Hoieda vul-
neratus.

Hoieda Hiſ-
paniolã repe-
rit.

Franciſcus
Pizarrus.

cisum quærens multis circumuentus ærumnis vix tandem Hispaniolam tenuit, vbi ex vulnere nuper accepto, siue quod nulla subsidia militibus suis in promptu aut ad manum esse perspiceret, paucos post dies ingenti animi micore correptus moritur. Elapsis quinquaginta diebus cum ne sexagesimo quidem die quisquā comparuisset, aut ab Hoiedâ quidquam nunciaretur, Pizarrus cum acri famē premeretur, reliquis tantum septuaginta ex trecentis militibus, conscēsis duobus nauigijs execratus crudeles terras, Hispaniolæ repetendæ consiliū inijt: vix dum in altum procectus seque tempestatis procellis, vnā nauium cum omnibus militibus & armamentis, aquis haustam amisit, alterius gubernaculum à pisce monstrosē magnitudinis fractum & excussum est. Sic Pizarrus semi naufragus in insulam fortem è regione Cartagenæ & Vrabici sinus eiectus, ab insularis etsi pacis amicitiaque ligana præferret, quum aquatum descendisset armis ferisque vlulatibus prohibitus, littus aliud magis propitium quære coactus est: continuatoque inter omnia cælo terraque infesta, infastæ nauigationis cursu, inter Cartagenam & Cachibacoam Bacalaureum Ancisum cum comœatu, & militum supplemento quod Hoiedâ adducebat obuium habuit. Pizarrus mirabiliter recreatus, seuque fortunæ aduersos casus & Hoiedæ discessum exponit, militesque omnium egenos, morbis, fame, ac siti penè subactos, permissu gubernatoris, iurisiurandi religionē solutos, Hispaniolam repetere pronunciauit Ancisus aliud atque erat suspicatus, more militiæ, tanquam desertores proditoresque sui legati corripuit, mox certiora edoctus, Hoiedę militumque casum miseratus, tamen pro iure imperij milites ponē sese subsequi iussit; Pizarrus comilitonum nomine supplex obtestabatur, vt miserrimi exercitus vltimas reliquias saluas esse vellet ac conseruaret, petendęque Hispaniolæ potestatem faceret: constanter id ipsum recusante Anciso, milites oblato magnō auri pondere communibus votis id ipsum petere, & vt sui misereatur ob testari cœperunt. Tum Ancisus humaniter illos consolatus quod nouo comœatu recreati pristinas vires breui reciperent, ad antiquam militiam reduxit turbidos & inuitos. Prima in terram excensio, aquandi gratiā, facta

Hoiedæ more

Pizarrus cū reliquijs exercitus Vrabā deserit.

Pizarrus Bacalaureū obuium habet.

Ancisus Hoiedæ reliquias ad militiam reducit.

est in Comagræ littus, vbi a barbaris innocuè dimissus est, cum neque Hoiedæ neque Niqueſe naues agnosceret a quibus haud ita pridem mapalia sua succensâ & deuastata iracundi fremebant: Pace cum Cara marëſibus firmatâ, Ancifus Vrabienſem prouinciam denuo petere instituit, sed naucleri inſcitia in ipſo portu vnde digreſſus erat Hoiedus, naufragiũ fecit, nauisq̃ue prætoria ſcopulis illiſa, aquis hauſta eſt, arma equi aliaque animalia quæ propagationis cauſâ aduexerat, aquis periëre: Ancifus abſumpto reliquo cõmeatu quum iam milites præ inopia radicibus pomisq̃ue ſylueſtribus veſcerentur, ad ſubleuandam diræ famis neceſſitatē, aſſumptis centũ militibus mediterranea penetrare ſtatuit, vix quatuor miliaria emenſis, ingens ſagittariorũ globus Hiſpanos nihil tale timentes audacter incurſat, naueſq̃ue repetere compellit. Ancifus in tantâ alimentorum inopiâ penè inops conſilij, cum ex captiuis didiciſſet non procul inde in aduerſo littore campeſtrem, frugibus vitæque alimentis abundantem eſſe regionem, eò prorsus conuertit, deſertoque orientali Darienſis littore, occidentale latius occupauit, iamque propugnaculum & caſas moliebatur, cum hoſtiliter ingruens Indianorum manus, aduenas patriâ terrâ expellere nitebatur, Ancifus arma expediri iuſſit, acie inſtructâ milites anteaquam ad teli iactum venirent, in genua prouioluti inſenſi numinis iram deprecabantur. Ipſe Ancifus nuncupato voto diuę virginis cui ab antiquitate Hiſpali cognomen eſt, ſi voti compoſ foret, ſe ædem ſacram e Cemaci Cacici domo exſtructurum, eiũdemque Virginis antiquæ nomine conſecraturum promiſit. Cõmiſſo atroci prælio Hiſpanus victor diſceſſit, inuaſiſq̃ue eiũs gẽtis pagis, cõmeatus abundè ſuppetiit. Cumque biduo poſt aduerſo flumine nauigarent, Barbarorum ſuppellectilem auriq̃ue ingentia pondera inuenerunt, quæ à Comaco rege ante conſlictũ eò comportata atque abdita fuerat, ne in Chriſtianorum manus venirent, mirum in modum gaudentibus militibus, tantam cõmeatus vbertatem, tantamque auri copiam conſecutiſ. Ancifus hac præclarâ victoriâ potitus, ſocios quos in aduerſâ ripâ reliquerat accerſit, molitusque nouę Colonix fundamenta, ædem diuę virginis conſecrauit, & locum Antiquæ Darienſis nomine celebrem

Ancifus Vrabienſem repetens in portu naufragiũ fecit.

Votiſ Ancifi.

Ancifus Darienſis.

brems fecit, Sed Niqueſa digrediens ab Hoiedâ aſſumptâ Carauellâ vnâ & duabus biremibus, cæteris ſeſe ſubſequi iuſiſis, ad occidentem ſolem ſimiliter vela intendit, quærens Veragnam littoribus occidentalibus Vrabæ contiguam. Sed cæcæ noctis tenebris abreptus prouinciã præteruectus, ſocios amiſit: Lupus de Olando vnus biremis rector, ex incolis cognouit ſeſe Veragnæ portum à tergo reliquiſſe, repetitâ itaque ad orientem nauigatione Petrum Vmbriam qui nocte a curſu aberrauerat obuium habuit. Cum Niqueſæ Carauella nuſquam compareret, conuerſis velis Veragnam nauigauit ſi forè Niqueſam illic inueniant. Sed nuſquam inuento aut comparente Niqueſâ, ſumma imperij Olando delata eſt: iſ maizium ſeminare & caſas moliri inſtituit, infauſtoque & funeſto conſilio (vt omnem ſocijſ fugæ ſpẽ præſcinderet) naues temerè ad litus ferri, & inter ſe collidi paſſus eſt: ſed temerarij conſilij errore deprehenſo, è fractarum tabulis, carauellam vnã, ad neceſſarios & ſubitos uſus fabricari iuſſit. Hoc rerum ſtatu, vnus ex naualibus ſocijſ è ſpeculâ mare deſpectans, cum ex occidentis latere nauiculam velis inſtructam conſpexiſſet, lintea vela ſeſe videre acclamaui: cumquẽ portum ſubiſſet ſcapa, deprehenſum eſt cymbam Niqueſæ eſſe, de Niqueſâ interrogati nautę, illum amiſſâ carauellâ in Zorobarenſiũ inſulis, omnium rerum egenum oberrare, & tertium iam menſem radicibus & ſylueſtribus pomis victitantem decreuiſſe pedibus Veragnam repetere, renunciant. Olandus extemplò biremem ad deuehendum Niqueſam miſit, quam paucis quos ex militibus ſuis reliquos habebat comitatus conſcendit, & foeliciter ad exercitum reuerſus eſt. Sed ingratus Olandum in vincula coniecit, & proditiõis reũ peregit; quin & infauſtis illis terris ſeſe excedere velle teſtatus, milites ex templò itinẽri ſeſe parare iuſſit, milites meſſem inſtantem & frugum maturitatem cauſati, exigui temporis moram orabant. Sed Niqueſa propoſiti tenax, vela orientem verſus intendens, in Portum bellum delatus eſt. Hic medietatem ſuorum reliquit, aſſumptiſque reliquiſ, Mar-
moris promontorium tenuit, vbi ſubitario opere propugnaculum nominis Dei extructum eſt, ſiue quod eius die eò appulerit

Niqueſa caſus & error res.

Lupus de Olando in Niqueſæ locum ſuſſicitur.

Niqueſa ad exercitũ reuertitur.

Olandus in Vincula coniectus.

Niqueſa Veragnam deſerit.

DESCRIPTIONIS

24

*Nominis Dei
propugnacu-
lū a Niqueſa
conſtitutum.*

Niqueſa, ſive quod terre ſuccedens ſcelicioreque rerum ſtatū ſibi promittens, exiliamus in nomine Dei (inquit) in terram. Tale habuit initium celebratiſſima illa Septentrionalis Indiæ ciuitas, quæ bonis auibus ſuccedentibus temporibus in immenſum excreuit, & quicquid diuitiarū australis maris vndis aduehitur, recipit, & ad noſtros Europeos transmittit. Cœterū ex ſeptingentis octuaginta Niqueſæ militibus vix cētum reliqui erant: Nam cū Veragna excedens caput Marmoris quæreret, nominisque Dei propugnaculum communiret, pluſquam ducentos, maris nauſeā, & aliſdiuis hoſtilibusque barbarorum incurſionibus amiſerat. Sed Darienſes feralibus odijs diſcordes in partes ſeceſſerant, alijs ad Prætorem Ancifum, alijs ad Vaſcū Nunnium imperium deferentijs, re ad extremum penè certaminis deductā, quorundam interceſſione placuit Rodericum Colmenarem Niqueſam euocare, qui diſcordes regeret, & ſublatis contentionibus imperij curam ſuſciperet, donec regum Catholicorum voluntas exquiritur quæ ſummæ potiſſimum rei præeſſe velint: Colmenares Niqueſam apud nominis Dei portū inuenit, ſqualidum & omnis rei egenum; Niqueſa Colmenarem complexus in lachrimas effuſus, caſus acerbos, & miſeram ſuam ſortem exponit: Colmenares apertis ſuę legationis cauſis, maſte virtute eſſe iubet, veterumque malorum obliuiſci, quando nouo accidentis fortunæ beneficio, prioris conditionis haud dubia affulgeat ſpēs. Niqueſa itaque in nouā ſpē erectus cū ſeptuaginta quinque Hiſpanicis militibus quos ex amplius octingentis, reliquos habebat, Vrabā velis contendit, ſed ferox & immoſicus linguā in itinere, multa intēperāter de Valboā & Ancifo Baccalaureo, iactitans, cum quosdam gradu atque dignitatibus mouere, alijs pecunias & facultates ſeſe ablaturum profiteretur, eaque complurium auribus excepta Darienſibusque propere relata eſſent, exitium Niqueſę maturarunt: Nam Anciſus atque Valboa antea diſcordes vnanimiter egreſſū Niqueſam multis probris oneratum, cum ſuis militibus nauem repetere compulerunt, Ille moerens receſſit, neque uſquam amplius comparuit, creditur fluctibus hauſtus aut a barbaris ceſus & comeſtus, Hunc habuit exitū inſelix Niqueſa. Fugato Niqueſā haud tamē Darienſibus

*Darienſium
diſcordia.*

*Niqueſa a
Darienſibus
euocata.*

*Niqueſa re-
pulſa & ſa-
pientia.*

fibus inter se pax cōstabat, sed priore scēdior seditio exarsit. Valboa
 audax manu, præoccupat, & Ancisum in vincla cōiicit, bonaque
 eius fisco regio ascribi iussit, paulo post quorundam intercessionē
 dimissum, abitumque parantem, retinere conabatur, oblata iuri-
 dici prætoris priore dignitate. Sed Ancisus repudiato beneficio,
 indignabundus in Hispaniam contendit, & Valboam ad Indi-
 cum senatum detulit, visisque informationibus atrox in Valboā
 lata est sententia. Valboa cum sublatis æmulis solus rerum in An-
 tiquā Darienis potiretur, deficiente commeatu Coibam expug-
 nauit, & Caretam regulum quod imperatos comimeatus recula-
 ret cum vxoribus & familiaribus captiuum abduxit. Dehinc pace
 conciliatā Poncam Caretæ hostem persequutus, & in mediter-
 ranea progressus, urbem expugnauit, sed nihil prædę fuit: nam Pon-
 ca fugiens omnia sua abstulerat. Valboa Antiquam Darienem
 reuersus, periculosum iudicans mediterranea vltius penetrare,
 tutiusque fore si secundum maris littora expeditiones suscipere-
 tur, aduersus Comogrum, Comogre prouinciæ regulum duxit,
 sed intercedente vno ex domesticis Caretæ pace amicitiaque in-
 ter illos contractā, Hispani sine noxā prouinciā intrarunt: Nam
 Panquiatus Comogri filius maior, homo ingenio minimē bar-
 baro, patri persuaserat, cum hoc peregrino hominum genere blan-
 diendo moderatius agendum esse, enitendumque imprimis ne
 gens amara & crudelis, vllam causam dissidij inueniat, quā totius
 regni subuersionem & expilationē committat aut prætexat: Vas-
 quio itaque Valboæ & Colmenari quatuor auri laborati Drach-
 marum milia cum septuaginta Indiciis seruicijs Comogrus dono
 misit. Sed obortā fortē inter milites rixā, cum Valboa in vestibulo
 regiæ, detractā quintā vectigali, appensum aurum diuideret, Pan-
 quiatus subiratus fertur excussa lance aurum per arēā dispersisse,
 Indignū, clamitans, viros ratione præditos et tam longinquis pro-
 fectos ab oris, pro re nihili, quæquē ad humanæ vitæ sustentatio-
 nē in nihilo vsui esset, inter se digladiari, inimicitiasque suscipere
 aduersus possessores talium rerum, si tamē tam vastā tamque
 infana foret auri cupido, vt eius causā expeditiones peregrinatio-
 nesque difficillimas suscipere, bellumque possessoribus tam vilis

*Ancisus a
 Valboā capti-
 tur.*

*Valboæ expe-
 ditiones.*

Comogrus.

*Panquiatus
 Comogri fi-
 lius.*

*Maris austrā-
 lis notitia.*

metalli mouere , operę precium ducant,  mitterent rixas sese illis aliam regionem commonstraturum vbi abundę huius metalli sitim expleant. Quęrente Valbo  nomen regionis , per interpretem respondit sex dierum itinere abesse, sed mediterranea a Caribibus alijsque feris gentibus habitata, maioribus itaque copijs  pus esse, anteaquam ad mare possit deueniri. Valboa audiens maris mentionem, ratus quod erat, Panchiacum complexus , gratias illi egit pro su  in se suosque benevolentia, perductumque ad christiana sacra Carolum nuncupauit, eoque duce suscept  postea expeditione maris australis, deuictis, aut pacatis diuersis regulis, post multas  rumnas ad mare australe penetrauit , & Catholicorum regum nomine sese illud possidere constituit, anno reparate salutis decimo tertio post millesimum quingentesimum die vigesima octau  septembris. Inde f elici successu magna auri & margaritarum copia auctus, xix Ianuarij insequentis anni Antiquam Darienis redijt : aduentantem socij solemnij pomp  & festis velationibus susceperunt. Missis deinde ad Catholicum regem codicillis, australis maris a se susceptam expeditionem perscribit, simul specimen auri , margaritarumque ingentem vim transmittit vn  cum pelle tigridis   Dariensibus capt . Authores habeo qui ad viginti castellanorum millia collecti auri & CC. ingentes margaritarum vniones pro regia vectigali quinta celsisse scribant. Rex acceptis Valbo  literis & vectigali auro, c terisque muneribus , latam aduersus Valboam sententiam antiquauit , repertique maris illi Adelantadum siue prefecturam detulit , cum mille Hispanorum supplemento . Sed Petrum Ariam Dariensibus imposuit, misso eodem pr sule, ad muniendam illis in partibus viam Eu gelio. Venientem gubernatorem , Valboa cum Dariensibus honorifice suscepit, hospitioque susceptum Petrum Ariam benign  fouit. Vocato consilio cum de statu rerum ageretur , Nunnius Valboa dilucid  de tot  expeditione australis maris locutus, nihil eorum qu  conueniebat  mittens aut suppresses, totius prouinci  statum declarauit. Qua propter Petrus Arias public  collaudatum Valboam, regia gratia beneuolenti que dignum dictitabat. Sed puncto temporis omnis illa gratia euauit , quantumuis do-

meftico

Maris australis possessio- nem capit Valboa.

Petrus Arias Dariensibus pr fuitur.

mestico fœdere malè conglutinata; Nam Valboam occupatum expeditione australis pelagi ad se vocatum in vincula coniicit, et proditiōis insimulatum, socer securi percussit. Hic finis magni illius Valboæ Nunnij cuius ductu australis pelagi detectæ opes. Indignam tanti viri mortem rex totusque Indicus senatus perquam egrè tulere; cuius rei inuidiâ cum conflagraret Petrus Arias eidem mox abrogatum est imperium, nullâ memorabili re in continente gestâ, nisi quod Panamam & Nominis Dei ciuitates, colonis repleuit, & quinquagies mille passuū iter inter vtrumque mare, syluis, lamis, rupibusque inuiū, leonibus, vrsis tigribusque infestū aperuit atque cōplanauit. Sed Valboæ expeditio australisque pelagi detectio, secundâ vbique famâ celebratur & celebrabitur semper, propter inexhaustas opum facultates quas Hispanico nomini contulit. Celebratur & Ioānis Grialui nauigatio, qui sub idem tempus permutationibus exiguo spatio tātum diuitiarum attulit, vt veri fidem superent. Huius Grialui auspicijs in Mexicani regni, & nouæ Hispaniæ cognitionem deuentum est: Nam cum Franciscus Ferdinandi Cordubensis parum foelici euentu Iucatanas terras tentasset, & præter diuitiarum famam nihil inde retulisset, Didacus Velascus præfectus Cubæ insulæ, Ioānem Grialuum nepotem suū quatuor carauellis instructum, misit, vt certiora de Iucatanâ regione cognosceret. Grialuus decimâ Maij anni millesimi quingentesimi decimi octauī, è portu Cubensi soluens, Acusamillam siue sanctæ crucis insulâ petijt, inde ad septentrionē nauigans cum in reflexu littorū continentem esse deprehenderet, continuatâ nauigatione Crampatonem delatus est, vbi haud secus atque Ferdinandus Cordubensis ab infestis incolis exceptus, multis ex suis vulneratis, & occiso Iohanne Guetario, ipsi Grialuo saxo os dentesque comminuti. Crudeles itaque linquens terras Tauasum, quem Grialuum nunc vocant, fluuium inuectus, annuentibus incolis pro rebus exigui momenti res incredibilis pretij permutatione Indianorum abstulit. Hinc ad Sancti Iohannis vsque fluuium deuentum: cuius oræ recentem possessionem nomine auunculi sui cœpit: Hic quoque mutuis permutationibus merces benignè commutata sunt, tantumque diui-

Nominij Valboæ mors.

Iohannis Grialui expeditio.

Tauasus siue Grialui fluius.

Aluaradus.

tiarum hac nauigatione consequutus est Grialuus, veri fidem excedat. Quod si Coloniam hisce in partibus deduxisset eadem illum quę Cortesium fortuna sequuta esset. Grialuus hic Aluaradum cum permutatis mercibus Cubam pręmisit, ipse borealia littora sequutus, enauigato Guastacano nusquam excensione factā, satis superque terrarum adiisse ratus, conuerso cursu Cubam repetijt. Velascus de nepote suo sollicitus, cum diutius quā par esset abfuisset, Christophorū Olidum misit vt de illo inquireret, aut illi subsidio esset: sed Christophorus nusquam inuento Grialuo Cubam redijt. Intereā appulit Aluaradus cum relatione terrarum quas Grialuus viderat adieratque, & permutatis mercibus. Velascus auditā Aluaradi relatione, nepotis sui fortunam laudabat: sed metuens ne inuestigandis alijs terris tempus tereret, cum Ferdinando Cortesio egit vt classe communibus expensis paratā nouas hasce oras detegeret & subijceret. Post reditum Grialui Velascus mutato consilio, proprijs auspicijs classē deducere in animo habebat. Sed Cortesius propositi tenax obtentā a regentibus Hieronimianis fratribus potestate nauigandi, sub annum M. CCCCC. XVIII. vndecim nauium classe cum quingētis quinquaginta militibus ex vltimo Cubę portu, cui Sancti Antonij nomen est, in Accusanillā insulā excensione factā, Tanascum siue Grialui fluuium delatus, Pontonchanam ciuitatem, quę postea ab Hispanis victorię nomen tulit, vi cępit. Hinc præteruectus Aluaradi fluuiū portum Calcioecā, quem Sancti Iohannis vocant, tenuit, vbi a Tendillo Motezumę præfecto benignē susceptus, conciliatis sibi Zempoalensibus quorū ciuitas Hispalis seu maus Siniglij postea nomen tulit, veram crucem Coloniā deduxit. Indē totus Motezumam conuersus, de cuius potentiā magnificentiāque muka è Tendillo Zempoalensibusque acceperat, cupido illum adeundi subigendique huius regni cępit. Motezuma de totā re certior factus, diuersis oblatis conditionibus, Cortesij iter eludere conabatur. Sed Cortesius nequidquam dissuadente deprecanteque Tendillo Mexicanam expeditionem suscepit, ex itinere Tlascalienſibus acie deuictis, pacem benigniter dedit. Inde Temistitanam urbem ingressus, regem Motezumam sub custodia

*Ferdinandi
Cortesij His-
panię nouę
detectio.*

diâ tenuit. Cuius desiderio, & vt regem seruili probro liberarent Mexicani, Cortesij edes armati obsederunt: Motezuma ad instantiam Hispanorum ex superiori ædium parte tumultuantes reprimere conatus, saxo ictus interijt. Mexicani tamen nihilo segnius repugnantes Hispanos expulere. Sed longâ postea obsidione, captoque rege Quahutemoco domiti, rebellionis pœnas dedere. Subactis Mexicanis Çazonus Mechuacanæ prouinciæ rex, missis oratoribus, Imperatori se suaque dedit, beneficiarioque iure ab illo tenere professus est; denuabusque sese passim alijs populis, Cortesius cum optimâ pace frueretur, expiatis ritè templis, Christo & Deiparæ virgini solennes aras dicauit, restaurendæque vrbi quæ præcedentibus motibus penè euersa erat intentus, Mexicanam ciuitatem in hanc quam nunc retinet amplitudinem extruxit. Dehinc vteriora perquirēs, nouam expeditionem suscepit ad detegendam occidentis maritimam oram, totumque nouæ Hispaniæ littus australe nauigans, ad vsque Culiacas & Calefornię terras rubrum mare, quod alij Cortesij vocant detexit. Sic vt merito post Columbum & Nunnium Valboam, detecti occidui orbis precipuus honos Cortesio deferatur. Occiduarum hanc terrarum detectionē, & Mexicani regni translationem atque immu-

*Mechuaca-
na prouincia
cedit.*

*Prælati tra-
slationis Me-
xicani regni.*

tationem, Cometes multo lumine ex Orientis partibus coruscās, denunciassē creditur: ipsi Mexicani flammantem tremuloque splendore micantem ex Guastacano sinu & veræ crucis portu venientem, ab oriente ad occidentem ferri multo tempore conspexere: quin & humana effigie augustiorem speciem cuius caput inter nubila condi videbatur, Mexicanis apparuisse ferunt: ingentia quoque bellatorum agmina Hispanico ritu in armis decurrere visa sunt. Quæ res sermonibus occasionem præbuit, futurum vt tempore Motezumæ ex vltamarinis regionibus veniant barbati, imperiūque naturalibus ablatum vsurpent. Tezcucanus & Tlaxcopanus regulus consternati nouitate eorum quæ afferebātur, Motezumæ improperabant arma illa atque vestimenta quibus aerei bellatores amicti depugnant, similia esse illis quæ penes se recondita habebat. Cumque petentibus iterum regulis vt prolatum gladium vaginâ educeret, neque Motezuma quantumuis

totis connixus viribus ferrum vaginâ dimouere posset, pro infœ-
 lici omine gentes, quantumuis barbaræ, accepêre. Motezumia vt
 offensos regulos placaret, multa excusando, simulabat arma ve-
 stimenta que illa in maiorum suorum archiuis reposita reperta que
 fuisse. Creditur arca aut cista fortuitò in maris littore reperta cum
 gladio & aureo annulo ad Motezumâ à maritimę orę habitatori-
 bus delata fuisse. Ab alijs relatum est, præfatos regulos cõturbatos
 fuisse ad conspectum munerum, quæ Cortesius ante aduentû suû
 Motezumæ per Tendillum præfectum misit, subijsse tum pri-
 mum animo arma vestemque eiusmodi legionum quas in aëre
 decurrere viderant, ornatum fuisse. Sed hisce omnibus memora-
 bilior est visio apparitioque, quæ paulo ante Cortesij aduentum
 cunctis Mexicanis inspectantibus sese obtulit: Captiuus quidam
 in expiationem regni cum multis alijs idolis sacrificandus hostia
 ducebatur: is detestatus ferales ritus, verû Deum cœli supplex in-
 uocans vt sui miseretur, multis lachrimis orabat. Protinus duo
 viri veste candidâ amicti deprecanti visibiliter astiterunt, hortan-
 tes, moriturus bono vt animo esset, quâdo cœleste numen cui sese
 enixè commendauerat, illi propitiaretur, sacrificulis tamen idolo-
 rumque ministris denunciaret, crudelem lanienæ & sacrificij mo-
 rem, primo quoque tempore disiectis prophanis aris, finem ha-
 biturum, iamque in procinctu esse quibus huius rei executio de-
 mandaretur, hereditariumque harum terrarum imperium, ven-
 turis temporibus concederetur. Inter has voces miser sanguine
 suo terram conasperit: multi astantium nouitate rei attoniti, ver-
 ba interfecti mactatique ante aras, & vultû habitumque instius-
 cemodi præconum accuratè notantes, postmodum disiectis Me-
 xicanâ in vrbe idolorum simulachris, expiatisque templorum de-
 lubris, cum Angelorum figuras alis albâque insignes, depictas
 conspicerent, præcedentis visionis personas habitumque agnosce-
 bant pariter & mirabantur. Parte aliâ, fortuna sub annum mille-
 simum quingentesimum vigesimum quintum, vastas immensas-
 que Peruuianarum prouinciarum terras inexhaustis opibus cele-
 bres aperuit ductu Francisci Pizarri, deuicto & capto potentissi-
 mo rege Atabalipâ, nusquam ab omni hominum memoriâ tan-
 tum

Peruiana pro-
 uincia dete-
 ctio per Fran-
 ciscum Pizar-
 rium.

TPOLOMAICÆ ARGVMENTVM. 31

tantum prædæ militantisbus cefsit, Regium vectigal, CCCC. mil-
libus Castellanis æstimabatur, equiti, DCCC. mille auri, & D.
CLXX. argenti libræ, pediti, IIII. M. CCCCCL. castellani auri,
& CCLXXX. argenti libræ cefsere. Sed in tantâ auri argentique
copia, omniû rerum caritas erat. Vectigale aurum per Ferdinandû
Pizarrum Francisci fratrem ad imperatorem delatum. Plurimi
militum tam vastâ prædâ saginati, impetrato comeatu in patriam
remeâtes, famâ Peruuianarû diuitiarum, totam Hispaniam com-
pleuere, materiamque vulgi sermonibus prebuere, arrectis pluriû
animis in rerum nouarum, & similis arridentis fortune spem. Sed
Franciscus Pizarrus fraude Didaci Almagri circumuentis interijt,
neque Almagro impunè fuit. Postea Consalvus Pizarrus arreptâ
tyrannide, omnia cæde, ruinâ & incendio compleuit, totamque
prouinciam exactionum contributionibus, bellicisque calamita-
tibus ita afflixit, vt odiosum, & detestabile Pizarrorum nomen in
Peruuianis regnis, omni tempore sit futurum. Ipse captus in eâ
pugnâ quæ in valle Xaquisaguanâ parabatur, perpetuis militum
suorum transitionibus desertus, arreptæ tyrannidis poenas dedit.
Multi alij insuper viri celebres citra & infra æquatorem nauigan-
tes, ad nouas incognitasque terras delati, ingentem rerum gesta-
rum famam retulere, horum inferius suo loco mentionem facie-
mus. Hæc nunc pro sequentium tabularum introductione suf-
ficient.

Pizarri mors

*Consalvus Piz-
zarus.*

¶

VTRVM.

DESCRIPTIONIS VTRVMQVE ORBIS TERRA- RVM HEMISPHERIVM.



IN PARTIVM vniuersi descriptione veteres Geographi terrarum orbem in Europam, Asiam & Africam diuisere: Europa septentrionem, Asia orientem respicit, sed Africa meridiē versus excurrit, quæ partes sic sibi mutuo cohærent, vt continentis formā in plano repræsentet. Asiæ cohæret Europa in partibus septentrionalibus dorso terræ inter Mæotidis paludē, & Sarmaticū Oceanū excurrente. In meridiē Asię iungitur Africa Isthmo Indaico seu terrę angustijs inter mare mediterraneum & rubri maris sinum coarctatis, residuum vniuersi veteres aquis & spumantibus vndique Oceani vndis concludi & impleri crediderunt. Cumque vnaquæque prædictarum partium vnā ex mundi plagis infederit, & occuparit, solus Occidens, illorū opinione, vacuus & inanis, nihil ex eā diuisione aut partitione obtinuit, aut consecutus est. Huius quoque cogniti orbis partes, duas tantum temperatas habitabiles, reliquas tres propter frigoris immensi asperitatem, & perpetuum gelu, aut nimium commeantis & impendentis solis æstum, inhabitabiles esse existimabant. Sed rerum vsu compertū est, veteres illos, quantumuis acres & in illarum rerum disquisitione apprimè diligentes, toto (quod aiunt) cælo errasse, neque plenam aut integram triquetra continentis propositæ noticiam habuisse: quando ipse Ptolomæus, summus harum rerum indagator, tantum octuaginta latitudinis & vnius semicirculi longitudinis gradus nouerit: ad quorum situm & proportionē cosmographiæ suæ descriptionem extēdit. In septentrione namque extra suam descriptionē reliquit Islandiam, Lappelladiam, Norwegiam, Sueciam siue Gothiam, & Scaniam insulas, in meridiē magna Africę pars ipsius quoque cognitionem effugit. Etiam recentiorum obseruationibus depræhensum est, illas orbis partes quas antiqui inhabitabiles iudicabant, non solum esse habitabiles, sed & commodè habitari muniente naturā incolarū corpora aduersus caloris vehementiā & fri-

& frigoris intemperie; neque rursus omnia pontū, aut Oceanum patrem vasto maris fluxu atque refluxu agere aut implere, nam terrarum longè maxima pars Asiæ & Africę obiecta lateribus nuper emerfit atque detecta est Hispanorū & Lusitanorum nauigationibus, quando auiorum nostrorum memoriā, annuis & victricibus classibus orientem & occidentem peruagati, insinuatique terris incognitis, pleniorē harum rerum noticiā, vacuumque antiquorum opinione Occidentem ingentibus terris habitatum retulere. Vt iā deinceps vniuersi machina quadripartitō diuisa, occidentem maximis opulentissimisque populis decoratum nostrā ætas conspiciat, vtpote cui tantum ab vtroque æquatoris latereterrarum obuenerit, vt merito multo maxima terrarum pars estimetur: quando in vtroque polo incipiat aut finiatur, & secundum longitudinem ad vltimum vsque Occidentis limitem pertingat, Asiamque intercedentibus tātum Aniani freti augustijs, & interiacente Iaponum insulā contingat. Incognitas hasce terras quidam a Platone in Timæo sub nomine Atlantidis insulā, quę terræ motu perierit, descriptas esse autumant: alij Senecam poetico orostro aut furore percitum, de his vaticinatū esse arbitrantur, de posteriorē nihil moror: nam quidquid id sit casu potius quā ratione dictum esse arbitror, haud secus ac nostris temporibus anno M. D. LX. in Antverpiensium comicis exhibitionibus, quædā circa sequentiū temporū statum effusa ferūtur. Sed Plaro de Atlanticā Insulā loquens non de aliquā particularium terrarum inundatione, sed de generali cataclysmo agit, vt rectè & scitè monet Augustinus Eugebinus lib. 7. c. 5. perennis philosophię. Primus omnium verò de hisce incognitis terris cecinit Euangelicus vates Esaias. c. 18. mox. c. 24. de hisce terris adhuc agens, & prosequens, subiungit: Secretum meum mihi, quasi harum terrarum decretio in secreto diuinę mentis nouissimis hisce temporibus reservata fuerit: quā de re doctè & piè Frederic. Lumnus lib. 1. c. 12. de vicinit. extremi iudic. Dei. Et lib. 2. c. 1. 4. et 5. vbi tamen ab eo cauendū. cap. 3. quando post Theod. Zwinger. lib. 1. theat. vitæ hum. Atlanticam Platonis insulam, existimat esse nouum orbem, patrum nostrorum memoriā ab Americo Vespucio inuentum. Florenti-

*Atlantica
Platonis*

bus sanè Carthaginienſum rebus, benè relatum eſt, mercatores quosdam extra fretum Herculeum nauigaſſe ad terras quasdam incognitas, nimirum ad Fortunatas aut capitis viridis inſulas, ſed ad has terras quarū inuentio in mète diuinâ erat reſeruata, delatos fuiſſe, neque credibile eſt, neque veritati conſonū aut veritatis apparentiâ habet, propter viâ longinquitatē, & ingentem procelloſi æquoris diſtantiâ, quum neque triremibus, neque minoribus nauigijs eò tranſfretari potuiſſe certum ſit. Verius itaque eſt, totum hunc terrę tractum veteribus incognitum manſiſſe, vſque ad reparatæ ſalutis annum M. CCCC. XCII. quo tempore Chriſtophorus Columbus Hiſpaniolam primum detexit, mox ſecundâ nauigatione Dominicam, totumque antillarum hoc archipelagus, tertiâ deinde nauigatione Pariam & Cubaguam regiones in ſuperiore ſeu ſeptentrionaliore huius Hemispherij parte ſitas inuenit, poſtmodum Fonduram, & occidētalis Indiæ Iſthmum attingit. Dehinc Americus Veſpuccius Florentinus, ductu Luſitanię regis, vltra æquinoctialem nauigans, & ad Molucas tranſitum quęrens, ad ingentem hanc continentem ſœlici ſydere delatus, Americam à ſuo nomine nuncupauit. Quod nomen, niſi me fallit animus, retinebit ſemper vaſti dum ſtabit machina mundi. Americus ad argenteum vſque fluuium progreſſus, ſubiens imenſi fluminis oſtium, optatum ad Molucas tranſitum ſeſe inueniſſe ratus, nihil vltra moratus, repetitâ nauigatione in Hiſpaniam redijt, relinquēs alijs vberioreſ glorię materiē. Debeatur puto fatiſ Ferdinando Magellano tātē rei honos, qui poſtēa anno reparatæ ſalutis vigefimo ſecūdo poſt milleſimū quingentefimū, vltierius verſus Auſtrū nauigans, primus mortaliū anguſtias illas inuēnit aut ſuperauit, & de ſuo nomine fretum Magellanicum nuncupauit. Multi poſtmodum certatim citra & vltra æquatorē terras ingentes incognitoſque populoſ adiri aut detexere, vt ſuo loco referemus. Neque quenguā mirari conuenit harum terrarū detectionē dilatam fuiſſe ad hęc noſtra vltima vſque tempora, inter antiquorum in orbe deſcribendo diligentiam, & ampliſſimorum imperiorum poteſtatem & opulentiam, humanique ingenij diram ac inſatiabilem auri famem, quando, vt dixi, illarum detectionis

Columbi nauigationis relatio.

Americi Veſpuccij nauigatio.

Ferdinand. Magellan. nauigatio.

Magellanicū fretum.

detectionis tempus. Latebat & repositū erat in secreto, diuinę mētis, diuinę inquā mētis, quę omnia disponit suauiter; Ecquis cognouit sensum Domini aut quis cōsiliarius ei fuit? quin hoc potius mirādum, quod ij qui postremi sunt vocatione primi fiant deuotione, dum ex orbe nostro, ad vltimas vsquē terrę partes, & paulo antē fabulosos antipodes, primis dogmatibus exagitata tanquā indignabunda profugit religio. Sed ad rem: America ob immensam & incredibilem magnitudinem vnanimi geographorum & hydrographorum nostri temporis consensu, quarta totius orbis pars reputatur, Sunt qui quintā adijciant aut expectent, quorū opinionē vt sequar, haud facile induci possum, nam australis terra qua septentrionē respicit angustijs tantū Magellanici freti ab Americā separata, ipsius potius portio cēsenda est, vt cōstet quadripartita diuisio, vniciue cardini suā terrę plagā assignans, aliterque reputantibus, Lappelādia, Suedia, Norwegia, Gotlandia, & Scania, quę extra Ptolomæi descriptionē in septentrione remansere, et in oriēte vtraque laua, maris oriētalīs insulę, noui quoque orbis partes integrales censerentur, cū tamen ab omnibus, nullo discrepante, Asię aut Europę ascribātur. Fortassē rectius ille qui terrarū orbē tribus continētibus distinguit, quarū primā Europam, Asiā, & Africam, secunda Americam, longo totius propemodum orbis tractu supra & infra æquatorem, tertia Australem terram paucis hactenus tantum littoribus detectam comprehendat, quę vndique mari clausa, nusquam partium alicui coniungitur, sed vndique spumante salo insulę formam retinet, suis se claustris & munimentis continens. Hęc consideratio superiorem distributionem singulis coeli cardinibus suas & peculiāres terrę partes assignantem, nihil impedit aut impugnat. Neque Ptolomæus si in hęc tempora incidisset, aut terrarum orbis integram notitiā habuisset, ab hac sententiā abhorruisset, quando qualicunque hoc suo tempore cogniti orbis spatium tribus continentibus seiunxit, lib. 7. cap. antepenulti. & vt ipsemet interpretatur, terram habitabilem, tribus terrę firmę partibus distinxit. Cēterum occidentalis huius Hemisphærij tractus vbique circumnauigatus, & detectus est, præter illum qui ad septentrionem magis vergit, et imum me-

*America
quarta orbis
pars.*

ridie tractum, descendētibzque ex septentrione versus meridiē, offert sese spectandam terra, sub formā duarum peninsularum, quæ tenui & perexiguo Isthmo distinguuntur: quarum ea quæ superior est, & septentrionem respicit, Hispaniam nouam, Mexicanam prouinciā, & infinitas alias terras comprehendit: altera quæ ab æquatore ad Austrum inclinat, humani cordis speciē præferens, Peruuiam, Brasiliā, Platā, Chicā pluresque alias prouincias continet, & Bapagallorum terram respicit; a quā, freto Magellanico dirimitur. Cæterum in occidentalibus hisce peninsulis tenui hoc Isthmo discretis, maximæ sunt temporum rerumque mutationes & variationes; quando & Zonis, & tropicis diuersimodè subijciantur. Cōtemplatione tam vastæ tanquā admirandæ magnitudinis, huius Hemispherij tellus, à quibusdā India occidentalis vocatur, ab alijs noui & nuper reperti orbis nomine signatur, nō quasi plures sint mundi, aut ita cū Democrito, Epicuro, aut Anaxarcho cæterisque veteris sapientiæ magistris, quorum iam dudum explosa est sententia, sentiendum sit, nam re verā vnicus tantum est sol, vnicus est mundus, & Iohannes Euangelista, & ante illum multis sæculis, Moyses vnus mūdi à Deo creati disertè meminēre, quod si plures creasset Deus, nequaquam silentio hoc inuoluissent: vt mirum sit quorsum olim Osiorum vesania euaserit, aut furor proruperit, mundi pluralitatem ex Christi veri, vniueꝛsi verbi aucthoritate obstinatè astruentium, eā ratione, quod Christus regnum suum non esse de hoc mundo testetur: nam inde non efficitur plures esse mundos, nam verè regnum Christi non est de hoc mundo inferiori & perituro scilicet, sed regnum Christi est spirituale & intellectuale, durans in æternum, & vltra, eodem sensu loquimur, si quando ex mente scripturarum alterius mundi, alterius vitæ, aut sæculi mentionem facimus. & nos in hoc geographico opusculo, interdum noui orbis, aut noui mundi, mentionem faciemus, relatione factā non ad aliquā noui mundi constitutionem, aut creationem, sed inuentionem & recentem detectionem, nam nostris hisce temporibus eadem & prorsus talis est mundi constitutio, qualis olim erat ab initio cum cœlum & terram Deus crearet, & si verum amamus, noui orbis nomen

*Nouis orbis
nomen.*


PTOLOMAICÆ ARGVMENTVM. 37

nomen non est nouum apud classici scriptores; nam & Germaniam Ouidius ad Liuiam scribens, & Hegeſippus Angliam noui orbis nomine cohonestat, Pompionis Mela alibi alterius orbis, & Lucanus ignoti orbis meminit, librò. 5. loquens de Arabibus in auxilium Pompei properantibus.

*Ignotum vobis Arabes venistis in orbem
Vmbraſ mirati nemorum non ire ſiniſtras.*

Huius quidem cogniti orbis, vulgatum ſchema appoſuimus: in reliquis, nouiſſimis nauigantium membranis, atque relationibus ſerè adhæſimus.

K 2 CON.



CONTINENS TERRA AUSTRALIS ET CHICÆ.

EX VLTIMO oriente per meridiem progredientibus, Australis terra occurrit. Inde noui orbis partiumque eius descriptionem ordini visum est, deinde sensim æquatori, mox Septentrioni succedendo, beneuolam lectorem, antiquorum Geographorum descriptionibus abductum, tãquam ex longinquâ peregrinatione, ad proprios auitosque lares domum deducere. Australis igitur terra omnium aliarum terrarum Australissima, directè subiecta Antarctico circulo, versus orientales terras excurrens, tropicum Capricorni ultra, in ipso penè æquatore finitur, tenuique discreta Oceano nouam Guineam orienti obiicit, paucis tantum littoribus cognitam, quòd post vnã atque alteram nauigationem cursus ille intermissus sit, & nisi coactis impulsisque nautis ventorum turbine, huc rarò adnauigetur. Initium sumit duobus aut tribus gradibus sub æquatore, tantæque magnitudinis à quibusdam perhibetur, vt si quando integrè detecta erit, quintam illam mundi partem constituat. Ceterum Australis terra sub ipso occidente, mari occiduo Indico alluitur, contermina Moluccis, Trapobane, & vtrique laus, ex oriente Africam habet, & Æthiopicum Oceanum, Septentrio angustijs Magellani freti obijcitur, & Pataganum terris. Chica vicissim eodem freto australi continente dirimitur, ac Eoi, occiduique æquoris pulsata fluctibus, à Septentrione montibus Chilianis & Platâ finitur, sic vt triangularem contemplantibus, Patagonum terræ referant formam, cuius angulus incipit in ipso australis æquoris limite, paulatim sursum, versus æquinoctialem ascendendo, latitudine penè vtrinque æquali extenditur. Australis terra lacinia- tis vndique littoribus, erumpentibusque fluminibus portuosa est, eoque nomine a nautis ex orientali Indiâ commeantibus, contumacibus ventorum procellis eiectis cognita, & quâ Patagonum

gonum terris approquinq̃ior, a Ferdinando Magellano primum lustrata & detecta est, cum foelici ausu maris australis angustias ingressus, mortalium primus nouam & compendariam ad Molllucas viam mōstrauit. Is siquidem post præfecturam Lusitanarū Regiarumque nauium, in Africā & oriente, indignatus pro benē nauatā operā, sibi denegari exiguum stipendij augmentum, relictā regis Emanuēlis aulā, in Hispaniam sese contulit; & Molucas intra limites Castellanorum fitas esse edocuit, aliamque per occidentem viam ad orientis regna penetrantem, sese comonstraturum professus est: quā compendio, minoribus sumptibus, tēporisque minore iacturā, quam Lusitani hactenus nauigassent, orientis merces inuehi possint. Magellano itaque comiter habito, promissisque onerato, quinque naues attributæ sunt, addito mandato vt continuatā nauigatione, Americæ littora Australia prosequatur, donec illius regionis terminos, aut peruij alicuius freti angustias deprehenderet. Magellanus itaque ex Hispanensi portu in altum soluens anno domini millesimo, quingentesimo, decimo nono, die decima Augusti, præteruectus Canarias maritimasque Brasiliæ oras, ad Sanctæ Marię promontorium delatus est, quod fauces Platanæ provinciæ, & fluij tuetur: inde S. Iuliani portum tenuit, vbi sinus vastus, vertentis freti speciem edebat. Hic Magellanus iactis anchoris situm regionis explorare cōstituit; milites mediterranea peruagati Gigantum ad terras sese delatos cognouerunt: viri erant proceri decem pedum altitudine, ferinis pellibus contecti, vtque Hispanis sui admirationem facerent, in signum auitę veręque fortitudinis, sesquipedales sagittas absque nausēa per guttur ad imum vsque stomachi demittere. Hispani casam duabus stationibus discretam inuenēre: in primā tres gigantes, in alterā mulieres & infantes. Nocte hinc inde mutuo metu transactā, Hispani cum primū illuxisset, signis nutibusque gigantes ad naues secum pertrahere studebant, constanter recusantibus, cum Hispani vim adhibitori viderentur gigantes vxorum stationem subiēre, vnde mox prodeuntes picti deformatique coloribus, alijsque pellibus, vsque ad genua prominentibus, horridi, ferociter arcus & arma vibrabant: Hispanosque hoc spe-

*Ferdinandus
Magellanus
pedis.*

*Gigantum
regio.*

Etaculo attonitos, turgurij suis excedere iubebant : sed dispolo
 Hispanico sclopo, ingens gigantibus timor incussus. Petita datâ
 que pace vnâ ad naues pergebant, sed cum passibus haud æquis
 Hispanos post se relinquerent, duo ex illis simulando sese feram
 (quam in viâ conspexerant) consectari, dilapsi effugere, tertius ad
 Magellanum deductus, humaniter exceptus est, panis biscocti
 corbem vnico pastu, & vini situlam facili haustu deglutijssè fer-
 tur. Horrebat sui ipsius formam cum se in speculo contemplare-
 tur, tantâ porrò fortitudinis erat, vt octo hominum labore vixdû
 vinciri potuerit cû vincitû sese videret, mærore contabuit. Magel-
 lanus soluës ex portu, S. Iuliani, ad Sanctæ Crucis portû deuënit,
 indè portû tenuit, què vndecim mille virginû nominauit, quod
 die diuè Vrsulæ dicato huc delatus esset. Regione ad Austrû incli-
 nante, continuatâ nauigatione sensim inde enauigans, tandè freti
 illius angustias superauit, & vtrûque promontorium, desideratû
 nominauit. Fretû illud longû est CX. miliaria Germanica, in lati-
 tudine aliquâdo ad duo miliaria patebat, aliquando triû non-
 nunquâ decem vel quinque leucarû erat, altissimis vndique rupi-
 bus cinctû, nautis semper formidabile, propter subitaneos vento-
 rum interpendentes rupes, inclusos vorices. Huius freti inuentio
 Magellano debetur, nam reliqui nauium præfecti constanter fre-
 tum esse negabant, & quidam desperatione viæ Hispanias repeti-
 crât. Et in tabulâ Hydrographicâ Martini Rochemi, quam Ema-
 nuel Lusitaniæ rex in suo musæo dicitur asseruasse, compertû est,
 nullum fretum adscriptum, sed tantum locum Moluccarum de-
 signatum fuisse; meritò igitur Magellanicum a Magellano in-
 uentore nomen sortitum est, quando ipse Magellanus anno salu-
 tis M. CCCCC. XXII. primus mortalium fœlici conatu, huius
 Australis maris angustias superauit, nouam & compendariam
 ad Moluccas viam commonstrans. Stabit igitur, durabitque hu-
 ius viri memoria dum pater Oceanus Borealibus inuectus vndis,
 meridionales inuisset nymphas. Deinceps per trimestre spatium
 nauigans hoc archipelagus Pacifici illud nomine insigniuit, siue
 quia vento plærumque secundo, minusque tempestuoso vsus
 fuerat, siue quia propter ingentem æquoris amplitudinem, nullos

ibi

ibi ventorum gyros vorticesque expertus erat. Sed Magellanum in medio cursu glorię, acerbā mors sustulit, nam ad Moluccas prouectus, à Mantanenſibus in infidias præcipitatus, fortiter pugnans occubuit. Nauis cui bono omine, nomen Victoriæ erat, meliori successu lata, per ipsum orientem, superato bonæ Spei promontorio in Hispaniam redijt; prima omnium nauium siue controuersia, quæ circumnauigato vniuerso orbe, de ipso Oceano celeberrimum triumphum reportauit. Dum in Australibus hisce partibus per semestre circiter spatium hæsit Magellanus, littoralia potissimum detexit & perlustrauit, interiora tamen regionis penitus incognita mansere, quæ tamen antarctico circulo vicinior est, cognitum est, magnā ex parte montosam ac syluestrem esse regionem, continuis niuib. rigentem; nō defuere qui cyanæ coloris niuem, illic inueniri vellent, quod ego in medio relinquam. Australem hanc terram Magellanus ab igne siue ignibus, *del fuoco* nominauit, propterea quod fretū dū hoc lustrabat pernauigabat, que, nullos vsquā mortales, sed ignium ingentem multitudinē in sinistro latere noctu sæpius cōspexerit. Vtriusque ripæ incolæ, vastā ingētiq. corporis mole, duodecim aut tredecim pedū passim longitudinē æquant aut excedūt; colore ferē sunt albo, perinde atque septētrionales nostri: voce adeo sonorā & horribili, vt bovis mugitum aut elephantium barritum potius, quam hominis vocem exprimere videantur; tantæ quoque sunt agilitatis, vt pernici cursu ceruos anteuertant, ideoque difficulter sclopiis vulnerari possunt, nisi cateruatim simul incumbant, aut ex improviso occurrant. Ingentis fortitudinis roborisq. argumentum est, quod vini dolium sublatum, singuli nauibus inferant, & tres aut quatuor nauem in profundum detrudant, quam vix triginta nostratum à terrā moliantur: magnitudinis & albedinis causa, regionis frigiditati & humiditati adscribitur, quando terrā perpetuis horridisq. obsita niuib., præduras & penē perpetuas efficit hyemes. Regio sterilis est nullo frugum beneficio recreata: vestitum præbent ferarum & marinorum ingentia luporum tergora, quorum apud ipsos venatio assidua; sunt & struthiones, quorum sese plumis exornant, faciemque pluribus foraminibus, or-

*Magellani
Mors.*

*Nauis Victo-
ria.*

*Australis ter-
re descriptio.*

*Terra del fue-
go.*

natū causā excauant, quibus viridis quoddam Marmoris genus inferunt: venatione victum & vestitum parant. Sed luporum marinorum non tam carnes, quam pelles vestitus causā appetunt, quod duras illas & insuaues esse quotidiano vsu didicerunt. Visuntur illic etiam balenarum agmina quarum ossibus mapalia sua construunt. Gens barbara & supra modum crudelis, nullo humanitatis iure rerumue cognitione ducitur aut prædita est: peccudum modo, naturę tantum instinctu ad id quod instat & præsens est agitur, & quia à nullo vnquam subiugata fuit, nulla apud illos Antistitiij quo alter alteri premineret, prærogatiua. Inhumaniore tamen reputantur Australes populi, qui sub ipso Antarctico circulo collocati, longissimè ab omni humanitate recedunt: si quando peregrinis amicitie aut beneuolentie symbolum exhibere cupiunt (quantumuis id perquam rarò eueniat) inter tripudia & patrios cantus, puluerem capiti inspargunt, aut si alios id facere vident, pro rato amicitie signo accipiunt. Ad bellum profecturi, Ducem eligunt cui omnes obediant, plurimum arcu valent, quo ita scite & gnauiter vtuntur, vt quidquid oculis assequantur, iaculis feriant, & si quando sagitta aliquo nauis tabulato hæserit, vix multorum opera reuelli possit: arcus habent prægrandes, quorum nerui è ferinis intestinis, pollicis crassitudine conficiuntur: ingentibus quoque ligneis gladijs armantur, vtuntur & fundā, quā scite proijciunt, & quicquid destinarint, modò intra iactum sit, contingunt & disijciunt. Hoc modo libertatem suam tuentur, credo propter exiguam vtilitatem, quando nullum operæ pretium sit, terras illas perpetuo frigore rigentes, adire, & cum sanguinariis illis gigantibus manus conferere, aut conflagrare, nullum satis dignum ob præmium. In ipsis Magellanici equorū faucibus, visitur noua arcx quæ prudentiā inuictissimi Philippi Catholici regis magnis sumptibus ad tuendas huius freti angustias, extructa est anno à natiuitate Domini, M. CCCCC. LXXXII. postquam Franciscus Dracus, orbis Archipirata, superatis freti illius angustijs inuectus pacificum mare, Quiniram vsque nauigauit, ad Borream cursu directo, exploraturus an vllus per arcticas angustias in Angliam patèret reditus, sed intolerabili-

*Australes
briales.*

*Arcem in
faucibus Ma-
gellanici a-
guorū.*

bus penè subactus frigoribus, quum altitudinis quadragessimum secundum gradum attigisset, anno M.CCCCC.LXXXI. quinto Iunij conuerso ad æquinoctialem cursu spoliatâque Iauâ, æmulus decoris Victoriæ nauis, præteruectus Asiam & totius Africæ maritimam oram, in Angliam reuersus est, narrationes tamen illius plurimum incertitudinis habent, illique ab Hispaniis Lusitanisque naucleris in multis contradicuntur; Nam & Magellanicum fretum, quod omnes, quinque aut ad summum decem millium passuum latitudine definiunt, CCXXV. miliarium latitudine descripsit, in quo etiam cōtrarium habet Thomam Canudisch Anglum, qui postea similem tenens cūrsū, totum terrarum orbem incredibili celeritate circumnauigauit.

M

CHILI.



CHILI.



CHILI Peruanarum prouinciæ remotiſſi-
ma, in Auſtrum excurrens, Cichâ & Pantago-
num terris clauditur: à Septentrione Charcantes
& Collaones habitant, ab oriente Platam reſpi-
cit: reliquum Oceano & pacifici maris vndis pul-
ſatur aut abluitur. Propter intenſum illis in parti-
bus frigus, à frigore nomen ſortita eſt, nam Chili barbarorum
linguâ, frigus ſignificat. Regio montoſa eſt, montibusque aſper-
rimis clauditur, in vallibus lociſque maritimis propter diurnam
cœli temperiem, commodè magnâque frequentîâ habitatur. Ma-
ritima multis fluminibus irrigua, quæ colliquefactis diurno ca-
lore niuib, delapſa ſummis montium iugis, in pacificum aut
Magellanicum equor feruntur, ſed nocturnis gelidiſque conſtri-
cta frigoribus, deficiente fomento vix aquam trahunt. Incolę va-
ſtâ corporis mole Patagonum magnitudinem equant, vndecim
aut duodecim ſpithamas alti, ferarum & hypotamorum pellibus
conteguntur: Fœminæ goſſypio aut lanâ verſicolore, quam ſcitè
aptare norunt, velantur. Gens fera & crudelis, veterem tantum
pugnat ob inimicitiam. Arma ſunt arcus & ſagittæ, quibus pro-
milcûe hoſtes arcant, aut ſeras conſectantur. Melle, pecore, verzi-
noque, ſiue tinctorio ligno abundant. Ingens hic quoque Struthi-
onum copia, quorum plumis ſeſe Chilienſes exornant: horum
venationem aſſiduam Hiſpani exercent citi equis, & per valles
ſubſilientes longâ conſectatione conficiunt. De origine gentis
multa fabuloſa narrantur, dum ſeſe primos hominum maiores
que ſuos è lacu emerſiſſe, aut ex Audium cacumine proceſſiſſe vo-
lunt, ſed ea, vti vana hic nihil referre aut reſutare attinet. Prima ad-
uerſus Chilienſes, tum famâ tantum cognitos, expeditio fuit Di-
daci Almagri, cui cum ex renouati ſœderis conditionibus cum
Franciſco Pizarro initi, ea prouincia obueniſſet, magnis itinerum
difficultatibus ſuperatis ad Chilienſes penetrauit, ſubactus pe-
nè intolerandis inedię, frigoris, ac niuium ærumnis: multos mi-
lites

lites equitesque rigentibus constrictisque præcordijs, prægelida hyems absumpsit. Sed Almagrus cū præter viros proceris corporibus metuendos, hispidisque marinorū luporū pellibus terribiles, sagittis à tergo lateribusque incurfantes, suosque assiduè laceffentes, nullum vsquam auri indicium inuenisset, dimissâ infructuosâ Chiliensium oppugnatione retrò conuersus Cusconem repetijt, totiusque rei & nauatæ operæ laudem Petro Baldiuio reliquit. Fama est Almagrum post quintum mensem eadem itineris spatia remetientem, multos suorum cum equis frigore exanimatos recentes adhuc integrosque inuenisse, manibus frēna retinentes, equisque in suo gressu stantibus tali habitu, sicuti viui obriguerant. Petrus Baldiuus post Cuscomicum prælium capto Almagro, ad Chilienses propætor missus, gentes diuturno bello domuit, occupatisque maritimis locis opportunam illis in partibus coloniam deduxit, quæ sequentibus temporibus mirum in modum coaluit, & nunc gentis metropolis est, sita percommodo loco, ad importandum omne genus comeātus, & quoduis genus mercimonij exercendum.

M 2

PLATA



PLATA.



QUEM non oblectet amœnissimus huius prouin-
 ciæ aspectus, quando haud aliter atque irriguus hor-
 tus, muro clauditur, ingētibz excelsisque vndique
 rupibus septa, innumeris irroratur fluuijs. A Me-
 ridie Chica terminatur, Chilienses occiduum latus
 tenent, Septentrionem Brasilia & Charcantes claudunt, Oriens
 Oceano finitur. Ipse Platanus fluuius in Charchantibus ortus
 magnis mæandris effectis, prope Ningatam in Paranam euolui-
 tur. Caterum Parana eiusque perpetuus comes Lepetius fluui-
 us, in Bresilianis montibus orti, ad Austrum vergentes, multis
 aquis aucti, ingētes trahunt vndas, sensimque solem ad orien-
 tem inflexo cursu, ingenti sinu in Eoum siue Æthiopicum Ocea-
 num euoluuntur. Sinus iste quā latissimus est, ad triginta millia-
 ria æquinoctialia patet, eoquē nōmine ab incolis Paranaguazu,
 quasi dicas mare magnum, vocatur. Ad confluentem Paranae &
 Lepetij septem gemmarum insule conspiciuntur. Americus Ves-
 puccius, a quo huic continenti nomen inditum post, Capralis
 nauigationem, anno à partu Virginis M. D. I. missus Regis Lu-
 sitaniæ nomine, ad explorandum Brasilię situm, quærendum-
 que alicuius noui freti compendio, viam ad Moluccas, post mul-
 torum dierum nauigationem, primus mortalium ad huius Argy-
 rei, seu mauis, Plate fluminis portum delatus est; conspectoque
 ingentis fluminis ostio ratus sese opratum ad Moluccas transitum
 inuenisse, nihil moratus, vt erat multorum dierum nauigatione
 fatigatus, lætus domum redijt. Postmodum anno nimirum M.
 D. XII. Iohannes Solis Lebriffensis archithalassus Regis Catho-
 lici, ad ingentem hunc fluuium Parahaguazu, hoc est fluuium
 tanquam mare, peruenit, eique Plate, siue cū Appollonio mauis,
 Argyrei nomen imposuit, propter nitidissimas argenti glareas &
 arenas, quas limpidissimis huius fluuij vndis trahi & egeri de-
 prehenderat, auri quoque signa nonnulla notauit, prouinciam-
 que a suo nomine Solis vocauit: repetitā deinde in Hispaniam
 nauigatione

nauigatione huius prouinciæ procuracionem obtinuit. Quarto
 post primam suam nauigationem anno, instructis, deductisque
 tribus nauibus, cum ad Sanctæ Mariæ Caput appulisset, excur-
 sione factâ, cū quinquaginta militibus ex insidijs ab Indis inter-
 ceptus & discerptus est, inspectantibus reliquis militibus nauali-
 busque socijs, qui metu amentes, ne tentatâ quidem vindictâ, de-
 fertores sociorum, in Hispaniam velis contenderunt. Sebastianus
 Gabotius eiusdem fluminis ostium velis contenderunt. anno M. D. X-
 XV. ingressus est, sed sine fructu in Hispaniam redijt, sui infortu-
 nij nuncius aut testis. Cæterum quantumuis Iohannes Solis Le-
 brissenfis, a suo nomine, vt dixi, prouinciâ denominarit, illo è vi-
 uis sublato, Platæ nomen prouincię manet, manebitque à flumi-
 ne Platâ, siue ab vrbe eiusdem nominis in Charchantibus, vbi o-
 ritur fluuius haud procùl à fodinis Potossiacis. Fama est hunc
 quoque fluuium inundatione suâ, terram fecundare perinde at-
 que Nilus Ægypti arua. Incolę vastâ corporis mole ad Gigan-
 tum staturam proximè accedunt, sed Tibiguri, & Vasis fluuij ac-
 colæ, non nihil de hac magnitudine remittunt, paulatim quo pro-
 pius æquatore rem venias, ad nostratum magis staturam accedunt.
 Corpora incolarum, vt vasta, ita & salubria, dualque nostrorum
 ætates excedere aut superare feruntur. Tantâ pedum velocitate
 pollêt, vt admissi equi, aut fugacium cæruorum cursum superent
 aut adæquent. Linguâ vtuntur Cichensium, siue Patagonicâ,
 quorum vicini sunt. Gens in yniuersum bellicosa, multâ feritate
 crudelis, sagittis fundâque in bello valent plurimû, perinde atque
 Australes, & Cichæ habitatores, quorum in bello quoque forti-
 tudinem adæquant, plurimumque negotij præbuerunt detectori-
 bus. Domitâ subactâque prouinciâ, Hispani ad famam Potossen-
 sium fodinarum aduerso flumine Carchantes & Collaones, mox
 Peruiinos terrestri itinere adiêre, totiusque huius Regionis situm
 detexere,

BRASILIA.

BRASILIAM à Verzino, siue coccinei ligni illie
 enascentis copiâ vocari, testatur Castaldus; ab ortu
 solis & septentrionis latere pulsatur oceani flucti-
 bus, a Meridie Platæ obijcitur, ab occasu Peruuiam
 Collaones & Charchantes habet, a quibus monti-
 bus aut Maraguono seu Orellano, ingentibus fluuijs separatur,
 qui in Charanguis aut Cusconicis montibus orti, ad Picore con-
 fluentem coeunt, magno aquarum molimine, in Boreale æquor
 euoluuntur. Petrus Aluares Capralis anno à nato Christo millesi-
 mo quingentesimo, iussu Emanuëlis Portugalix Regis, Calecu-
 tum petens, hanc regionem detexit; nam coortâ tempestate cum
 ad vitandam Guineæ malaciam, & bonæ spei promontorium
 superandum, longiore facto circuitu, totis velorum expansis si-
 nubus, in altum prouectus esset, diu multumque cum ventis lu-
 ctatus, post vnus penè mensis navigationem terram hanc in con-
 spectu habuit, continuatâque secundum littus multorum die-
 rum navigatione, cum continentem esse deprehendisset, primus
 mortalium ad hanc terram delatus, portum cui ab egregio situ,
 tutâque statione Securo nomē impositum, subiit: erectoque glo-
 riosæ Crucis signo, regionem Sanctæ Crucis nomine insigniuit;
 quod nomen aliquamdiu retinuit, donec prophantum vulgus à
 ligno tinctorio, superindit Brasiliæ nomen. Sed Capralis Gaspa-
 rum Leuium in Lusitaniam ablegauit, vt regem noui climatis in-
 uenti, certiore faceret; ipse nihil intermisso cursu Calecutum
 contēdit. Lusitanix Rex Americo Vespuccio Florentino negotiū
 dedit, vt accuratius explorato huius terræ situ, fretum aliquod per-
 uium quæreretur, quod compendio ad Moluccas duceret. Americus
 itaque navigatione ad occidentem institutâ, post sexaginta septē
 dierū iactationē, anno a partu virginis millesimo, quingentesimo
 primo, Sancti Augustini promontorium tenuit, insequendoque
 cursum institutum ad Platæ vsque fluminis ostium delatus, to-
 tum huius regionis orientalem tractum detexit, retinuitque vni-
 uersa

*Brasiliæ in-
 uentio,*

*Americus
 Vespuccius.*

uersa regio Americæ nomen, sed huic terræ vsu vulgi sequentibus temporibus a ligno tinctorio, vt dixi, Brasiliæ nomen superinditum. Regio (vt ipse Americus in suis relationibus testatur) imprimis amœna est, perpetuâ coeli clementiâ, leuium marinorum ventorum flatibus, nebulas, nocturnosque vapores, tempestiue disijcientibus, quæ salubris cœli temperies incolarum corpora sana, robusta, & vegeta efficit, & ad vltimam vsque senectutem prouehit. Terra ipsa secundum littus maris quàm longissimè extenditur, interius in colles assurgens, foelix præpinguibus glebis, & irriguo solo, erumpentibus ex circumiectis vndique collibus, numerosâ fluuiorû fontiumque multitudine. Saccari cum primis ferax, varia in super aliorum fructuum genera profert, vino tamen & frumento carent, satiuâ radice victitantes, vini penuriam artificiali liquore sarciant, quem tepidum hauriunt, præcipuumque mulierum officium, quo maritorum amorem demerentur, in tepidatione huius potus consistit. Animalium peregrinorum hic quoque ingens copia; canes tamen, aut equos, ante Christianorum aduentum neque viderant, neque nouerant: memoriæque proditum est, Gallum equo, quem secundâ suâ nauigatione aduexerat, insidentem, a Tonopinambaultijs Gallorum foederatis, procul conspectum, antequam internosci posset, sagittis confixum, quod exoticarum rerum ignari, existimabant nouam belluam, aut dirum maris monstrum, receter sese terris intulisse: nunc tamen comportatis eò palmitibus, vino ac frumento abundant, inuecta que pecorum equorumque armenta, admirabili prouentu foetificant. Incolæ subfusci, siue ænei coloris, nudi omnes incedunt, faciem fissuris deturpant, quibus viridis marmoris genus inserunt, totum corpus expilant, relicto in vertice tantum capillitio. Sed mulieres comas pectunt, & passis circumuolitantibusque capillis gaudent, neque fissuris faciem foedant. Gregatim viuunt, Nomadum in morem. Domos oblongas horreorum, aut inuersarum carinarum instar habent, multarum familiarum capaces. Lectis pensilibus vtuntur, sicuti passim per totam Americam, aliæ quoque gentes, testaturque Vespucius, sese suauissime in bombycinis istis retinaculis aliquoties dormiuisse. In aurora

diluculo surgunt, cibumque expediunt, vnico conuiuio contenti, tempus deinde piscatione, venatione, tripudijs, cantionibusque, aut iteratis comotationibus extrahunt: potum ex radice quadam confectum, repidum (contrario atque apud Europæos modo) genialiter hauriunt. Incolę Canibales sunt, varijs regionibus dispersi, nominibusque distincti. Nullā deorū cognitione ducuntur, orientem tamen solem venerantur, & animarum immortalitatem credunt. Manē cum surgunt ex xylinis illis suis retinaculis, antequam cibum capiant, vnus ex familiæ aut horrei illius senioribus, magnis passibus inambulans, sæpiusque idem (propter mapalium longitudinem) repetens, amorem tantum coniugum, & aduersus hostes, vindictæ cupidum, fortemque ac tenacem animum concionabundus inculcat. Coniugij amorem perpetuus comotationis ardor (cuius præcipua cura fœminis demandata est) hostium cædem innata terris illis vindictæ cupiditas, fouet ac promouet: nam gens iræ vindictæque tenax, veterem ob inimicitiam, in perpetuo motu est, vt parentum amicorumque, olim ab hostibus captorum, ac deuoratorum, mortem viciscatur. Arma sunt claua lignea, arcusque, quibus plurimum valent, paruis exignis ad excipiendas hostium sagittas potius, quam corporis tuendi causa vtuntur. Procedentes ad bellum cornibus, fistulisque ex hostium deuoratorum ossibus confectis, prælia cient, ad primum hostium conspectum, feris vlulatibus, multisque hinc inde conuitijs, res geritur, ingeminatoque clamore cornibus perstrepunt, fistulisque sua fortia facta canunt, vibrantes hostium deuoratorum ossa, increpando comminandoque conclamant, nisi inde ilico faceffant, sese ignauissimos terrarum mactaturos, aut captos genialibus conuiuijs referuatuos. Cum ad manus deuenitur comminus pugnando, cruentam exercent victoriam, inimicorum occisorum capita horreorum sine mapalium postibus affigunt, & tanquam auitæ fortitudinis monumenta ostentant. Captos in prælio hostes multorum dierum curâ saginatos, mactant, dissectaque ac ligneis cratibus tosta viscera deuorant, non cibarium penuriâ, sed inuata vindictæ studio, quæ ne in victis quidem deponitur: nec captius hoc

hoc mortis genus refugit, sed alacer, securusque ad mortem pergit, sua fortia facta, numerumque hostium quos occidit aut deuorauit, enumerans; In mortis articulo captiui contra percussores etiam facinoribus grassantur, lapidumque allatorum proiectione, multos circumstantium lædunt, sed præcipuum solatium, sperata parentum, cognatorumque vltio, quos confidunt hostium, quos in posterum capient, cæde; suam mortem expiaturus: in hanc spem mulieres viduę liberos educant, persuasum habentes, maritorum manes inquietis sedibus agitari, donec filius paternę iniurię heres, inimicorum sanguine patris manibus parentarit. Nam hæcenus animarum immortalitatem persuasam habent, existimantes, bonos fortesque, qui parentum manes vlti, plurimos occiderint aut deuorauerint, captique qui belli fortunam animosę tulerint, moriendoque hostibus insultarint, in Orientis partibus, in quibusdam voluptatis campis versari: contra ignauorum animas in occidente, infaustas sedes habituras. Hæcenus belluis propiores, gregatim vivere per tuguria dispersi, donec Euangelicę lucis gratia in albescente, in pagos & oppida contributi, legibus regi cœperunt. Colonia maritimis in locis, diuersę deductę sunt, inter quas Tamaraca Pernambucum, Illeos, portus Securus, Sancti Vincentij, Sancti Saluatoris, & alię multę. Præcipuus in huius gentis cōuersione, & cicuratione Patrum Societatis labor enituit, qui perpetuo & nusquam intermisso studio, vagam & efferam gentem, ad meliorem vitę rationem perduxere, antiquatisque feraribus patrię consuetudinibus, fœdisque epulis, veri Dei cultum, quàm latissimè propagauere.



PERVVIA

DESCRIPTIONIS PERVVI A.

PERVVIAM nonnulli ab Isthmo Darienis, ad vsque Chilienses terras extendunt: sed hæc effusa, & nimium generalis designatio, à nostro instituto aliena est, non enim quicquid Ingarum superbo impotentique dominatui aliquando patuit, hac tabulâ comprehendere visum est, sed descriptionem nostram ab æquinoctij linēâ incipiendo, austrum versus producemus. Nomen à portu fluuiioque eiusdem nominis, duobus gradibus vltra æquatorem, sortita est prouincia. Septentrionale latus Popeanis terris, & continente Indicâ clauditur sub ipso æquinoctij circulo, Austrum Chilienses disterminant, in oriente Plata, Brasiliaque prouinciæ amplissimæ, occidētis latus, pacifici maris vndis abluitur. Quā in littus, ad meridiē atque Occidentē obuertitur, plana & æquior est regio, littonisque sibi perpetuo congruentis, nusquam degenerem naturam insequitur, quum verò in interiora longius abscedit, in altos excrescit montes, qui latissimè expansis cornibus, perpetuis iugis, per Collaones, Carchantes, & Chilienses, in Magellanicum tandem equor feruntur, extenuatisque pelago littonibus extremum promontorium, rostri instar extrudunt. Terra, quæ sublimibus imminētium montiū verticibus subijcitur, suffocantis fabuli oppressi, & horridā frequentissimarum solitudinū vastitate informis, & effata vix indigenis sustinendis par est, quū præter agrorum sterilitatē, iusto fontiū, lacuumque subsidio destituatur. Sed ad non mediocre leuamen humanæ necessitatis, latiores in planis succedunt vāles, limpidis fluuijs frequentes, hi à præcellis montium rupibus delapsi, tantā vi feruntur, vt omnem virorum, equorumque transitum respuant, iidem brumalibus ferè temporibus luxuriātes, agros circumiectos, ad frugum refocillationem, vtili inundatione irrigant, atque perfundunt. Quapropter indigenæ, vt reliquæ sterilitatis detrimenta sarciant, magnā industriā, vicinos amnium ripis agros exercent, qui perpetuis singulorum annorum satiuis restibiles, tantā felicitate sata excipiunt, vt triticum,

cum, siliginem, & quodcumque frumētī genus, sine multo arandi, occandique labore, reddant. Ex montibus porro profusi amnes, quindecim, aut viginti, vt plurimum aut octo leucarum à se inuicem distantia, in mare decurrunt, seseque super littora vsque adeò profundunt, vt omnem proficiscentibus viam intercludant, nisi tignis, retibusue, quæ in eum vsum cucurbitis, aut eius generis tomento, suffarta habent, transmittantur; hæc accola aquis innatans, fune attrahit, atque alter conto protrudit: hoc modo incumbentem viatorem traducunt. Porro Peruiini tribus potissimum gentibus distinguuntur, quarum singulæ plures sub se populos, nominū varietate distinctos, habent; plurimumque inter se moribus differunt, diuersis linguis discreti, frequenter inter se bella gerunt, aut depugnant, veterem ob iram. Vestitus omnibus ferè idem, foemina laneā veste ad talos vsque propendente, mares indusulo ad suras vsque, superiecto pallio, utebantur. Vario tamen capitum tegmine mirificè delectantur, eoque solo agnoscuntur, & discerni possunt: nam singuli pro vsitato patrię more fasciis simplicibus, tornatilibusque, aut versicoloribus vtuntur. Peruiini mediocris staturæ sunt, tantoque breuioris, quanto æquinoctiali propius succedunt. Indorum tamen Gabalā relatum est, apud promontorium Sanctæ Helenæ gigantum immanium sedem fuisse, qui quatuor virorum longitudinem æquarent, aut superarent, quorum superbia dijs ingrata, hominibus exitiosa erat. Nam balenarū, marinarumque belluarū prædā nondum satiati, tātæ erant crudelitatis, vt triginta accolas raptos, infandis faucibus deuorarent. Horum simulachra apud portum veterē, ab Hispanis conspecta sunt. Indigenę verò memoriā eorundē anniuersarijs festis recolunt, & horrenda de eorum interitu comemorant: venisse cœlitus iuuenem, solis instar rutilantē, qui feroces prosequutus gigantes, inque eos ignes & flammās eiacularatus (quę ipsas penetrarint rupes) in cauā valle omnes internecione deleuit. Iohannes Holuius, portus veteris præfectus, his ceteris auditis, cum admirabundus eo in loco fodi curasset, tantæ magnitudinis costæ erutæ perhibentur, vt balenarum potius quam hominum videri potuissent, nisi simul erutæ caluarie hu-

*Gigantes o-
lim in Fæ-
uia.*

mani corporis ossa fuisse fidē fecissent. Haud à vero alienum est, immanissimos, crudelissimosque tyrannos, peruersæ etiamnum veneris scelere infectos, diuinâ irâ flagrante par cum Sodomâ & Gomorrâ excidio punitos, è medio sublatos fuisse. Sed naturalem incolarum simplicitatem facillè mireris, quando ridiculas nobis, negotiationes exercētes, vix inexhaustas suas, auri, argenti-que gazas intelligebant, aut capiebant; gens alioqui per sese inhumana, leuis, ingrataque, quæ nullâ honoris, aut ignominia cognitione ducitur, morum absurditate insignis, iam olim & carnibus humanis vesci, nulloque discrimine consanguineis, extraneisque iungi, matres, sororesque incestis nuptijs copulare, assueuerat. Castella locis altis, atque eminentibus muniebant, vnde leui de causâ inimicitias ciebant, capitalesque exercendo, bella ducebant, captiuosque iure belli mactabant, scdamque in ventris ingluuiem mittebant. Arma illis erant, enses, hastile præpilatum, clauus ferreus, securis aurea, aut argentea, funda, aliaque telorum genera. His libertatem suam multis sæculis tutabantur, donec ab Titicacâ Inge, numeroso exercitu Cusconem occuparunt, duce Ingâ Zaphali, qui Cusconicâ in vrbe, fixâ imperij sede, deuictis incolis, breui circumiectam prouinciam perdomuit. Ingarum institutis, populus ad ciuiliorem viuendi modum traductus est. nam & vestimentis, & calceis vti accolae docuerunt, rudibusque iam tum animis, immortalitatis opinionem iniecerunt. Inter hos longâ auorum serie succedens Gynacana, longissimè propagatis imperij finibus, Quitonicum regnū, in prouinciam redēgit: huius regis opus, memorabiles illæ viæ, quæ ad perpendicularum directæ, è Quitonico agro, Cuscum vsque perducebant, derafis altissimorum montium cacuminibus, aut profundissimarum vallium clausis hiatibus, via quæ mare propius ducit, ad singulorum dierum interualla, palatij, horreisque distinguebatur, in quibus vestis, arma, comeatusque reseruabantur, venientesque Ingæ cum Palatino comitatu, vniuersoque exercitu, genialiter excipiebantur. Viæ latitudo viginti passus, patebat; cuius latera perpetuo muro, fossaque, aut intercurrentibus riuulis, muniebantur. Sunt qui sentiant præcedentium regum operâ, longo temporis interuallo

uallo hæce vias stratas, & cōmunitas, à Gynacaua tantum refectas fuisse: quod à vero non abhorret; nam cum trochleis, cæterisque fabrilibus ac mechanicis instrumentis destituerentur, magno labore muro aggerenda erat terra, & indè lapides in murum prouoluendi, excrefcenteque operis altitudine, maiorem in modū promouendus, eleuandusque erat agger. Viæ istæ ad Lineam directæ, neque collibus, neque montibus lacubusque, aut stagnis vllis impediabantur; sed Pizarricis, Almagricisque tumultibus, multis in locis intercise, libidine nocēdi, aut mutuo metu. Habitat prouincia magnâ vbique incolentium frequentia, vltra Hispanorum Colonias, quarum quinque in maritima siue plana regione numerantur. Portus vetus, Sancti Michaëlis. Trugillum regum ciuitas, & Arequipa. Sed Montana Regio urbium frequentia, hominum cultu, & soli aërisque felicitate maritimæ præstare creditur: regumque peculiari sede & Procerum habitatione cœli, frequentarique consuevit. Nam præter vberriam frugum copiam, pluuijs iuuatur, & puteorum cōmoditate gaudet. Infinitis quoque accolarum vicis, & Hispanorum quinque colonijs, celebratur: quarum prima æquatori proxima, Quito, hinc leuantum, Guanuco, & Guamangà, alijs Sancti Iohannis de victoria. Harum omniū regina est Cusco: hominū cultu, fodinarumque opulentiâ ceteris omnibus superior, quæ iam indè ab antiquis temporibus, magno procerum concursu celebrata, totius aulæ & antiquorum regum domicilium erat; adeoque sola inter omnes Peruanas prouincias, ante Hispanorum aduentum, urbis formam faciemque habebat. Media vrbe stat arcx quadrata, ingenti lapidum mole conspicua: quorum copia quantumuis vicinis ex montibus suppetebat, ijs tamen trahendis, vehendisque, cum iumenta deessent, magno & incredibili indigenarum sudore in vnum locum tracti aut ijs succollantibus comportati sunt. Ager & frugum vbertate, aurearumque fodinarum, quarum ingens illic est numerus felicitate, graciosus, à cœli aërisque temperie mirificè commendatur. Cuscones peculiari linguâ vtuntur, quæ post Gynacauæ victoriam, cunctis sub vnam potestatem redactis, aulica & præcipua haberi cœpit, eaque proceres utebantur, & ius di-

Titicaca lacus.

cebatur. Ultra Cusconem est Titicaca lacus, quem, rapidissimus amnis, aquarum in magnum sese spatium effundentium abundantia efficit, deinde velut intolerabili onere solutus, in pristinas alvei sui angustias rediens, iterum velut ante illabentium amniū mole increscens, in alterum, sed minorem lacum prorumpit, laxatusque tantę molis incubitu, obscuro exitu euanescit, in occultos, vt credi par est, specus subsidens, alvei absorpti subterraneo cuniculo, in pelagus transmissus. Vterius Collaones & Carchantes habitant, fodinis, & fontibus argentei fluuij, quem Platam vocāt, nobiles. Plata, seu cum Appollonio mauis, Argyropolis, Hispanorum est colonia, non tam ciuium copiā, quā incredibili opulentiā celebris. Sed omnium præcedentium fodinarum famam superauit Potossiacarum venarum vbertas, quæ adeo breui tempore inclaruēre, vt multis alijs destitutis, ad has magno fossorum numero decursum sit. Peruani quantumuis nullā veri Dei cognitione, ducerentur, de hominis tamen creatione, de diluuiio, terrę vltimo excidio, & mortuorum resurrectione, opiniones quantumuis ridiculas commemorabant: sed iam dei benignitate, euangelij gratiā donati, eadem nobiscum sentiunt, & sub potentissimi Philippi Hispaniarum regis dominio ac potestate, feliciter conquiescunt, vt absonum mihi videatur, aliquid de illorum vetustis erroribus, sacrificijsque referre. Illud magis memorabile est, quod in tantā omnis generis animantium multitudine, per vniuersum nouum orbem, ante Hispanorum aduentum, equorum vsus, imō forma, Occidentalibus fuerit incognita. Horum defectum, ouium copiā natura suppleuit, quæ camelis perquam similes, præter torosi pectoris strumam, equorum magnitudinem adęquant, sed ad bellum viribus inutiles; virum tamen in terga sublatum, per aliquot passuum millia vehunt, sed si fessæ vrgeantur, insidentes ore conuerso fædo odore halituque conspurcant, quod si sarcinis onustę grauentur, in terram proiectæ, nulla verberum vehementiā propelli possunt, nisi clitellis exonerentur. Harum ouium inequitationibus, furtum Otabalicum admissum est, cuius meminit Petrus Cieça. cap. 39. Ultra aliarum omnium rerum abundantiam, aurearum argentearumque fodinarum

Oues Peruanorum.

In Perutiā fodinarum aurearum abundantia.

fodinarum totâ passim Peruvîâ ingens est copia, neque vlla penè
 vrbs, quin auri venis splendescat. Et præter fodinarum incredibi-
 lem multitudinem, flumina hîc quoque aurifera, quę grumis a-
 renisque rutilantibus, aureo profluxu decurrere videntur, teste A-
 pollonio. Fert & cinnamomum, in regione Sumacide, extat ar-
 bor, lauri frondibus perquam similis, fructus baccae sunt, in fol-
 liculis tenui corticum circuitu conclusæ, eæ cum folijs, ac radice
 arboris cinnamoni odorem, saporem, substantiamque habet, sed
 his longè præstâtius cinnamomum præbent eorundē folliculorū
 cortices circūductæ, harum arborū magna hîc passim crescit co-
 pia sylvestribus in locis, solo terræ aërisque adiumento sustenta-
 ta, præstantiores tamen habentur arbores, que peculiari curâ in
 hortis enutriuntur. Garcias ab Horto in libro simplicium apud
 Indos nascentium libro 1. capite 15. negat cinnamomiferam
 arborem in Americâ reperiri: sed aliam sui generis. Cinnamo-
 miferę huius regionis tractum, Consalvus Pizarus, multis con-
 flictatus æumnis detexit. Cuius expeditionis occasione to-
 tius Maragnoni cursus, ocissimè ab ipsis fontibus cognitus pa-
 tuit. Is in Quitonicis Cusconicisque montibus ortus, multis ef-
 fectis meandris rapidissimo cursu in mare defertur, tantâ incum-
 bentium ruentiumque aquarum mole, vt per quadraginta am-
 plius passuum millia, superatâ maris salsedine, dulces haustus flu-
 ant, dulcesque latices præternavigantes experiantur. Pizarus cum
 relictâ Cocâ, barbarorum municipio, ad ingentem hunc flu-
 uium, multis difficultatibus penè expugnatus peruenisset, vt v-
 trâque amnis ripâ liberè vti posset, nauigium magnâ industriâ in-
 finitoque ac penè incredibili labore construxit, quo cum ali-
 quando vusus esset, Franciscum Orellanum nauigio ad expedien-
 dos commeatus præire iussit, designato loco vbi sese præstolari
 vellet. Sed Orellanus a Consaluo digressus, siue rapidissimi fluuij
 impetu abreptus, sine æmulus, & noui decoris audius, incredibili
 celeritate, ad immensi huius amnis ostium quod septentrionem
 versus influit, delatus est, velisque, nusquam expectato Cōsaluo
 sociisque, in Hispaniam contendit, huius provincię præfectu-
 ram deposcens, Amazonas, multaque alia affingens, vt voti com-


*Cinnamomum
 seu virene.*

*Franciscus
 Orellanus.*

*Tab. Mara
gnonum.*

pos præfecturam auferret. Orellani fluminis ostium quidam multis terrarum spatijs, a Maragnoni ostio abesse volunt: sed nouissimis nauigationibus compertum est, vtrumque fluiuium ad Picoræ confluentem coire, iunctosque multis effectis insulis, in mare decurrere, quod non abs re hîc monere visum, & priorem opinionem exempli causa, primâ tabulâ exhibuimus. Maragnoni Orellanique ripa, thuriferis arboribus consita, thus profert quod a loco Margnonum passim vocatur. In hac prouincia ciuilibus Hispanorum armis in mutuam perniciem sæuitum est, quæ prouinciam multis in locis deformarunt, & Indianorum ingentem numerum absumpserunt. Sed hæc ab alijs latius.

CASTILIA



CASTILIA NOVA,
SIVE AVRIFERA.

BRASILIAE, Peruvianisque terris objicitur Indi-
cæ continentis vasta, & latè patens regio, plurimis
diuersissimisque regnis, ac pòpulis habitata; Nam
& Vrabam, Beraguam, Darienem, Popeianam,
Cartagenam, Sanctam Martham, Benesuelam, &
quas sequenti tabulà exhibemus, Andalusiam nouam, Pariam,
Cumanam, & Cubaguam, vnionum piscatione diuitem conti-
net. Meridiei tractus, æquinoctij tantum imaginariâ lineâ Brasi-
liæ, Peruanisque regnis cohæret; à tribus reliquis partibus, Ocea-
ni vndis pulsatur, & quâ septentrionè versùs inclinata prominè,
ex opposito Cubæ Hispaniolæ, & Boriquenæ littora respicit; de-
hinc sensim extenuatis littoribus, circa occidentis latus in arcum
cogitur tellus, exiguoque ad eò concluditur Isthmo, vt ambo pe-
nè inter se committantur maria, perruptisque naturæ catharra-
ctis, Septentrio vndis pacifici maris misceri velle videatur, Isthmi
tota latitudo est octodecim aut ad summum viginti millium
passuum, sed erumpentibus vndique fluminibus, multis in locis
laciniata terra, Isthmum magis coarctat, sic vt fontes Chagri flu-
minis, non plus quàm quatuor mille passus à mari absint. Hu-
ius bimaræ Isthmi angustię Mexicanum regnum, Nicaraguam,
& Iucatanas terras, aliasque septentrionalis Americæ regiones,
australibus prouincijs vniunt, atque coniungunt. Isthmi huius
fauces obtinent Panama, & Nominis Dei ciuitas, quarum vtra-
que Orientis, & occidentis opes, Europæis vtili commercio trans-
mittit. Christophorus Columbus terciâ suâ nauigatione, Indiæ
continentem primus mortalium attigit; Dehinc funestis Hoiedæ
& Niqueffæ calamitatibus, ac Dariensium discordijs infamis,
scena miseræ humanę videri pòtuit. Regionem auri venâ diui-
tem esse, Columbi, & aliorum multorum relationibus constat,
neque secturis aut fodinis tantum vtilem, sed fluuijs auréas are-
nas, grumosque voluentibus abundantem, parum alioqui ferti-

*Indiæ conti-
nentis Isth-
mus.*

lis, licet maizium quibusdam in locis proferat. Olim nudi incedebant; mulieres veste lineâ ad genua vsque prominente contegebantur. Domus erant perquam ample, vt interdum in vno vico, duę aut tres tantum mansiones reperirentur CC, aut CCC. hominum capaces. Gens bellicosa, Arma illis arcus, sagittę, & lanceę, sagittas veneno inficiunt, lethaliaque vulnera ingerunt. Supra modum crudeles, non tantum inimicos bello persequuntur, & capiunt, captosque foedis mensis deuorant, sed stolidę vindictę cupiditate amentes, captiuas in spem prolis matrimonio iungunt, captiuisque, quos ad geniales dapes saginant, sororum affiniumque puellarum coniunctionem indulget, vt prognatos ex tali copulâ liberos, tanquam hostium suorum viscera, cum lubet discerpāt ac deuorent. Dei cognitionem nullam penitus habebant, de animę vero mortalitate ac immortalitate, non idem omnes sentiebant; nam quidam omnia continuo naturę ordine vicissim nasci aut interire, vitęque finem animę quoque interitum statuebant: alijs persuasum erat, animas post mortem deferri ad certum constitutum locum, vbi suauiter degant, continuęque ludendi, edendique voluptate teneantur. In vniuersum tamen gens supra modum procurandis sepulturis dedita, aurum ac gemmas, plumas versicolores, ac alia quoque preciosa cū defuncto recondebat. Quibus verò animę immortalitas persuasa erat, etiā panem, & potum, & vestes addebant. Sed iā euangelicę lucis gratiā, & antiqua crudelitas, & incredulitas deferbuit: euangeliumque Catholicorum Regū piā curā, illis in partibus per Antistites & sacerdotes magno cum fructu propagatur, erectis passim ecclesijs & Archiepiscopatibus. Vrba iussu Ferdinādi regis, Castilię aureę siue auriferę nomen tulit, limites eius à Panamā Antiochiam vsque pertingunt, & vltra, regio vasta, multis fluminibus, multoque auro, abundat: sed perpetuis pluuijs foeda, & insalubris. Sequitur Popeiana prouincia, in meridie ad Peruiā vsque fines excurrens, in Septentrione fluuio Sanctę Marthę finitur. Sanctę Marthę prouinciā Rodericus Vastidas, anno M. CCCCC. XX. III. detexit. Secundum hanc Benesuelę regnum; vtręque prouincia multā auri venā diues. Smaragdorum quęis nihil viri-

dius

*Fatuus V in
dictę studi-
um.*

*Castilla auri-
fera.*

Popeiana.

*Smaragdo-
rum scitu-
ra.*

dus vident oculi, hic quoque prouentus. Doctor Gonfales Ximenius aduerso flumine mediterranea penetrans, primus in notitiam Smaragdorum deductus, cum ex locis mediterraneis, æquatori vicinis adferri didicisset, continuatâ aduersi fluminis nauigatione, ad Bogoti regnum deuenit, à quo, edoctus fodinas hæcæ ulterius inquirendas, terrestri itinere, ad ingentem Smaragdorum rupem deductus est, tulitque mille octingentos ingentes Smaragdos, Cuius detectionis famâ, ingêtes diuitias & nominis claritatem sibi conciliauit. Postmodum in multis Peruuia alijsque locis æquatori vicinis, passim Smaragdorum sectura frequentata est, honor tamen eius rei penes inuentorem Ximenium manet. Miraculo est arbor huius continentis, Punicâ arbore maior, ex quâ, factâ incisione, laudatissimum balsamum desudat, tanto laudatius, quod non decoctionibus, sicuti in Hispaniâ nouâ, sed incisionibus, naturali arboris defluxu colligatur, deficientibusque Ægypti septis, in occidentalibus partibus eundem inueniri haud temerè miramur. Adeò vt si Monardo Hispalensi medico credimus, etiam si nihil aliud in Occidentem nauigationes nobis attulissent, non inutilis fuisset Hispanorum labor, quum Balsamū hoc Ægyptiaco balsamo non sit inferius, si mirabiles eius effectus & vtilitates consideremus, quando ad ea omnia ad quæ Ægyptiacum olim adhibebatur, Indicum hoc balsamum sit efficax, vt idem author libro. 3. simplicium medicamentorum ex Indiâ allatorum testatur.

Balsamum Indicum Occidentale.

22

PARIA

PARIA ET CVBAGVA.



Cubagua.

LOTVM hoc Cumanę Parię & Cabaguę littus, a Christophoo Columbo detectum & perlustratum, vnionum margaritarumque piscatione perquam celebre est; Cubagua Orientis lateri adiacet, nullo frugum prouentu beata, lignorum & aquę dulcis cum primis penuriã premitur, ligna ex Margarita insula, aquam ex Cumanę regionis ostijs petunt. In Parię passim ingentia coccinei siue brasiliici ligni nemora, lucusque: arbores ipsę in non credibilem altitudinem excrescunt: fama est plerasque vix sedecim virorum brachijs concludi aut completi posse. Gignit hęc regio & cassiam fistulam. Hisce in partibus reperitur monstrosum illud animal quod vulpino rostro cętera simiam ferẽ refert, ac si quando aliò proles transferat, vtero exteriori in modum crumenę inuolutas desert; Domus habent ligneas palmarum folijs contectas. Rebus familiaribus intentę mulieres, agriculturarum exercent. Viri arma tractant, aut venationibus indulgent. Statis anni temporibus totum hoc Cubaguę & Parię littus rubescere autumant, quod florentium generantiumque ostrearum signum esse volũt. Sequitur Parię, Cumanę, & Maracapanę ora. Parię littus tantã gratissimorum odorum suauitate fragrat, vt renascentis veris patria iure censerı possit. Cumanę Parięque regionis incolę, ebrietatibus tripudijsque supra modum dediti, olim nudi incedebant, animę immortalitatem credunt, easque post obitum ad viridantes secretosque elysios campos deferri sentiunt, vbi genio indulgeant continuisque computationibus atque tripudijs tempus traducant; quinimò animas vocantes respondentessque sese audire persuasum habent, si quando in cauis vallium penetralibus Echūs vocem percipiãt: sed quã verẽ Echo aëris & linguę filia verba aliena insequitur, vocemque siue mente gerit, tam à vero Cumanorum abest sententia. Ad meridiem tendentibus occurrit Andalusia noua, Bogoti regio vicina, & Smaragdorum prouentu nobilis. Carybana

*Parię.
Cumanę.
Maracapanę.*


bana deinde Carybum anthropophagorum patria originaria,
 unde tanquam ex equo Troiano per vniuersum occidentem insu-
 laeque vicinas, certissima humani generis pestis inundauit. Effe-
 rum & sanguinarium hoc hominum genus, nullis commercijs
 nulliusue blanditijs allici aut demereri vnquam potuit, sed innatâ
 crudelitate constanter humani sese generis hostes ferunt & pro-
 fitetur, multâ humani sanguinis siti, foedisque dapibus, quas au-
 dè appetunt & in vëtris ingluuiem demittunt, infames, quæ lues
 vniuersum occidentem peruagata, ingentem illis populis terro-
 rem intulit, tantumque crudelitatis opinione valuerunt, vt cen-
 tum Indiani visis decem Caribibus, nullâ tentatâ pugnâ, exem-
 plò fugam capefferent. In occidentali limite huius tabulæ, con-
 spicitur Curiana, vbi auri commercia & exploratorij siue lydij la-
 pidis, ac stateræ ponderumque auri vsum, Hispani magnâ cum
 admiratione inuenerunt. Curianæ Parięque littora multis vndi-
 que insulis cinguntur, & septentrionem respicientibus Antilla-
 rum insularum Archipelagus occurrit, inter quas Dominica,
 Matitina, Guadalupa & alię vicinę. Ab hoc tractu ad Occiden-
 tem prospicientibus Borichene, siue Sancti Iohannis insula appa-
 ret, vulgò a portu diuite, propter diuitem auri venam quam inex-
 haustis profert generosa metallis. Insula in longitudine porrigitur
 ad quinquaginta penè milliaria, in latum patet duodecim
 aut septendecim, maximâ suâ latitudine ad octodecim penè mi-
 liaria germanica comprehendit. In insulæ meditullio montem
 esse antumant, ex cuius radicibus totius insulę flumina pro-
 rumpunt: Cairabonus fluuiorum maximus, ad septentrio-
 nem decurrit, cumque omnes aureis glareis arenisque fluant, sep-
 tentrionale tamen latius generosioribus fodinis commendatur.
 Meridiana pars portuosior, frugibusque beator, Maizium cate-
 raque necessaria vitæ producit. Columbus secundâ suâ nauigati-
 one hanc insulam detexit; sed Iohannes Pontius Legioniensis
 pacificatâ prouinciâ insulanòs domuit; et Caparram in Septen-
 trionali parte ædificauit; sed relictâ Caparrâ propter ingentem
 aëris insalubritatem, conuersâ ad occidentem habitatione, Gua-
 nica, iuxta ingentem insulæ sinum in fronte occidentis, habitari

Carybæi.

 Ins. S. Iohannis
 a portu di-
 uite.

cepit anno à nato Christo M. CCCCC.X. sed propter insecto-
rum molestiam, citò quoque deserta, & monstrante Sorto Maio-
re, Aguadam deducta Colonia est. Anno M. D.XI. Borichinien-
ses rebellarunt, vocatisque in auxilium Caribibus multos His-
panorum obtruncarunt, sed mox victi & in ordinem redacti qui-
euere. Hoc tumultu memoriæ proditum est, Berezillum canem
stipendia meruisse, multosque insularium dilacerasse.

HISPA.



HISPANIOLA.



HISPANIOLA provinciarum totius occidui orbis antiquissima, Cancrī tropicū inter & æquinoctialem circulum sita, ab oriente ad occidentem in longum porrigitur. Oriens clauditur longo insularum agmine, ab occidente Iamaicam & Cubam respicit; quā in latum protenditur ad septentriones aut Austrum inclinat. Septentrionis latus ad Cancrī tropicū fertur; à meridie quantumvis longo satis interuallo, occurrit continens terra auri-feræ siue nouæ Castiliæ. Hanc insulam primā nauigatione Christophorus Columbus detexit, anno reparatæ salutis millesimo quadringentesimo nonagesimo secundo, habitatoribusque frequentem inuenit, à barbaris Hàitti dicebatur, propter montium asperitatem, interdum etiam Quilqueia & Cipangi, a primis occupatoribus vocata est: Hos barbarorum Cabalicę memorię ex Maticinā Insulā, quā alij S. Crucis terram vocant, venisse memorant: nam cum ciuilibus factionibus inter sese dissiderent, & vna pars acri prælio attrita esset, victi relictā victoribus auratā insulā, cum liberis & coniugibus nouas quærentes sedes, ad exiguam insulam in fluuij ostio delati, gaudentes in terram exilière, egressique cum maiorem ripam detexissent, admirantes terrę illius amplitudinē, Quisqueiam patriā linguā nuncupauere, propterea quod illam totius vniuersi, aut totum, aut partem maximam reputarent, cumque progessi, ingentium asperrimorumque montium crepidines conspexissent, Hàitti, hoc est, asperam dixere. Cipangi quoque nomen postea tulit, à similitudine montium quos in patriā habuerant, quorum desiderio totam insulā eodem nomine signarunt: eoque effectum est, vt Columbus primā suā nauigatione ad Zipangri orientis insulam se delatum putaret, cum Cipangi, aut Cibai mentionem audisset. Accidit hæc transmigrationis vltra centum annos ante Columbi aduentum. Sed Columbus diminutiuo Hispaniolæ nomine illam insigniuit, dissimili prorsus ratione ac barbari, qui ex parua Maticinā in in-

*Hispaniola
detexta.*

*Origo vni-
uersi habitato-
rum.*

*Nomine re-
cto.*

gentem hanc terram commigrantes, propter amœnitatem & amplitudinem Quisque iam vocarant, quasi parua foret præ Hispaniâ, ex quâ ipse nauibus aduectus erat. Exigua terræ distantia, ab æquinoctij circulo efficit, vt exigua illic toto anno dierum noctiumque sit diuersitas, aut inæqualitas. Cum cancrum sol percurrit, continuus penè lucis vsus mira illi ætæ temperies, quando neque calor immensus, neque frigus immodicum, quantumuis in quibusdam montanis partibus, vbi altissimarum rupium moles conspiciuntur, frigora intentiora sentiantur. Toto anno arboribus hic suus stat honos, neque defluunt folia, nisi noua subnascantur, fructes herbæ & legumina, quæ ex Hispaniâ huc importantur, mirâ fertilitate luxuriant, breuique temporis spatio adolefcunt. Frumentum in locis montanis frigidioribusque melius prouenire, experientia docuit. Regio est portuosa, & multis fluuijs irrigua; præcipuam tamen & amœnitatem & commoditatem inhabitantibus præstant quatuor ingentia flumina, quæ in ipso insulæ vmbilico, delapsa ex altissimorum montium iugis, in diuersissimas mundi partes abeunt: Iuna ad orientem, ad occidentem decurrit Attibunicus, Iacchous septentrionalibus, Nâibus meridionalibus aquis miscetur, sic vt quadripartitò insula diuidatur. Sed quo tēpore Columbus primùm huc delatus est, quinque potentissimi reguli siue Cacici, quibus minores parebant, in insulâ obtinebāt. Orientalem insulæ partem tenebat Caiagoia, mediam insulæ planitiem Guariouexus occupabat, Occidentalem partem & Xaraguâ Beheccius regulus obtinebat, Guacanarillus Borealis partis dominus erat. Hęc littora Christophorus Columbus primâ suâ nauigatione detexit, ictoque cum Guacanarillo foedere arcem erexit, presidioque XXXVIII virorum communiuit. Reliqua montana occupabat Caonabus, regulorum omnium potentissimus. Inde prouincia in quinque partes aut præfecturas à quibusdam diuiditur, quarum prior quæ orientalem insulæ partem respicit, Caizimu, id est principiu, vocatur, cuius fines a primâ & vltimâ orientis fronte, ad Ozamam fluuium, in cuius ripâ sancti Domini ciuitas extructa est, producuntur, in Septentrione Haiti montibus & Iunâ fluuijo terminantur. Secundâ in meditullio insulæ,

Huhabo

Insula diuisio per fluuina.

Insula per præfecturas diuisio.

Huhabo incolis dicitur. Tertia pars occidentē solem respicit, vocaturque Quisqueiorum linguā, Caiabo sine Caihabo. In Septentrione Cibanijs montibus, & Iaccho flumine terminatur, & ad Naibæ vsque fluuij fontes excurrit. Bainoa septentrionalia tenet, a Caibo ad insulæ vsque finem occidentem versus sese extendens, residuum totius insulæ Guacayarima, hoc est, finem, tantum quam posteriorem, & magis arctam seu strictam insulæ partem appellauere. Sed hæc barbarica nomina nunc parum frequentantur, successu temporis nouis subinde impositis aut visitatis. Inter cætera huius insulæ admiranda, in orientali parte in editissimo monte conspicitur spelunca, quingentis haud amplius passibus à mari distans, cuius introitus portam alicuius magni palatij refert; in hoc specu per densos subterraneosque meatus, ingenti impetu flumina per quinque millium stadiorū spatium ferri audiuntur, tanto ruentium aquarum strepitu, vt si quis propius accesserit, ad tempus surditate mulctetur. Hæc aquarum confluentia in lacum ingentem con crescit, in quo Charybdes, Syrtisque vndarum breuius infesta loca. Est præterea in Bainoa ingens lacus, Indi Hægueigabon, nostri mare Caspium vocant, is infinitis vndique fluuijs auctus, nusquam tamen excurrit aut exoneratur, sed cuniculo absorbetur, creditur, neque vanis coniecturis, insulam aut rupes hæc spongiosas, per subterraneos meatus maris aquam recipere, quando multitudo inibi marinorum maritimorumque piscium inueniatur, totusque sit salus aut amarus. Terrestre hoc mare ventis agitaturn, sæpe multas Indianorum lintres siue canoas euertit, aut demergit. In huius lacus medio insula Guarizanca conspicitur, piscationibus frequens. Alij insuper quantumuis minores in hac insulâ sunt salsi lacus. Est quoque Maguanæ lacus, præstantissimis aquis nobilis, salis hic ingens prouentus, nam & in montibus, ad instar cristalli limpidi effoditur. Ultra supra dictos lacus ingens etiâ fluuius in mare salus decurrit, quantumuis infinitis riuulis fontibusque aquæ dulcis auctus. Auriferam fuisse, iam inde à Columbi temporibus repetitæ navigationes demonstrant. Gonzales Mendocius totum orientale insulæ latus, præter septentrionalia littora, auriferis fluminibus decurre-


*Mare Caspi-
um.*

*Aurearum
venarum y-
bertas.*

*Dens aure-
us Silesij pue-
ri.*

re testatur. Fama est Cibaujis in montibus, tam vehementes luxuriantesque auri venas prouenire, vt ad instar plantæ vineęquę è terrâ prorumpant, aut excrescant: quod in Hungaricis quoque fodinis, ysu venisse relatum, nemo miretur, quando haud ita dudum infanti septenni in Silesiâ aureum dentem agnatum prouisse, multorum testimonio constet. Incolę naturâ ociosi & desidēs, victum sine labore parabant, piscationibus dediti, nudi incedebant. Rerum omnium vnum motorem inuisibilem credebant, cætera erroribus inuoluebant: sed diuinâ præueniente gratiâ in euangelicę veritatis lumine suauiter conualescunt. Procedente tempore sacchariferis eò translatis. arundinibus, fabricatisque molis terendis cannis, institutisque officinis, inges sacchari prouentus, & secundum fodinas, præcipuus esse cœpit. Insulæ caput, Sancti Dominici ciuitas, cuius occasione tota insula vulgariter Sancti Dominici nomen tulit. Illic regius senatus, & Archiepiscopalis sedes, quinque sodalitijs siue monasterijs celebris. De huius insulę situ, mirandisque aut nouis, qui plura requirit, adeat Domini Petri Martyris decades Oceanicas, præcipuę decad. 1. lib. 3. & decad. 3. lib. 7. 8. & 9. Thomasi Porchaccij librum de insulis, & Gonzalis Mendoçæ Sinarum Historiam part. 2. lib. 3. c. 3.

CVBA



CVBA ET IAMAICA.



VBA ex maioribus Occidentis insulis, ab oriente ad Occidentem solem vergit haud secus atque Hispaniola, cui ab oriente contigua est. Occidens Iucatanas terras; Mexicanum, & Guastacanum fretum despeccat. Septentrio cancri tropicum contingit. Meridies Iamaicam ac inde terram firmam Indicam, quantumvis longo satis intervallo, respicit. In longitudine maior est Hispaniolâ, latitudo non respondet, sed tamen quâ maxima est, Hispaniolâ latitudinem penè æquat. Columbus hanc insulam secundâ suâ navigatione, Iohannam nominavit, sed ab incolis Cubam vocari intellexit: postea iussu regis Ferdinandi (cuius auspicijs detecta erat) Ferdinandinæ nomen tulit. Sunt qui A. & O. vocatam dicant, sed hoc nusquam deprehendi, bene positi à Columbo huiusmodi nomen inditum, testantur gentes illius temporis scriptores. Regio montibus aspera, & sylvis horrida, sed fluminibus irrigua, dulcibus salisque stagnis frequens, ynde hic quoque salis copia, est & auraria, nam & montes affatim auri præbent generosis secturis, & flumina aureis passim arenis fluunt. Sex viribus habitatur, quarum metropolis Sancti Iacobi coloniâ fluminis portuque insignis, reliquæ civitates parum habitata perhibentur. Miraculo est conuallis quindecim passuum millibus à Sancti Iacobi coloniâ distans, ingentibus saxisque globis repleta, ita ludente naturâ ac si mancipiorum operâ eo coniecti essent. Vtèrius orientem versus progrediendo, apud portum Principis, fons bituminosus assidue picem euomit. Serpentes, quorum hic ingentium copia, in delitijs olim fuisse memorantur. Incolæ, quo tempore insula detecta fuit, nudi ince-
debant, sicut in Hispaniolâ, & vt vno verbo concludam, omnia naturalia atque exotica ibi reperiuntur, aut crescunt, quæ in Hispaniolâ proueniunt. Ipsa gens naturæ benignitate contenta, neque meum neque tuum aut exitialem pecuniam nouerat, sed omnia in communi possidebat, sicuti solem & aquam natura ex

equo omnibus largitur : apertis itaque viuebant hortis , & sine legibus suapte naturâ rectum colebant , tantum euangelij lumen aberat , quod nunc illis diuinâ benignitate illuxit.

Iamaica , quam nunc Sancti Iacobi insulam nuncupant , inter decimum septimum & octauum latitudinis gradum posita , in oriente Hispaniole , à septentrione Cubæ vicina est. Meridies sancti Bernardi insulas , & Cartagenam respicit. Occidens Iucatanas terras , seu Fonduram versus fertur. Iamaica quinquaginta miliaria in longum protenditur. Regio fertilis est , gratâ aëris salubritate , & armentorum prouentu , quem viridantium herbarum , limpidissimorumque fontium promouet vsus . Auraria quoque esse perhibetur . Gens lege , ritu , moribusque in nullo ab Hispaniolensibus , Cubensibusque discrepat , tantum ferociores fuisse memorantur. Frequens olim cultoribus erat , nunc incolis aut ferro aut mortalitate absumptis , rariùs culta , duabus tamen ciuitatibus habitatur ; quarum primaria Siuiglia , siue Hispalis , in quâ , Ecclesia cum Abbatiâ dignitate , vbi primatum gessit Petrus Martyr Anglerius Mediolanensis , vir in tractandis Indicis rebus diligens. In ipso insulæ meditullio mons est , sed sensum omnem in partem ita sese inclinat , vt exscensum facientibus , terræ superficies plana appareat. Hanc insulam Columbus secundâ nauigatione detexit , cumque vltimâ suâ nauigatione , conuersis velis huc delatus esset , descendibus à suâ autoritate militibus , primùm hic ciuile bellum , prima hic agmina in sua viscera seuientium occidentales viderunt. Didacus Columbi filius , anno millesimo quingentesimo nono , insulanos rebellantes subegit , & Iamaicam coronæ Hispaniæ stipendiariam tributariamque reddidit.

IVCATANA

IVCATANA REGIO.

IVCATANVM littus vastis cinctum penè fluitibus, a primis detectoribus insula reputabatur; Franciscus Ferdinandi Cordubensis, tribus carauellis anno à nato Christo M. CCCCC. XVII male sano ausu, has terras adiit, diuitiarum tantum famam, & euidencia crudelitatis signa referens. Didacus Velasqueus auditâ relatione Francisci Ferdinandi, anno sequenti Iohannem Grialuum cum quatuor carauellis, certiora de Iucatanâ regione exploratum misit; is ex portu Cubensi ad Cozumellam, siue Sanctę Crucis insulam, hinc Campechium, alij S. Lazari oppidum vocant, deinde Campatonum delatus, totam Iucatanam peninsulam ab eâ parte lustrauit, Tâuasum vsque peruénit, Hispaniæque nouæ terminos attigit, & detexit. Oppida illis in partibus in morem nostrum ædificata, turritas domos, templa magnifica, vias plateasque ordine stratas, sese conspexisse retulit. Ingens laborati auri pondus promiscuis permutationibus pro sericis laneisque vestibus, vitreis calculis, ac tintinabulis consequutus est Grialuus. Specula nōstratum parui faciebant, quia lucidiora ex quodam marmoris genere ipsi habebant. Orientalem huius terrę partem tuetur insula Acusamila siue Cozumella, quam Sanctę Crucis vocant, propterea quòd quinto Nonas Maij, quo die ecclesia salutiferę crucis inuentionem anniuersariâ solemnitate ouans concelebrat, Grialuus eò appulerit; modico intervallo à continente abest, patet in circuitu ad octo mille passus: summa hîc aquę penuria, melle abundat, sed incolę cerę vsum ignorabant. In abdita huius insulę parte, inuentum est templum quadrato lapide constructum, multâ religione celebre, in cuius meditullio crux visēbatur decem palmos alta, quam incolę adorabant, conceptisque votis plumas petebant, quas, hac adoratione consequi & obtinere sese posse credebant: quę res faciliores illos reddidit ad suscipienda Christiana sacra. Vndè tamen hic adorandę crucis ritus processerit aut promanarit, plane incertum est,

*Acusamila
insula.*

est, Petrus Martyr Anglerius Mediolanensis refert, incolas à maioribus suis accepisse, quondam per has terras virum sole lucidiorem pertransisse, qui in cruce passus fuerit, eaque de causâ crucis memoriam semper illis venerandam fuisse. Huius insule & Iucatanæ terræ habitatores, iisdem vtuntur moribus: bellicosi sunt, & propugnatores egregij habentur, primosque in terram egredi ausos malè mulctarunt, arma sunt lancea, gladius, arcus, & sagitte, in prælium euntes, galeas ligneas, thoracesque ex gossipio habent, in pace nudi & sine armis passim incedunt, captos in bello dijs suis crudeliter immolabant, à carnibus tamen oblatorum abstinebant, deficientibus captiuis aut noxijs, in causam sacrificij, pueros puellasque à finitimis, permutationibus comparabât. Totus huius terræ tractus auro gemmisque abundat. Grialuus in piscatoriâ lembo siue Canoâ nouem pisces aureis hamis piscantes deprehendit, & auream cataphracti equitis integram armaturam à Pontonchano rege habuit, multaque alia hac nauigatione, preciosa permutationibus consequutus est.



VCATANIS vicinior est Fondura, media inter Iucatanam & Nicaraguam. Regio fertilis est, omniumque ad vitam humanam spectantium abundantissima. Cere hic & mellis perinde atque apud Iucatanos copia ingēs. Aurum & argentū in nullo vsu aut honore erat, abundat alioqui regio aurarijs fodinis, sed nemini effodiendi cura erat. Mexicanorum moribus, vitæque ferè institutis vtebantur, sed Nicaraguensium superstitionem & idololatriam sequebantur, quæ aduentu Hispanorum, & Catholicæ fidei professione postmodum antiquata est. Trugillum Coloniam hic deduxit Franciscus Casanus, anno M. CCCCC. XXV nomine ductoque Ferdinandi Cortesij. Sed Columbus anno M. CCCCC. II. prius totum hoc Fonduræ latus quartâ suâ nauigatione ad Nominis vsque Dei portum detexit, querens peruij alicuius freti angustias, per quas ad vltimum orientem nauigari posset, sed irritò conatu, Hispaniam repetens, mox fato functus, alijs huius gloriæ materiam reliquit.

Nicaragua a Septentrione Fondurâ clauditur, in meridie inferi siue pacifici maris vndis alluitur, ab ortu septentrionalis oceani fluctibus pulsatur. Regio populosa ingentibusque arboribus perquam amœna, sed quæ ab æris potius salubritate, quàm diuite metallorû venâ cômendetur. Caput gentis est Legio & Granata, hæc Colonias Franciscus Ferdinâdi deduxit. In medio regionis ingês lacus cõspicitur, multis vrbibus frequês, cuius initium vix octo aut decem passuum millibus abest ab occiduo seu infero mari, paulatimque versus ortum sese protendens, in ingentem lacum multis insulis habitatum concrevit, ripis deinde conclusus in mare septentrionale effunditur, sed ad instar maris Oceani æstuans, crescit atque decrescit. Mare hic impetuosum est, mōstrisque marinis infestum, quæ cum vmbilico tennus extant, altissimarum natiuum antennis æquant aut superant. Incolæ albi potius, quàm ærei coloris sunt, capillos & barbam abradunt, corpus expilant, cirro tantum capillitio in vertice retento, faciem fissuris deturpant. Fures rasos expilatosque, ei cui furto nocitum est, in seruitutem dedunt, deditus, nisi mox sese redimat, idolis immolandus hostia ducitur: nam & hic humanis hostijs litant, bellorumque in istis partibus vnica penè causa est, captiuorum cõquisitio in regni expiatiõem. De antiquis Nicaraguensium consuetudinibus, nihil attinet dicere, quando erectis passim cathedralibus ecclesijs, Christianam religionem susceperint. Ipse rex Nicaragua (a quò provinciæ nomen mansit) cum vxore & liberis vniuersaque aulâ, ac plus quam IX. M. subditis, vno tempore sacro baptismatis fonte, abluti sunt. Hoc tamē memorabile apud Nicaraguos inueni, quod duplici olim sacrificorum ordine, superstitiones suas peragebant, quorum vnus sacrificiorum superstitioni, alter confitentium expiationi mirro silentio operam dabat: refferasse aut protulisse aliquid ex auditis detectisque peccatis, piaculû ducebant mortē puniendû. A receptâ fide Catholicâ nihil grauius tulere, quam vetustum & receptû sacrificiorû morē aboleri, sublatis quippe humanis hostijs, omnē penitus belli causam sublatâ, elâguẽscēteque animi robore, arma sua rubigine obduci, & bellatrices manus aratro alligari, querebantur.

HISPANIA NOVA.

HISPANIA noua magnis terrarum spatijs diffe-
cta, à Tauasco, seu mauis, Grialui flumine occiden-
tem versus excurrens, ad Sancti Michaëlis & Cu-
liacanas vsquè terras protéditur. Septentrio finitur
Grauatâ nouâ, alijsque regionibus noui Mexicani
regni nomine nunc signatis. Australe littus pacifici maris vndis
abluitur, Occidentalem, seu mauis, nouam, aut vt alij, magnam
hanc Hispaniam, fortunâ Iohannis Grisalui, & Ferdinandi Cor-
tesij viuida virtus primum aperuit; quando capto subactoque
potentissimo harum terrarum principe Motezumâ, deuictisque
rebellibus postmodum Mexicanis, totâ prouinciâ peruagatus,
Hispanici illam iuris fecit. Comprehenditur hac Hispaniæ nouę
tabulâ, præter Guatimalam, Gualticana, Mexicana, Mechuaca-
na, Galícia noua, alięque prouinciæ: quę omnes inter equino-
ctialem, & Cancri tropicum penè concluduntur, ideoque die-
rum noctiumque exigua hîc discrimina, & perpetuum penè ver-
mensibus Iunio, Iulio, Augusto, atque Septembri assiduę pluuię,
leniumque ventorum ab utroque mari commodissimi flatus,
diurnos, æstiuosque calores disijciunt ac temperant, quę vera est
ratio cur istic sub tropico æstiuo commodè habitetur, contra an-
tiquorum philosophorum opinionem. Sed vt cætera transeam,
miraculo est Temistitanę vrbis situs magnitudoque quę Vene-
tę vrbis in morem, vndique pernauigabilis, sita est in conualle
Mexicanę prouinciæ; vndè postea frequentioribus calculis, ciui-
tati nomen mansit. Vallis hæc, asperrimis altissimisque vndique
penè conclusa montibus, ad sexaginta milliaria, aut CC. LXXX.
Italica, in circuitu patet. Solem inter orientem, & Septentrionem;
euanescentibus montium anfractibus, planior est regio. In radi-
cibus montium ingens lacus nascitur, pars illa quę montium ra-
dicibus propior, est vsibus humanis conueniens, dulces haustus
pręstat, ad humanę necessitatis leuamen, perpetuis quondam ri-
uulis aquę ductibusque per totam urbem diductis: sed alia, quę
maior

*Mexicana vr-
bis situs.*

PTOLOMAICÆ AVGVMENTVM.

75

maior pars est, prorsus falsa decurrit, & in morem Oceani
 effluat, incrementaque ac decrements maris sentit, aut imitatur.
 In hoc falso lacu sita est Temistitana siue Mexicana ciuitas, non
 quidē in ipsius lacūs medio, sed quā terris propinquior est. In ripis
 vtriusque lacus, multae ac magnae ciuitates numerantur. Inter sal-
 sum dulcemque lacum in ipso introitu Mexicalcingo cōspicitur.
 Mexicana ciuitas tribus passuū millibus, hoc est, duodēcim Itali-
 cis milliaribus, in circuitu patēre perhibetur, ex orientis latere nō
 nisi nauigijs, vnigenisq; Canoīs ad urbē iter patet, alijs tribus
 partibus continētī iungitur, per amplis atque longinquis instratis
 vijs siue pontibus, via quae ex Mexicalcingo ducit ad octo, alia, ad
 milliaria sex Italica patet, breuissima vnus milliaris Italici spatio
 a cōtinente abest. Viē istae tanquā ad Lesbīā regulā ductae, ad me-
 diū vsque ciuitatis penetrabant, vbi forū venalium amplis porti-
 cibus circumseptum, quod magnā coeuntū vndique ciuium fre-
 quētiā celebratur, quādo assiduo mercimonij genere, indies vltra
 triginta millia ementiū vendentiūque eō cōfluāt, dispositis miro
 ordine tabernis, singulis mercatorū seu mercimonij collegijs stati-
 onibus discretis: nā & qui aurum factum infectumue, qui gemas,
 specula, qui auium plumās, qui pannos, vestimentaue, qui panē,
 aut frumentū, quiue alia ad victū corporisq; sustentationē, vel
 ad gazam, eaueque in aestimatione regiā sunt venalia propone-
 bant, stationibus distinguebantur, neque promiscue, & confuso,
 vt apud nos, ordine cuiquam prostare permittebant. Medio in
 foro domus perampla erat, decem virorum statio, qui incidentes
 fori contentiones dirimebant, maleficosque legum rigore punie-
 bant. Innumera hic conspiciebantur templa, ipsi Meschitas vo-
 cant, vbi suo more idolis litabant. Inter cetera vnum maius, cu-
 ius area tantae erat capacitatis, vt designando amplissimo castro
 sufficeret, circuitus perpetuo muro, & quadraginta altissimis tur-
 ribus claudabatur, in his regum principiumque sepulturae, singu-
 lis capellis distinctae. Sacrificijs humanis indulgebant, impuris-
 que suis idolis singulis annis plusquam viginti puerorum millia
 ferali ritu immolabant. Incolae egregii mechanicorum operum
 magistri, industrii & sagaces habentur. Mulierum quoque multi-

tudine gaudebant, inter multas tamen vna erat præcipua, cuius filij parentibus succedebant, reliquæ pellicum loco, earumque filij spurij aut naturales. Sed incolis postmodum ad christiana sacra perductis, immanes istæ & truculentæ consuetudines relicte, & virtute euangelici verbi, humanitas & beneuolentia successere. Cortesius deuictis rebellibus Mexicanis, receptam & euastatam ciuitatem, de nouo restaurauit, concessis vectigalium, hospitumque recipiendorum immunitatibus; sed urbem ad continentis littus transtulit, obturatosque ac intercisos bellicis motibus aqueductus clausos tenuit: sic vt iam alia Mexicanæ ciuitatis sit forma, quàm sub Motezumâ fuerat. Mexicana porro ciuitas Archiepiscopali sede conspicua est. Antonius Mèdogius hic quoque vniuersale studium erexit, vocatis inuitatisque honestis stipendijs ex Hispaniâ professoribus. Pietate Philippi præsentis regis anno M. CCCCC.LXXVII. in hac vrbe, & Culcanâ ciuitate institutum, dodatumque est Patrum Societatis Iesu collegium. Cazon Mechuacanæ prouinciæ rex, audito excidio Temistitanæ ciuitatis, misiss legatis se suæque Carolo imperatori dedit. Mechuacana regio, Occidentalis magis est, quàm Mexicanæ terræ. Auri argentique fodinis diues perinde atque Mexicana regio. Caput gentis Cincila, sita in radice montis propter ingentem lacum. Regio paludibus frequens, fontibusque nobilis, quibusdam etiam calidis aquis fluentibus, ad thermarum vsum. Aer regionis temperatus & salutaris, frumento, nostrisque fructibus conueniens; cerâ, gossipio, atque salinis abundat; Ambraæ nigræ hîc quoque prouentus. Incolæ pulchriores spectabilioreque, quàm aliâ vllâ vicinâ in prouinciâ reputantur. Hispani colonis prouinciam auxere, inuectisque atque plantatis moris, bombicû peculiari curâ serici commercia, instituere. Hinc quoque Mechuacanæ ignotû radices genus adfertur, aquis pituitisque, ac articulorum doloribus alijsque curandis morbis nunquâ satis laudatum, postea in copiâ ex Quitone Peruanâ prouinciâ, & Nicaragua, adferri cœpit. Vtèrius ad occidentem solem tendentibus, occurrit Xaliso, seu matuis, Galicia noua, Guadaiarâ Metropoli, & Compostellâ episcopali sede nobilis. Oceani littora quæstuo-

Mexicana ciuitas per Cortesium restaurata.

Mechuacana prouincia.

Galicia Nova.

sa,

sa, ostrearum margaritarumque piscatione celebrantur. Nobilissimus hinc Balsami liquor adfertur par cum Ægyptiaco bonitate certans. proditum à quibusdam scio, Ægyptiacum balsamum nuper defecisse, neque vsquam gentium amplius reperiri, sed notio munificentissimi creatoris beneficio, in Xahsanâ hac prouinciâ succreuisse. Postmodum ex Indicâ continentis terris, allatus est huiuscemodi succus, ex arbore quoque promanans, sed & decoctione balsamum colligi ostendit Nicolaus à Monardis, libro de Simplicibus medicamentis ex Indiâ occidentali allatis. Culiacana, siue S. Michaëlis prouincia, Galliciæ nouæ pars est extrema. Est, hîc Sancti Sebastiani fluuius, qui ex Culiacanis montibus profluens, per aliquot passuum millia cæco aditu terræ visceribus absconditur, & in mare Rubrum, aut Cortesii deferitur, perinde atque Guadiana in Castiliâ, & Niger in Africâ, qui ex cænofo, paludosoque lacu ortus, & ad septentrionem delatus, per sexaginta penè milliaria, intra terræ viscera prolapsus cuniculo rursus erumpit, & Borneo lacui miscetur, solemque occidentem sequutus, in Atlanticum oceanum tâdem euoluitur. Coloniam hîc vnam Hispani Sancti Michaëlis deduxerunt. Reliqua prouincia, plurimis sed exiguis barbarorum vicis habitatur. Regio argenti fodinis scatet. Incolæ secundum maris littus, vt plurimum ichthyophagi, reliqui siluestres, & ipsi in siluis feras confectantur. Nugnus Gusmanus, totum hoc Galliciæ littus detexit. Compostellam & Guadalaiaram fundauit. Compostellæ nomen imposuit, vt hæc regio sicuti asperitate montium Galliciæ orientali assimulatur, ita eiusdem quoque nominis ciuitatem haberet. Guadalaiaram à patriæ suæ nomine vocauit, cum antea Toualla diceretur. præter has, Sancti Spiritus, & Conceptionis ciuitates fundauit, & Sancti Michaëlis, cuius superius meminimus, in Culiacanâ prouinciâ, Coloniam deduxit.

*Culiacana
prouincia*

NOVA GRANATA.



HISPANIAM & Galliciam Nouam ponē sequi-
 tur Zuny siue Ceuola, quam Nouam Granatam
 vocant. Anno à nato Christo. M. CCCC. XXX.
 VIII. pacatâ Nouâ Hispaniâ, viri aliquot religiosi
 zelo propagâdi cultus diuini, ad vltiores populos
 penetrarunt, quorum habitatio nondum fuerat detecta. Inter hos
 frater Marcus Nizzenſis, instituti diui Frâncisci, Culiacanâ pro-
 uinciâ adiit, inde cum itineris duce & interprete, inter Occidentem
 & Septentrionē tendens, plurium dierum itinere, plusquâ trecen-
 ta millia passuum peragrauit, in reditu multa de Ceuolâ & patriâ
 Septē Ciuitatum referrens. Cūque regiones ibi populis frequen-
 tes, auri venâ, cyani lapilli, quem Turchinam vocât, prouentu no-
 bilis, pecore & lanâ abundare testaretur, tantum effecit, vt Corte-
 sium, tum maris Australis præfectum, & Antonium Mendo-
 zam, regni Mexicani Præsidentem, cupidō caperet detegendi has
 oras. Mendoza euocatum Petrum Aluaradum, Guatimalę præfe-
 ctum, mox illo è viuis sublato, Franciscum Vasquium Corona-
 tum cum CCCC. equitibus, & iusto peditum Hispanorum, &
 Indianorum exercitu misit. In itinere multo frigore gelidisque
 penē niuibz confecti, equos plurimos amisere, multi Indiano-
 rum fame periēre, habitatores, Hispanis pacem petentibus, nihil
 pacati respondebant, bellandi potiùs causâ quàm pacis benevo-
 lentiaque (quam præstari cupiebant) armatos, fines suos intrasse
 querebantur. Desperatâ pace, Hispani ciuitatem oppugnauēre,
 strenuē defendentibus & propugnantibus oppidanis, sed tādē
 deserto oppido fugâ sibi consulere. Vacuam ciuitatem nacti
 Hispani, Granatam appellarunt, manetque in hodiernum diem,
 Nouæ Granatæ nomen. Ciuitas ducentis plus minus edibus con-
 stabat, domus lignæ sunt, sed quatuor aut quinque contignatio-
 nibz euectæ, solent & subterraneos specus aperire, inuecto mul-
 to fimo, suffugium hyemi, quia rigore frigorū eiusmodi locis
 molliunt. Temperatura climatis frigidior est, quantumuis ab
 æquinoctio

æquinoc̃tio vix XXVII. gradibus ablit, propter mōtium asperitatem & præiacentes niues. Maizium tamen fœliciter crescit, pelli-
bus abundant, ex quibus vestes ocreasque conficiunt. Mulieres
crines funiculis nostrum in morem intertextis, capiti aptant, bre-
uibus amictibus velantur, cætera intectè. Regio alioqui sterilis,
arenis impedita, & exigui proventus. Septem ciuitatum prouin-
ciam, quam Marcus Nizzenfis tantopere extulerat, Goronatus
vix quadringentis incolis habitari comperit, pro diuitijs quas a-
nimo præceperat, tantam niuium hîc abundantiam, famem,
rerumque omnium indigentiam inueniēs, detestatus infaustum
iter, Quiuire terris successit, si melior lætiorque ibi fortuna occur-
reret, sed infœlici successu vt mox dicemus.

Septem ciui-
tatum pro-
uincia.

CALIFORNIA.

Calanax ad occidentem adiacet California, freto tan-
tum, quod à meridie influit separata. Sinus iste ad CC.
XXX. milliaria Italica terris infertur, haud aliter atque
sinus Arabicus, aut Rubrum mare, quod Asiam ab Africâ diste-
minat, ad cuius similitudinem in repenè pari, primi huius terræ
detectores, hoc quoque fretum Rubrum mare vocarūt: quidam
quia mari Hadriatico, quod Italiam inter & Illyricum fluit, haud
absimile est, Hadriaticum quoque dixere, quibus ego tantò li-
bentius assentior, quanto Californiæ sinus Italiæ similior est. Se-
quitur longo terrarum spatio Deceptionis promontorium, ynde
quibusdam visum erat, pedibus ad Sinarum regiones, & Tartar-
iam per vltimum occidentem iter parere: sed experientia contra-
rium docuit. Tota hæc terræ pars frigida, & parum habitata, ijs-
dem penè moribus, vitæque ratione, cum Granatensibus vituit.

Mare Rubrum
occidentum.

Deceptionis
promontori-
um.

X QVIVIRA

QVIVIRA ET ANIAN.



Ad ultimum vsque Occidentis limitem pertinent Quiuira & Anian. Cœli inclementiâ, & multâ pauperitate pernuriâque cognitę. Aniani regni fines ad Septentrionem excurrentes, arctico circulo subiiciuntur, & nisi oceani æstus impediât, Orientalibus Tartarorum Sinarumque terris coniungerentur. Anianæ istę angustię per septentriones intra arcticum circum ad Groenlandiam, Islandiam, Angliam, nostrumque septentrionem ducunt. Hoc itinere, quibusdam placet, Indianos olim abreptos tempestatibus, in Sueuorum, & Germaniæ littora peruenisse, quos à Sueuorum rege, Quinto Metello Celeri, Gallię tum proconsuli, dono datos esse testantur. Hanc viam tentauit Martinus Forbissierus Anno M. CCCCC. LXX. quærens expeditum ad Cathaios iter, magnâ vbiq; diuitis harum terrarum venę aureę famâ, quam tamen fefellisse, tertiâ Forbissieri nauigatione, magno nimium credulorum quorundam mercatorum damno relatum est. Sed Quiuira hætenus paucis tantum littoribus cognita, extra omnem nauigationis cursum sita est. Vasquij Coronati milites, cum in Ceuolâ nullum auri vestigium reperissent, ne vacuis manibus Mexicanas terras repeterent, fortunam tentare, & vltius progredi statuebant, si qua vsquam benignior sese fortuna offerret. in quam spem à nonnullis accensi sunt, cum Tichuico Tiguexam venissent, illic enim Quiuirę fama à quibusdã in maius celebrata, credulis (quia ita cupere[m] militibus) persuasum est, Tataraxum regem potentissimum in Quiuirâ longè lateque rerum potiri, saluifereque Crucis & diuę Virginis memoriam venerari, letis militibus, quod tot terrarum spatia emensis, aliqua melioris fortunę spes affluisset. Continuatis itaque itineribus Cicuicam, mox Quiuiram peruenere. Cicuica, XXI. gradibus, aut CC. XX. penè æquinoctialibus passuum milibus à Quiuirâ abest. Totum hoc iter altis arenis impeditum, perpetuâ sterilitate infame, neque lapidem, neque herbam, aut arborem

Martini Forbissieri nauigatione.

Vasquij Coronati iter.

Tataraxus Quiuiræ rex.

borem penè centesimo milliari habet. Vaccarum hîc insolitum genus, quarum copiâ commodè inedia exempta, erectisque struibus, aut tumulis, ex illarum ossibus cornibusque, itineris incerta spatia tanquam in vasto Oceano, notabantur. In arenosis hisce desertis, oberrante Coronato, exorta subito grandine, lapides pluit oui anserini magnitudine: huius rei nouitate Hispani mirum in modum consternati, ad lachrimas precesque versi, celestem iram deprecabantur. Tandem Quiuiram deuentum, vbi Tartaraxum senem, pro quo tot tantosque labores exantlarant, nudum, aneo monili seu emblemate (quæ tota ipsius erat gaza) ornatum inuenère. Milites, viso Tataraxo cum suâ credulitate sese delusos senserunt, fastiditis propositis Hybernis, nihil morati properè Tiguexam redièrè. Quiuira quadraginta graduum habet altitudinem, secundum littus maris, regio satis pascua est, vaccarumque hîc ingens copia, dorso incutuo, aut gibbofo, ad instar Camelorum, cuiusmodi vaccas Paulus Venetus libro primo capite XXII. in finibus Persidis sese vidisse testatur: harum carnibus vescuntur, panis vsum prorsus ignorant, gregatim Arabum, Nomadumque in modum vagantur, vbi nox aut pascuorunt commoditas illos oppresserit, aut inuenerit, hærent aut considunt, captantes irriguorum pratorum comoditatem. Cæterum a immentis istis præter victum alia quoque incolis vitæ commoda obueniunt: nam pellibus mapalia sua contegunt, pellibus vestiuntur, calceanturque, ex pellibus arcui neruos aptant, ex ossibus subulas, ex neruis fila, è cornibus tubas aptant, vesicis, vitulorumque pellibus aquam colligunt, & conseruant: vnus denique huius animalis exuvie, ad instar gaza, in summâ omnium penuriâ abunde illis satisciant. Ingentes quoque instar leonum nutriunt canes, quorum opera in transmigrationibus, iumentorum loco vtuntur. Visitur hîc quoque animal quod equi similitudinem habet, longo è fronte prominente cornu, fortè hætenus rarius visi vnicornes! quales ex omni memoriâ Lodouicus Romanus duos intra Mecha septa sese vidisse refert ex Æthiopiâ alatos: est hoc animal, vt idem refert, libro I. capite XIX. coloris equi mustellini, capite ad instar cerui, collo non oblongo, rarissimi


Vacca Gibbofo.

Equi syluestres.

Vnicornes.

misque iubis, in alterâ solum parte dependentibus, tibijs præte-
rea tenuibus atque gracilibus, hinnuli instar, vngulæ anteriorum
pedum bifidæ caprinos pedes referunt, crurum posteriorum pars
exterior villosa pilique plurimi; animal efferum videtur, feroci-
am (vt idem inquit) aliquâ comitate leniente. Aloisius Cadamu-
stus, nauigationis suæ capite. L. refert ex captiuis Nigritis ad ca-
put seu promontorium de Monte degentibus, Principi Lusita-
niæ relatum fuisse, in patriâ illorum vnicornes viuos reperiri, hæ-
ctenus tamen nihil à quoquam certius relatum. vero propius
est, syluestres esse equos, qualium assidua venatio in Armeniæ
montibus esse perhibetur, quod si hæc occidentalis fera ex vnicor-
nium numero foret, magno sæpius operæ precio, hæctenus negle-
cta Quiuiensis, aut Amana peregrinatio nauigatioque frequen-
tata foret; et ne Dracus quidem ex nouâ suâ Albione (nam sic
Quiuiram indigetauit) simile quidpiam retulit, sed detestatus fri-
gore horrentes terras, cum in latitudine tantum quadraginta du-
orum graduum essent, die quintâ mensis Iunij cōuersis velis ad
Austrum, cursum direxit.

COM.




COMBAS REGIO CVM
VICINIS GENTIBVS.

EX occidente orientem repetendo, vsque ad Canadensium & Nouæ Franciæ fines, occurrit Combas regio, & variæ nationes supra Floridam & Hispaniam Nouam degentes, quarum quidem clima in frigiditate, & perpetuo gelu, cum Quiuirâ & Aniani regni finibus certat: nominibus tantum inter sese discrepant. Sunt Auanares, Alabardi, Calicui, Tagiles, Capasci, & sexcenta alia nomina, ipso penè timenda sono. Vno verbo dicam, nationes feræ, indomitæ, & sine lege, continuis inter se bellis conflictantur, in auis montanisque locis geniti & educati, pernici cursu plurimum valent, æripidemque ceruum cursu prauertere creduntur. Sed Auanares Indianorum callidissimi, præter Americanorum omnium consuetudinem, stratagemate grassantur, nocturnisque ac subitis incursionibus, hostes, quantumuis longinquis ex partibus, adoriuntur, ingentiaque terrarum spatia emens, semisopitos trucidant, aut captiuos abducunt. Caterum omnes in summâ religionis ignorantia versantur, Satanicisque illusionibus & vexationibus ante Christianorum aduentum, referente Aluaro Nunnio, incredibiliter diuexabantur. Ad feras hæc gentes penetrarunt, Aluarus Nunnus, Cabezza de Vaccâ, Andreas Dorantes, Alphonfus Castillanus, & Stephanus Azamorus, ex reliquijs infœlicis Pamphili Naruezij, qui spatio nouem annorum, nudi famelici, omniumque egeni, has regiones peragrarunt, seu potius pererrarunt, vbi curationibus infirmantium operam dedisse, mortuumque in nomine domini suscitasse feruntur, eoque grata apud hosce populos illorum memoria. Nunc omnes hæc regiones quasque præcedentibus duabus tabulis descripsimus, Nouæ Mexicanę provincię nomine signantur, quam Antonius Espenis Cordubensis anno. M. CCCCC. LXXXIII. denuo aperuit aut detexit. Recensentur quindecim provincię, sed nomi-

nibus discrepantes à priorum detectorum, scriptorumque nomenclaturis. Quâ de re, ne longior sim, cōsulenda Reuerendi Patris Iohannis Gonzalis relatio regni Chinæ, part. 2. libro. 3. cap. 7. 8. 9. & 10. nunc nihil repetam.

FLORIDA:



Y

FLORIDA.



CHRISTOPHORI Columbi, comitumque expeditionis fama, & multiplex Indicarum opum in Hispaniâ relatum specimen, totum repente terrarum orbem perualerat, & in aulâ Henrici Anglorum regis septimi, omnium animos in rerum ingentium spem, & eiusdem itineris cupiditatem erexerat. Celebrabatur Columbi ingeniû, & singularis animi constantia, iamque regem tædebat intempestivæ repulsæ, oblatamque a Columbis fratribus fortunam è manibus elapsam, tacitus indignabatur. In novarum tamen terrarum spem erectus, deductis celeriter ornatisque omnibus rebus, duabus nauibus Sebastianum Gabotum ingentibus promissis oneratum, quam longissimè prouchi, & fretum aliquod peruium inquirere iussit, quod ad Cathaios Orientis populos, compendio duceret. Anno itaque millesimo quadringentesimo nonagesimo sexto, Gabotus ex Angliâ soluens Cathaium versus iter instituit, sed ab instituto cursu aberrans, ad septentriones sese delatum sensit, propositum nihilominus iter prosequelatur, quærens aliquem maris sinum qui inter Occasum & Boream sese cõuerteret, & ad Orientem penetraret, sed cum post multorum dierum nauigationem littora versus ortum inclinare sentiret, repetito cursu ad æquinoctialem descendit, si forte ab illa parte intercurstante mari pateret tellus, aditumque ad Orientem præstaret. In hoc proposito nauigans, delatus est ad terram, quæ iam Florida dicitur, vbi substitit, irritoque conatu conuersis velis in Angliam redijt. Hac tamen nauigatione tantam rei maritimæ existimationem consequutus est, vt succedentibus temporibus a Ferdinando & Isabellâ ad Brasiliæ maritimam oram lustrandam missus, etiam Argentei fluminis portum primus subiuerit. Sic primum detecta fuit Florida, nullo tamen nomine signata. Postea Ioannes Pontius Legionensis, præfectus in sulæ Borichene siue Iohannis de portu Diuite, principalibus codicillis Bimini præfectus & Adelantadus illius oræ re-

Sebastianus
Gabotus.

Floride pri-
ma detectio.

Iohan. Pont.
ius.

*Floride no-
men a Pontio
impositum.*

*Ferdinandus
Sottus.*

*Situs Flori-
de.*

nunciatus subductâ classe, cum terram attigisset, arcemque aut oppidum in continente moliretur, subitanâ incolarû irruptione oppressus, amissis penè omnibus socijs, ex vulnere breui post tēpore in Ferdinandinâ insulâ mortuus est, totusque ille apparatus intercidit, prouinciaque inuentori suo exitiosa, inexplorata relinquabatur; mansit tamē Floridæ nomen quod à Pontio acceperat, cū ipso Palmarum die in terram exscensionem fecisset, teste Petro Martyre: alij contradicendi studio, aliò referunt nominis originem, nempe quòd tota viridis, floridaque sit, stratis etiam vndis viridantibus herbis, sed penes authorem sit huius rationis fides, cum nusquam ab alijs consonantia tradantur. Mansit ad tempus prouincia intacta, nemine sibi illam deposcente, propter inhabitantium ferociam. Procedente deinde tempore, Ferdinandus Sottus, deuicto Atabalipâ Peruanis spolijs auctus, maiora animo voluens, Præfecturam hanc ab Imperatore obtinuit, multisque veteranis militibus scriptis, Floridam adnauigauit, anno trigésimo quarto supra millesimû quingentesimum, sed aurarijs nimîû inuestigandis intentus, nullâ curâ vrbis deducendæ condendæque, dum per prouinciam vagatur, non inuentis quas crediderat, auri secturis, mēore confectus interiit; milites sociique passim à barbaris cæsi & discerpti sunt. Præcedentibus temporibus ab indigenis Iaquaza dicta est. Circumscribitur hæc prouincia latissimis finibus, ab ortu Bahamam & Leucayas insulas habet, in occidente Mexicanæ prouinciæ terminos attingit, in meridie Cubam & Iucatanas terras respicit, excurrens in modum Isthmi ad cētum mille passus, quæque angustissima est, triginta milliarium latitudinem occupat, in septentrione supra Floridam sunt Canada, Virginia, Auanares, & Noua Francia. Regio in vniuersum plurimis riuus fluminibusque irrigua, eoque humidior & in maritimis locis arenosa, vadisque metuenda. Incolæ colore sunt æneo, quem certâ inunctione & solis ardore contrahunt, cum tamen recenter nati, satis albi sint. Ingenio vero vafro sunt ac subdolo, ad bellum & vindictam proni. Arma sunt arcus; sagittæ veneno armantur; venationi, & piscationibus mirum in modum indulgent. Reges continuis bellis in mutuam perniciem sœniant

ſeuiunt. Magna illis annonæ cura; Maiziū in Martio & Iunio ſerunt, tertio dehinc menſe maturum colligūt, ac in publica horrea recondunt, mox ſingulis pro cuiusque neceſſitate & dignitate diſtribuunt. Ingens hic Crocodilorum copia, cum quibus aſſiduè belligerantur, & tanquā aduerſus armatos vndique circumfuſos hoſtes, in perpetuo metu excubijs vigiliſque ſeſe tuentur. In annonæ penuriâ ſerpentes, araneas, aliasque ſordes deglutiunt, ſicuti & Auanates eorum vicini. Abundat regio Hermaphroditis, quorum ſeruili mancipiorum iumentorumque loco vtuntur. Animarum immortalitatem credunt, cætera, idololatræ. Regio varijs fructibus beata eſt, varioque genere animalium, volatiliūque abundat, auri & argenti inter illos commercia, & in montibus Apalchicis ingentes riui oriuntur auri argentiſque arenas prouoluētes, quas incolæ ripis per foſſas diductis, colligunt, & ſecundo flumine ad maris littora venales deferūt. Poſt inſauſtas & funeſtas Pontij, & Sotti nauigationes, Iulianus Samanus, & Petrus Ahumadus Prouinciæ huius præfecturam depoſcebant, ſed Carolo Imperatori, Indicoque ſenatui conſultius viſum eſt, religionis & pietatis opinione rudes agreſtium & ferocium hominum animos emollire, quando Ferdinandum Sottum inſolenter ſuâ poteſtate abuſum, oppreſſione & ſeruitute incolarum exitium ſibi procuraffe, gentemque per ſe ferocem ad arma concitaſſe ferebatur. Indici itaque Senatus decreto, anno a nato Chriſto M.CCCCC. XLIX. Eò miſſus eſt Frater Lodouicus Baluaſtrius, ordinis Sancti Benedicti, cum quatuor religioſis. Is Floridam adnauigans, euangeliumque pacis nuncians, conſeſtim à barbaris cum duobus ſocijs crudeliter diſcerptus periit, interemptorum cutem detractam compertum eſt barbaros in templorum ſuorum foribus, ad æternam rei memoriam ſuſpendiſſe: hoc ſpectaculo reliqui conterriti ad mare ocus fugerunt, & velis ſublatis Hiſpaniam nauibus repetierunt. Succedentibus temporibus, Galli, tempore Caroli Noni, duce Iohanne Ribaldo, Floridam verſus enauigarunt, extructo ibidem propugnaculo. Improſpere tamen hæc illis ceſſit nauigatio, nam animis diſcordes dum à ſuis ſeſe neglectos putant, ſubitario opere nauem extruxere, vt in

*Armonæ ca-
ra.*

*Crocodili per-
nitioſi in Flo-
rida.*

*Auriferare-
gio.*

*Fra. Ludouici
Baluaſtrij
in Floridam
iter et ſucceſ-
ſus.*

*Iohan. Ribal-
di Galli na-
uigatio.*

*Horrenda famis
exemplum.*

*Renati Landonieri
navigatio.*

*Gourguesij
navigatio.*

Galliam repedarent, sed in itinere tam diræ atque effræ famis necessitatibus subacti sunt, vt proiectâ sorte vnum ex suis corripuerint, infansque faucibus absumperint. Alteram equè infauitâ navigationem duce Renato Landoniero susceperunt Galli anno M.CCCCC.LXII. extructâ arce Carolinâ, ad fauces fluuij quem Galli May vocant, quod May Calendis primum ab illis conspectus esset, sed breui ab Hispanis occupatâ arce, captoque Ribaldo, qui secundâ istuc navigatione aduenerat, totus conatus Gallis luctuosus fuit. Biennio post Dominicus Gourguesius, priuatis impêsis comparatâ clâsiculâ trium nauium, cum. C. L. militibus & LXXX. nautis vltus Gallorum manes, Carolinam arcem recepit, euerit, ac solo æquauit. Sed in reditu cum a rege suo hoc factum iniquo animo accipi intelligeret, quieuit, neque vllâ amplius Gallorum in Floridam expeditio memoratur, mansitque Hispanis vacua harum terrarum possessio.

VIRGI



VIRGINIA.




VNC quoque maris terræque tractum, Hispani-
cis classibus enauigatum fuisse, littorum regio-
numque nomēclatura demonstrat, nam Floridam
emenlis, statim Arenarum caput occurrit, siue de
Arenis. Regio hæc ad Norombegę vsque terras, No-
rombega ad Franciam vsque Nouam, & Bacclearum sinus ex-
currit. Sed de quâ agimus Virginia, extra communem nauigan-
tium cursum sita, rarius frequentabatur, Anglorum demum na-
uigationibus innotuit. Nomen a Viguino regulo, seu, vt mauult
ille qui Francisci Draci expeditionis anno M. CCCCC. LXXX.
V. ad occidentales Indias diarum aut commentarium edidit, ab
Elisabethâ Angliæ Reginâ nomen tulit. Ego nihil moror, Sic
dentata sibi placet Ægle. Prima ad hunc parallelum Walteri Ra-
legi fuit nauigatio, plures deinde succedentibus temporibus huc
directę sunt, ducibus Richardo Greinuillio, & Radulpho Lauio,
faustisq;e omnibus Anglorum Colonia hic coaluit, sed anno M.
CCCCC. LXXXVII. cum rerum omnium inopiâ premerentur,
deferente eodem Lauio prouinciam, coloni nauibus Francisci
Draci, ex prædatione Indicâ eò commēantis, in Angliam redie-
runt, horum relationibus, Virginia aduerso rumore laborare cœ-
pit, detrectantibus plærisque colonis redire, & in tam longin-
quam infaustamque nauigationem nomina dare. Incolę nudi
incedunt, cutem coloribus, puncturisq;e inficiunt, aut deturpāt.
Verenda ferinis pellibus contegunt, promissam capitis comam
nutriunt, dependentesq;e erines in nodum colligunt, sed verti-
cem ad instar cristę gallinacę detondent, quem oblongâ versico-
lore plumâ ornant. Assiduis venationibus feras insectantur. Ar-
ma sunt arcus, & sagittę, Oppida exigua, decem aut duodecim e-
dium capacia, defixis humi palis, seu palissadis, angusto aditu, in
orbem edificant, templo principis, procerumque mansionibus,
& arēā, seu foro rerum vānālium, domibusq;e incolarum, cir-
cumquaque in circuitu distinctis, affabē collocatis. Gens æqui

*Nominis ori-
go.*

bonique tenax, iustitiam excercet, animæ immortalitatem sentit, sed saltationibus assiduis, intempestiuisque computationibus ad instar aliorum Americanorum, intemperanter indulget; à carnibus tamen humanis abstinet. Sed de moribus & naturâ indigenarum, deque alijs Virginix commoditatibus aut mirabilibus plura ex descriptione Iohannis Wyts, & relatione Thomæ Harioti præfati Rallegi domestici, per Theodorum Brium singulari libro descripta, & æneis formis incisa circumferuntur.

Vtcrius Septentrionem versus occurrit Norombega, ingenti fluuiio oppidoque insignis, sed nullâ aliâ re memorabilis. Vnde Norombegæ nomen regioni inditum sit, incertum est; à Barbaris Agguncia dicitur. In ipso fluminis introitu insula conspicitur piscationibus oportuna. Regio quâ maritima est, piscibus, quâ Nouam Franciam, & terram firmam contingit, venationibus frequens, feris abundat. Norombegani Nouæ Franciæ ritus, & viuendi morem sequuntur. Gallorum naues hic quoque suas stationes habuisse, argumento est Claudia insula.

NOVA



NOVA FRANCIA.



Totus hic terræ tractus ad Baccalarearum vsque regionem, Chilagam, Hochalagam, Honguedâ, aliasque regiones comprehendit. Incolę omnes communi nomine Canadenses vocantur, nunc Francia Noua appellatur. Britones, & Normani anno à Christo nato M.CCCCC.IIIII. has terras inuenêre, dum asellorū marinorū piscationi intendunt. Postea Iohannes Veraxanus, auspicijs regis Galliæ, insulam & promontorium Britonum detexit, sed mox captus, & a barbaris deuoratus, in foelicem exitum habuit. Iacobus Carterius postmodum totam hanc plagâ perlustrauit. Sed Galli cū nulla auri vestigia deprehēdissent, faciliē cœptam nauigationem intermiserunt. Incolę colore albo sunt. Porro quā ad austrum vergit regio, eiusdem penē cum Galliā temperaturæ est; sed in Saguenayis, alijsque septentrionalioribus, similisque eleuationis terris, perpetuā hyeme riget tellus. Hoche-lagienſis ad naturam in communi viuunt, nullam bonorum proprietatem agnoscentes, neque quidquam eorum curant, nisi quę ad victum facilemque vitę sustentationem facere intelligūt. Canadenses in perpetuo mercimonij vsu, assiduis peregrinationibus exercentur. Gaza horum populorum est albi Corallij species, quam Esurguy patriâ linguâ vocant. Vltiora versus Septentrionem incognita hæctenus permansēre, propter immenſi frigoris asperitatem. Tempora ad Lunæ rationem metiuntur, sicut & reliqui Americę populi. Iaspis & Cassidonium lapis his terris reperitur, colligitur & adamantis adulterini, seu cristalli quoddam genus, vulgus Mangonum, Canadēſes, specioso nomine vocat. Auri hic nullus proventus. Peculiaris hisce in terris morbus corpora humana infestat, contagio grassans hæud aliter atque pestis, priūm pedes & suras pertentat, atque inflat, mox neruis horrido frigore constrictis, oris halitum tetro odore inficit, paulatimque ad vitales partes proserpens, breui tempore totum hominem miserabilibus modis enecat. Ameda arbor, nuci perquam similis,

*Esurguy alba
corallij species
Canadēſis
sunt gaza.*

Ameda arbor.

A a

(alij

(alij Quahoiā vocant) sollicitè prouidente naturā, presentaneum huic malo remedium affert, eius decoctum ex aquā propinatū, spatio trium aut quatuor dierū plus profecerit, quā totius Orientis aromata, medicorum anxijis decretis trutinata. Ad extremū ingentis Hochelagæ fluminis tendentibus, Sancti Laurentij sinus, & dextrā læuāque Baccalearū regio occurrit, à multitudine piscium ex genere asellorum sic dicta. Regio subitis terræ motibus, multa grādine perpetuisque tempestatibus infamis. Sebastianus Gabotus nomine Henrici Angliæ regis, hanc terræ partem primū detexit, anno à nato Christo M. CCCCC. VII. residuum Gaspar Corterealis Lusitanus, vt mox dicemus, aperuit. Vterque sui Regis nomine per interkursantes vsipiam illis in partibus freti angustias, compendio ad Molluccas sibi viam promittebat, sed nulquam respondente fortunā, irritō conatu domum remeantes, detectarum tātū à se terrarum famam, & algentis climatīs intolerandum frigus retulē. Similis planè fuit fortuna Stephani Gomesij naucleri, qui anno à nato Christo M. CCCCC. XXV. æmulus decoris Ferdinandi Magellani, cuius ante trienniū comes sociusque fuerat, impetratā Cæsareo diplomate, nauigandi potestate, Septentrionales quoque angustias inuestigauit, totumque hūc maris tractū enauigauit, sed nihil hac suā nauticā expeditione profecit, mancipiis tamen ex hac orā abductis nauem impleuit, vnde tunc ingens ridendi iocandique in aulā occasio, nam ciuis quidam Caroniensis, qui abeuntem Gomesium ad Garyophellorum terras iter intendere, & redeūtem Esclanos, hoc est, mancipia aduexisse intellexerat, deceptus similitudine vocis, gaudio præproperus cum Gomesium Clanos, id est, Garyophylla (vti receperat) aduexisse putaret, vt optati cursus lætus nūciū pinguem strenam auferret, celeribus citisque equis ad aulam contendit, & Gomezium inuento freto, magnam aromatum abundantiam retulisse vulgavit, postmodum aduentu Gomesii errore comperto affatim risum est.

TERRA

Baccalearum
regio.

Stephani Go-
mesij nauiga-
tio.

TERRA LABORATORIS. ET ESTOTILANDIÆ.

EX TREMA hæc Indicę continentis pars, inuentione omnium fuit prima, quando duobus penè sæculis, ante Lusitanorum & Castellanorum navigationes, à Piscatoribus Frislandicis, tempestate huc eiectis, primitus hanc terræ partem detectam, & postmodum circa annum M. CCC. XC. auspicijs Zichini. Frislandię regis, a Nicolao, & Antonio Zenis fratribus patitijs, Veneris, perlustratam, eorundem Zenorum relationibus constat; horum sagaci industrię, quisquis es Geographiæ studiosus, debet, hanc Estotilandię & Septentrionalioris oceanı, insularumque interiacentium descriptionem; quæ beneficio Nicolai Zeni ex rectâ suprà dictorum Zenorum posteritate prognati, conservata, extractaque ex hydrographica illorum membranâ, Ptolomæi tabulis addita est, vti refert Hieronymus Ruscellus in suis ad Ptolomęum commentarijs. Secundum detectæ huius regionis decus tulit Iohannes Scoluus Polonus, qui anno reparationis salutis M. CCCC. LXXVI. octoginta & sex annis à primâ eius lustratione nauigans vltra Noruegiam, Groenlandiam, Frislandiamque, Boreale hoc fretum ingressus sub ipso Arctico circulo, ad Laboratoris hanc terram Estotilandiamque delatus est, multo deinde tempore intentatum hoc nautis mansit littus, dum algentis climatis gelu, aut infesti maris horrent procellas, haud satis dignum ob præmium. Sed postquam Lusitani peragratis omnibus Africę littoribus in Oriente, & Columbus Catholicorum regum nomine, in Occidente nouas terras inuenêre, obortâ inter Hispanos & Lusitanos contentione, cum pro se quisque certatim Mollucarum possessionem sui iuris facere cõtenderet, Gaspar Cortereal anno à nato Christo millesimo quingentesimo, quærens fretum quod compendio ad aromatum terras duceret, inuenit fluuium, cui à multo frigore, præiacenti-

busque

Aa 2

busque niuibus, Neuado nomen indidit; sed ingentibus pene
 frigoribus subactus, ad meridiem cursum intendens, totum hunc
 terre tractum ad Maluarum usque promontorium detexit. Re-
 petita deinde sequenti anno navigatione, aquis haustus nus-
 quam amplius comparuit Michael Corterealis anno à nato Chri-
 sto. M. CCCCC. II. dum fraterno amore fratrem querit, ad eun-
 dem sinum nauigans, pariter & ipse perijt. Vasquium Corterea-
 lem insanum quoque iter parantem, Emanuel Lusitaniæ rex re-
 tenuit. Sebastianus Gabotus anno millesimo quingentesimo
 septimo, cum nomine Angliæ regis, per angustias septentrionales,
 ad Cathayam & Sinarum regionem iter intendisset, Baccæa-
 rum terras detexit, enauigatoque toto hoc Oceani tractu, cum ad
 sexagesimum septimum latitudinis gradum peruenisset, hyber-
 nis frigoribus, multaque glacie impediende destinata navigatio-
 nis cursum, in Angliam redijt. Cæterum Laboratoris hæc, Estoti-
 landiæque ora, montibus aspera & syluis horrida, ingentium
 omnis generis ferarum multitudine abundat. Fama est Gryphos
 istis quoque in montibus reperiri. Indigenæ ingenio docili, lin-
 guam & caractères habent peculiare; præterea firmâ corporis
 constitutione, fortes ac robusti, venatores sunt strenui; colore
 perhibentur esse subfusco, non propter impendentes æstuantis
 solis radios, sed aut nimio frigore, aut cute herbis infectâ, nam cu-
 tem hic quoque atratis coloribus barbarorum more depingunt;
 argenteasque bullas, aut in aures gestitant. Ferarum martiarum-
 que pellibus vestiuntur, hyeme corpori obuersis villis; domos
 ligneas construunt, quas ferarum quoque pisciumque pellibus
 contegunt; piscibus ut plurimum victitant, quorum hic ingens
 captura. Auri has quoque feraces esse terras, quidam antumnant;
 cuius rei fidem refellere non est animus, tamen hoc dicam; si qua
 ibi aurifodina fuisset operæ, non dubium, quin continuatis na-
 uigationibus tota hæc ora petita, lustrata, penitus detecta foret.
 Nunc tamen, ultra prædictos Martinus Forbifferus, & Iohannes
 Davis Septentrionalia hæc littora tentarunt, quorum ille anno
 M. CCCCC. LXXX. hic anno M. CCCCC. LXXXV. M. C-
 CCCC. LXXXVI. fretum ad Sinarum populos inquirens, irritâ
 navigatione

navigatione in Angliam reuersus est. Indos quondam tempestatibus in Sueuorum & Germaniæ littora eiectos, superius ex Cornelij Nepotis, & Pomponij Melæ autoritate Quinto Metello Celeri, Galliæ tum proconsuli, à Sueuorum rege dono datos, non ex vltimis Orientis, aut Occidentis partibus, vti quibusdam visum est, sed ex hac Laboratoris Estotiladiæ, aut vicinis terris venisse constanter teneo, mecumque sentiet quicumque climatis rationem, & præcedentia expenderit. Paulus Iouius antiquis temporibus aliquoties ex his partibus in nostram Europam transmigrations factas, litandique humanis hostijs truculentum morem ex hoc orbe in Britanniam, atque inde in Galliam manasse putat; sed ego hoc vt parum verosimile nunc in medio relinquam, ex ingenio suo quisque demat vel addat fidem.

F I N I S.

(:X:)

Errata sic restituenda.

¶ Olio 11. linea 1. lege occidentis. fol. 11. lin. 6. lege Cibauis. fol. 14. lin. 10. lege quadringentesimum
 ¶ lin. 24. lege celoces. fol. 16. lin. 17. lege regique. fol. 18. lin. 2. lege deprehendendi. fol. 19. lin. 17. lege
 decederet. lin. 34. lege deuorant. fol. 20. lin. 22. lege Talabere. lin. 26. lege subsidis. lin. 34. lege exoluere.
 fol. 23. lin. 10. lege nauigant. fol. 24. lin. 22. lege aridensis. fol. 15. lin. 23. lege avara. fol. 18. lin. 1. lege vt
 veri fidem. lin. 5. lege enauigato sinu. lin. 6. lege satis se superque. lin. 21. lege Tanasum sue ad. lin. 28. lege
 totus in Motezumam fol. 35. lin. 6. lege prauis. lin. 30. lege qualicunque. fol. 36. lin. 12. lege tamque. fol.
 38. in pri. lege CHICA. lin. 26. lege ab australi. fol. 39. lin. 1. lege propinquier lin. 1. lege prosequeretur
 fol. 40. lin. 16. lege miliaria. fol. 41. lin. 22. lege oliphantum. lin. 29. lege nostratium. fol. 47. lin. 38. lege &
 paulatim. fol. 30. lin. 20. lege parmis exiguus fol. 51. lin. 3. lege septem aut octo. fol. 62. lin. 17. lege domos.
 fol. 71. lin. 32. lege pluuias. fol. 72. lin. 14. lege piscatorio. fol. 78. lin. 15. lege nobiles. fol. 93. lege
 CONIBAS. lin. 34. lege Eisperus. fol. 96. lin. 9. lege seruii opera

1. The first part of the report deals with the general situation of the country. It is a very interesting and informative study of the country's development. The author has done a great deal of research and has put together a very comprehensive picture of the country's progress. The report is well written and easy to read. It is a very good example of what a report should be.

PART 2.


(*)


Introduction


The purpose of this report is to provide a comprehensive overview of the country's development. It is a very interesting and informative study of the country's progress. The author has done a great deal of research and has put together a very comprehensive picture of the country's progress. The report is well written and easy to read. It is a very good example of what a report should be.

VTRIVSQVE HÆMISPHERII
DELINEATIO.
















CASTILIA
AVRIFERA
CVM
VICINIS
PROVIN-
CIIS.

















GRANATA NOVA
ET CALIFORNIA.



















150